

الفصل الاول

حبيبتى

يمضي الوقت كالبرق وأنتى أمامى وتبدو لحظات البعد كساعات طويلة

حبيبتى

القلب ينبض حباً يوماً بعد يوم والعقل ينظر نحوه في حيرة

حبيبتى

تذكرينى جيداً لأننى سأعود يوماً وسأخذ حقي يوماً أيتها الجميلة

حبيبتى

آخر كلمات وصلتها منه لقد مرت سبع سنوات بل أكثر بل أقل إنها لا تتذكر
بل شاء القدر أنها لم تتذكر وجهه شعرت بالغباء كيف نسيت كيف
حدث هذا كيف تنسى من أحبها بهذا القدر حتى إن لم تبادلها هذا الشعور
كيف نسيت ما سببته له كيف كيف ؟؟؟!!!
هربت الأسئلة من عقلها لتحل محلها إجابة واحدة فقط الجلال دائماً ما
ينسى الضحية ولكن الضحية تتذكره إلى الأبد

كل تلك الأفكار دارت في عقلها وهو يرمقها بنظرة بارده تلك النظرة التي
رأتها في عينيه آخر مرة شاهدهته فيها بعد ما حدث حدث منذ سبع
سنوات

كان أمامها طوال الوقت لكنها لم تعيره إنتباهاً قط لم تراه وكيف تراه وهي
معتاده ان الجميع ينظر إليها ويراهها هي فقط ترى نفسها
كالنجوم المضيئة هي لا ترى سوى نفسها وهو لم يرى سواها لم يراها
كالنجوم بل كانت بالنسبة له كالشمس إذا حضرت توارى الجميع وإنطفئت
كل الأضواء أمام ضوئها نعم حدث منذ سبع سنوات

كانت قاعة المحاضرات مزدحمة دخلت نور بكسل ومتأخرة جداً عن
موعداها وإتخذت لنفسها مكاناً بجانب صديقتها دعاء كانت نور تستحق لقب
جميلة الجميلات بجداره تتميز بشعر أسود ناعم وعيون جميلة وبشرة
خمرية فاتحة تجعلها تبدو كأميرة من بطلات الحواديت الخيالية . كانت فتاة
مدللة فالأب محامي شهير إعتاد الدفاع عن أباطرة المال فجنى الكثير والأم

سيدة مجتمع تمضي وقتها بين النوادي الإجتماعية والجمعيات الخيرية وهكذا تكونت شخصية نور فعلى الرغم من طيبة قلبها إلا أن حبها للمظاهر ودلالها كان عاملاً مهماً في إختيارها لأصدقائها و إختيارهم لها ولهذا كان غريباً على البعض تلك الصداقة القوية بين نور ودعاء .
دعاء كانت الصديقة المقربة لنور بل أعز الأصدقاء ومن ينظر لصداقة نور ودعاء يجب أن يعود أعواماً ،أعواماً إلى الوراء فوالدا نور ودعاء كانوا أيضاً زملاء بنفس الكلية يجلسون جنباً إلى جنب بنفس المدرج تفرقوا داخل دروب الحياة فأصبح والد دعاء مستشاراً معروفاً يشهد له الجميع بالنزاهة والشرف ووالد نور محامي ذو شهرة واسعة يشهد له الجميع بالفساد والطمع !!!!!!!! فأصبح اللقاء فاتراً ونادراً وعلى الرغم من ذلك إستمرت وبقوة صداقة نور ودعاء

نظرت دعاء لصديققتها في لوم وقالت : ماهو بدري ناموسيتك كحلي
نور : مش قوي والله أنا صاحبة بدري
دعاء : طيب إتأخرتني ليه
نور : أدهم وصلني ورحنا فطرنا سوا
دعاء : يادي أدهم
نور : تعرفي إنك البنت الوحيدة اللي شفتها مش عاجبها أدهم
دعاء : لولا إختلاف الأذواق لبارت السلع
نور : بس علشان كده أنا بحبك على فكرة
دعاء : هههههههههههههه ماشي يا ستي بس هو اللي معاه القمر يبص للمبة نايلون

كانت دعاء أبسط كثيراً في الجمال والمظهر عن نور ولكنها أيضاً كانت ذات ملامح جذابة وإبتسامة جميلة تختفي بخجل خلف نظاراتها ذات الإطار السميك فهي لم تكن تهتم بالمظهر مثل صديققتها التي تبتاع ملابسها من أوروبا وتعنتني بجمالها في أفخم مراكز التجميل ضحكت نور على مزحة صديققتها وتابعت : أسكتني..... ألفريديو الماكبير بتاعي في نص ساعة يخليكي أحلى مني

دعاء : ده على أساس لبس البوصة يعني
نور : ههههههههههههههههههههه لا لا لا بتكلم جد وعلى فكرة أدهم نفسه قالي إن وشك جميل جداً بس إنتي مش بتهتمي بنفسك ومركزة بس في الدراسة وخدي بالك ده أدهم الحناوي مش أي شهادة يعني
دعاء : ماشي يا ستي نركز بعه مع الدكتور شوية

نور : اه صحيح هو بيقول ايه

دعاء : إسمعي يا نور بلا أدهم بلا لبس ومكياج وكلام فارغ ركزي في الكيمياء

نور : حاضر

مضى الوقت لم تكن نور الوحيدة الشاردة عن المحاضرة دعاء أيضاً كانت تفكر في نور صديقتها المقربة وعلاقتها بهذا الأدهم فدعاء تفهم نور جيداً فهي طيبة القلب بعيدة كل البعد عن عجرفة أدهم وغروره حتى وإن ظن البعض أنها كذلك فدعاء تفهمها جيداً وكانت نور تعلم ان دعاء غير راضية عن علاقتها بأدهم ولكن نور كانت تريد تلك العلاقة وبشدة ووالدتها كانت دائماً ما تشجعها على ذلك فأدهم بالنسبة لوالدة نور عريس لقطة وخصوصاً أن هناك علاقة قوية بين والد أدهم ووالد نور حيث أن مكتب المحامي الشهير هو المختص بكل المعاملات القانونية لشركات والد ادهم أحد أباطرة السلطة والمال وأغني أغنياء البلد .

نور : ياه اخيراً المحاضرة خلصت

دعاء : لحقتي تزهقي إنتي جاية بعد نصها يا خوفي تتعدي من أدهم اللي من ساعة ما دخلنا الكلية وهو في سنة رابعه

نور : هاهاهاهاهاها ظريفة

دعاء : أنا مش عارفة هو دخل صيدلة إزاي

نور : ولا أنا بس اللي اعرفه إن دي كانت رغبة مامته علشان هي دكتورة صيدلانية باباه كان عايزه يساعده في البيزنس ويدرس إدارة اعمال بس هو مش فارقة معاه إنتي عارفه أدهم

دعاء : بس ده مش صح يا نور إنتي أكيد عارفه ده

نور : دعاء بليبيبيبيبيبي مش حنفتح الموضوع ده تاني وبعدين مامي بتقول بكرة لما يتجوز يعقل ما هو في الآخر لازم حيشتغل مع والده .

قابلت دعاء كلام نور بابتسامة وفضلت عدم الخوض في هذا الحديث

.... إتجهت الصديقتان بعد المحاضرة للكافتريا وهناك كالعادة كان أدهم يقف مع بعض أصدقائه كانت نور منبهرة بأدهم السيارة الفارهة والمظهر الوسيم والذوق العالي في كل ما يرتديه بدءاً من النظارة الشمسية حتى الحذاء كان هو أيضاً منبهراً بها الجمال والأناقة لا توجد فتاة في الجامعة كلها مثلها

وهو دائماً كان يريد الأفضل ولكنه لم يكن جاداً فهو إعتاد على الإنتقال من فتاة لأخرى يمل بعد فترة ويبحث عن وجه جديد ويا حبذا لو وجه رافض له أو عاشق لغيره

الفصل الثاني

نور : اهو أدهم هناك أهو
دعاء : طيب حسبيك أنا بقه
نور: إستني رايحة فين
دعاء : ياستي مش عايزة أبقى عزول
نور : إستني يا بايخة
عندها إتجه أدهم جهتهم كان أدهم يعلم أن دعاء لا تنتظر له بعين الرضى وكيف تنتظر له كذلك إبنة القاضي المعروف الذي لا يحب أمثال والد أدهم كان أدهم يفكر أن هذا الرجل وإبنته كصنف قديم يعيش على الشعارات الكاذبة والقيم الواهية في زمن لا يتحدث سوى بلغة المال .
أدهم : إزيك يا نورإزيك يا دعاء
نور :تمام
دعاء : تمام الحمد لله
أدهم : إيه حتخلصي الساعة كام أنا بفكر امشي دلوقتي
نور : انا خلصت كان في محاضرة كمان ساعتين وإتلغت
أدهم : طيب يلا يا بينا أنا عايزة امشي الجو هنا خنيق أصلا
تابع أدهم وهو ينظر لدعاء ويعلم جيداً أنها سترفض : ها يا دعاء تحبي نوصلك في طريقنا ولا قاعدة
دعاء : لا شكراً أنا لسه قاعدة شوية
نور : حتقدي تعملي إيه مفيش محاضرات
دعاء : حابص على حاجات في المكتبة
أدهم : طيب يا نور حسنتاكي في العربية ولو صاحبتك غيرت رأيها العربية موجودهقال جملته وغادر وهو بيتسم في خبث
غمزت نور صديقتها وتابعت : إيه يا بنتي برده دماغك غبية تعالي
حنوصلك عادي
دعاء : لا يا نور مش عادي إنتي عارفه إنه ماينفesch
نور : هو إيه اللي مينفesch خطيبي يا ستي
دعاء : لا مش خطيبيك لما يبقى خطيبيك يا ستي حابقي أركب معاكم

نور : قديمة

دعاء : هاها جديدة

وكانت تلك طريقة نور ودعاء دائما للسخرية من بعضهما عند الإختلاف
فتبكر كل واحد كلمة لتعبر بها عن الأخرى وركبت نور مع أدهم السيارة
الذي بادر بقوله : كنت عارف إنها مش حتيجي بس حبيت أغتت عليها
نور : وليه بس ترخم عالبننت
ادهم : عاملة فيها الطالبة المثالية ونضاره وكتب إنتم مش شبه بعض مش
عارف إنتم إزاي صحاب

نور : دودو دي أنتيمتي تقدر تقول إحنا مع إختلافنا أكثر إثنين فاهمين
بعض وهي بتقول إن اللي بينا إختلاف ومش خلاف وكلام كثير مكعبر كده
مش فاكراه عن ثقافة فهم الآخر والتعامل معاه حتى لو كان نقيض ليك
أدهم : خلاص خلاص بلاش وجع دماغ كويس إنها ماركبتش معانا كفاية
اللي عملته مع معنز

نور : وهي عملت إيه لمعنز هو بالعافية

ادهم : معنز ده نص بنات الجامعه حتموت عليه وصاحبتك حلقتله حلقتله
يعني

نور : هي مش بتفكر في المواضيع دي دلوقتي وبعدين إيه تاخذ لقب تبقى
من حريم سي معنز

أدهم : وإنتي مش من حريم أدهم..... ده أنا محترف يا بنتي معنز
ده هاوي

نور : هاهاهاها أنا مليش زي يا أدهم ولا إنت عندك رأي ثاني

أدهم : حبيبتني أنا عمري ما شفت حد في جمالك إنتي مجنناتي أصلاً
.....تحبي نروح فين انا مش عايز أروح

نور : ولا أنا أي مكان

أدهم : طب أربطي حزامك حنطير

وإنطلقت السيارة الفارهه كالصاروخ مبتعدة عن المكان .

عادت دعاء للمنزل لتجد والدتها تحضر طعام الغذاء

فايزة (والدة دعاء) : دودو جيتي بدري

دعاء : اه يا ماما المحاضرة إتلغت

فايزة : طيب يلا خدي دش على بال ما بابا وأخوكي يوصلوا يكون الأكل
خلص

دعاء : إيه ده إيه الريحه الجامدة دي

فايزة : البامية اللي انتي بتحبيها وملوخية كمان
دعاء : واوا دش مين الدش بعد البامية أنا حاجي أساعدك
كانت أسرة دعاء تتكون من الأم فايزة موظفة بأحد المصالح الحكومية
والوالد أحمد قاضي بمحكمة الجنايات والإبن الأكبر أحمد كان يعمل وكيل
نيابة والأصغر مصطفى ما زال في المرحلة الثانوية ودعاء بكلية الصيدلة
إلتفت الأسرة على مائدة الغداء في حوار يجمع بين قصص العمل والدراسة
كانت دعاء تستمع بشغف لحديث والدها عن قضايا الفساد في المجتمع
وخصوصا فساد الكبار أمثال والد أدهم كانت دعاء تشعر بالأسى لتلك
العلاقة بين نور وأدهم فهي ترى نور كالفراشة التي تعيش وسط الدبابير
ولا تعلم أنها فراشة ولا تعلم أنهم دبابير وتذكرت تلك النظرة في وجه أدهم
كلما رآها لا تعلم لماذا يصر على رمقها بتلك النظرة التي لا تفهمها وتلك
النبرة من السخرية في حديثه الموجه إليها كانت تشعر أنه يرفض صداقتها
لنور مثلما ترفض علاقتها به وكانت تتسائل هل ستصمد صداقتهم إذا ما
تزوجت نور بأدهم أم ستصبح ذكرى بمرور الزمن

في منزل نور عادت نور لمنزلها في سيارة اجرة والدموع تنهمر من عينيها
كان المنزل خاوياً بإستثناء الخدم كانت نور تشعر برغبة قوية في التحدث
بحث عن والدتها وهمت لتتصل بها ولكنها ترددت فلم تكن تعلم كيف تخبر
أمها بما حدث نظرت لها تفهما كثيرا ولكنها تركته وأخذت مفاتيح سيارتها
وإتجهت فوراً لمنزل دعاء

الفصل الثالث

في منزل دعاء دق جرس الباب لتجد نور أمامها يبدو على وجهها آثار
البكاء

دعاء : نور خير في إيه

نور باكية : أنا مخنوقة قوي يا دعاء

دعاء : حصل إيه تعالي خشي تعالي

كان أحمد أخو دعاء الأكبر واقفاً عند دخول نور شعر بالقلق لرؤيتها باكية

إتجه نحوها في رقة وناولها محرمة ورقية وهو يقول : خير في إيه

دعاء : مفيش يا أحمد نور بس مضايقة شوية حنقعد في أوضتي علشان
أفوقها

سحبت دعاء صديقتها بسرعة من أمام أخيها الذي رمق نور بنظرة حانية
وسيطر القلق والحزن عليه بعد رؤية دموعها ...وفي الغرفة جلست
الصديقتان بدأت دعاء الحديث بقلق : نور مالك قلقتيني
نور : إنتي كان عندك حق يا دعاء كل كلمة قلتيها على ادهم كان عندك حق
فيهاانا اللي غبية
دعاء : أفهم بس حصل إيه
نور : تخيليأنا نور يبصلي زي زي أي واحد من اللي كان
بيعرفهم ومتخيل إني أهأوده على كل حاجه عايزها
دعاء : نور إنتي بخير أدهم عمك حاجه
نور : أنا بخيربس كرامتي إنجرحت قوي قوي يا دعاء
دعاء : هو حصل إيه يا نور
نور : حكيالكحاقولك حصل إيه
وبدأت نور تقص ما حدث.....

كنا مع بعض في العربية قالي حوديكي مكان هادي ورومانسي ورحنا حنة
مقطوعة كده ممكن ناحية الاهرامات
أدهم : إنتي جميلة قوي يا نور أجمل بنت شفتها في حياتي
نور : بجد أد كده شايفني جميلة
أدهم : فوق ما تتخيلي لدرجة إني مش قادر أمسك نفسي قدام الجمال ده كله
إقترب أدهم من نور وهم لتقبيلها إبتعدت نور عنه وأشاحت وجهها وقالت :
إنت وعدتني إنك مش حتعمل ده
أدهم : في إيه إنتي مش بتحبيني ولا إيه
نور : إنت لو بتحبني مش حترضى تعمل كده
أدهم : متبقيش بايخة بقة وتبوظي اللحظة الحلوة دي
إقترب منها أدهم مجدداً وجذبها بعنف شعرت بأنفاس كريهه تخرج من فمه
نهرته بقوة وقالت في غضب : إنت شارب إيهإنت إجننت شربت ده
إمتى و أنا معاك يا أدهم للدرجة دي مش خايف عليا
أدهم : في إيه دي سجارة عزم عليا بيها واحد وإنتي في الحمام في المطعم
وبعدين متقلقيش أنا واعى كويس وعارف انا بعمل إيه
نور : لا ما هو واضح لو سمحت انا عايزة امشي دلوقتي
أدهم : قلبتيها نكد ليه يا نور حبيبي أنا بعبر ليكي عن حبي بطريقتي إديني
فرصة

إقترب منها هذه المرة أكثر شل حركتها وبدأ بتقبيلها بقوة شعرت بضعفها أمام قوته وإصراره ولكنها خلصت نفسها من قبضته و صفعته صفعة قوية على وجهه لم يشعر أدهم بنفسه إلا وأصابعها الصغيرة تضرب بقوة على خديه نظر لها في غضب شديد وهو يقول : إطلعي بره عربيتيإنزلي نظرت له نور في دهشة وصدمة أفقدتها القدرة على الرد وخرجت مسرعة من السيارة مشيت قليلاً والبكاء والخوف يسيطرون عليها خاصة أن المكان خالي من البشر وجدت سيارة تقترب منها شعرت بالفزع نظر لها من السيارة وقال : إركبي الحطة هنا مقطوعة

إستمرت في سيرها ولم تجيبه تابع في غضب : بقولك إركبي لحد يخطفك نظرت نحو السيارة في حيرة إضطرت للركوب وظل هو صامتاً وهي تراقب الطريق حتى وصلوا للعمران

نور : نزلني هنا

أدهم : خلاص حاوصلك البيت

نور: نزلني هنا

اوقف السيارة وإنطلق مبتعداً وألقت نور نفسها في أول سيارة أجرة و إتجهت للمنزل

نور : هو ده كل اللي حصل

دعاء : حقيربس مش مستغربة هو ده أدهم

نور : أنا عارفه بس كنت فاكرة إني بالنسبة ليه حاجة ثانيةأنا

إنصدمت فيه بجد

وإنخرطت نور في بكاء شديد إحتضنتها دعاء ثم قالت

دعاء :نور إنتي بتحبيه

صمتت نور قليلاً ثم قالت : مش عارفة ده حب ولا لأ بس برتاح معاه

ومعجبة بيه و دائماً مامي بتقولني إن هو المناسب ليا

دعاء : سيبك من مامي انا بتكلم عنك إنتي

نور : وهو ده يفرق دلوقتي

دعاء : يفرق كثير يا نور حيكون أسهل عليكي كثير إنك تسببيه لو مش

بتحبيه

نور : أنا دلوقتي مش بفكر غير في حاجه واحدهلازم أدفعه الثمن

ويعيش في الندم على اللي عمله معايالازم أعرفه مين هي نور

إستمعت لدعاء لكلام صديقتها عن غير إقتناع ولكنها آثرت الصمت حتى تهدأ نور وتخرج من حالة الغضب في اليوم التالي لم تذهب نور للجامعة قررت فيما يبدو الإختفاء قليلا كانت دعاء تتجه مسرعة لقاعة المظاهرات لتتوقف فجأة بعد أن إعرض أحدهم طريقها

أدهم : إزيك صاحبتك فين

نظرت له في ضيق وتابعت وهي تتركه وتمضي في طريقها : نور ماجتس النهارده

أدهم : ماتعرفيش ليه

دعاء : معرفش عنئذناك علشان مستعجلة

أدهم : طيب إستني بس عايزك توصلي ليها رسالة ماهو باين من شكلك إنها حكلك

دعاء : إفضل

أدهم : قوليلها مش ادهم الحناوي اللي مايتردش على تليفونه وإذا كانت هيا بايعة قيراط انا بايع ٢٤ واللي يتمنوا غيرها كثير

دعاء : ماشي يا سيدي ربنا يوفقك عنئذناك

أدهم : عموماً أنا خالي دلوقتي لو فكرتي يعني ولا متحبيش تزعلي صاحبتك

نظرت له دعاء في تعجب من وقاحته لم يهتدي عقلها لكلمات المناسبة للرد وهمت لتتركه سريعاً ولكنه همس وهي تمر بجانبه وأكمل حديثه أدهم : وعلى فكرة الموضوع ده ملوش علاقة بنور لحسن تفكرتي إني بقول كده علشان أغيظها ولا حاجه

شعرت دعاء بالغضب من وقاحته للمرة الثانية نظرت نحوه في تحدي

وقالت : وعلى فكرة متفرقش معايا

تركته وإتجهت لمحاضراتها وهو ما زال يتابعها بنظراته وبنفس الإبتسامة الساخرة على وجهه .

الفصل الرابع

شعرت دعاء بالغضب الشديد بعد حديثها مع أدهم وشعرت بالأسى من أجل نور وعلاقتها بهذا الفاشل وفكرت كثيراً هل تخبر نور بما صدر منه أم لا حتى لا تتضايق نور مر اليوم عليها طويلاً دون ان تهتدي لقرار ولكنها حادثت صديقتها في الهاتف بمجرد وصولها للمنزل

- دعاء : نور إزيك
نور : إزيك يا دودو
دعاء : عاملة إيه دلوقتي بقيتي أحسن
نور : يعني انا ضيعت وقتي في النوم مش عايزة أفكر
دعاء : حاولي تنسي يا نور
نور : شفتيه النهارده
دعاء بعد تردد : ايوة
نور : سألك عليا
دعاء : اه
نور : طيب قولي قالك ايه
دعاء : ولا حاجه مهمه كبري دماغك منه يا نور
نور : قولي يا دعاء
دعاء : كلام عبيط هي باعت وانا كمان بايع منتظرة من واحد زي ده يقول
ايه يعني
نور : واضح من كلامك إن شكله حتى مكنش متضايق
دعاء : يا نور اللي زي ادهم مش بيفكر زيي وزيك إفهمني بقه ده معندوش
مشاعر أصلاً ده بيقضي وقته اليوم بيومه همه إنه ينبسط وبس
نور : كنت فاكرة إني حد مميز
دعاء : إنتي حد مميز الحكم مش عند أدهم إنتي بس محتاجة تختاري صح
صمنت نور بعدها قليلاً وكأنها إستغرقت في التفكير تابعت دعاء : نور إنتي
معايا
نور : معاكي يا دودو
دعاء : حتيجي بكرة
نور : مش عارفة
دعاء : لازم تيجي
نور : عندك حق زمانه فاكر إني قاعده في البيت بعيط على فراقه وচারوح
أتحايل عليه نرجع لازم أجي ويشوف إني ولا فارق معايا
دعاء : غلط
نور : هو إيه اللي غلط
دعاء : لازم تيجي علشانك إنتي مش علشانه طول ما بتفكري فيه
وبتتصرفي على أساس ده عمر تصرفاتك ما حتكون صح فكري في نور
نور : بحس إنك عاملة زي صوت ضميري أوقت أحبك وأوقات أتخنق
منك

دعاء : ماشي يا ست الفيلسوفة
نور : أنا دانتي اللي سقراط دنا غلبانه
دعاء : ماشي يا غلبانه نتقابل بكرة
نور : خلاص تصبحي على خير
دعاء : وإنتي من أهله

حاولت دعاء بعدها النوم ولم تستطع فما حدث بين أدهم ونور وحديث ادهم المستفز معها شغل تفكيرها فقررت اللجوء لقصة لتريح عقلها من هذا الموضوع وإختارت إحدى قصص كاتبها المفضل إحسان عبد القدوس ولم تتم إلا بعد ان إنتهت منها أما نور فظلت طوال الليل تفكر في أدهم وكيف ستشعل غيرته ليعود إليها نادماً.....

وفي إحدى الشقق بمنطقة المهندسين كان يجلس أدهم بصحبة الشلة بشقة إشتراها خصيصاً لمقابلات اللهو والمتعة الخاصة به على غير العادة إبتعد أدهم عن الحضور عن دخان السجائر والضحكات النسائية وإنفرد بنفسه قليلاً لاحظ معتر صديقة إنسحابه فاتجه نحوه
معتر : إيه يا برنس قاعد لوحدك إيه
أدهم : عادي زهقت منكم قال كلمته وهو يدخن سيجارته المحشوة بشراهه

معتر : واللي في إيدك دي مبتزهقش منها قال ذلك وهو يشير للسيجارة

أدهم : هههههههه لا بزهق وبحب أغير إنت عارفني

معتر : ونور زهقت منها ولا إشتقتها تاني

أدهم : نور لا خلاص فركش يا عم

معتر : حد يفرکش مع نور إنت اللي بتضربه عمى عينك ولا إيه

أدهم : هاهاهاهاهاهاها ضحككتني بس حاعمل فيك جميل وأفهمك

معتر : فهمني يا سيدي

أدهم : انا بحب التفاح بس مقدرش أقعد اتفرج عليه كل يوم وأروح احلم بيه

ياكله يا أشوف فاكهه ثانية

معتر : طيب ما تاكله

أدهم : ماهو التفاح مارضيش يا قفل

معتر : وإنتي كنت متخيل إن نور حتوافقك على العك اللي بتعمله مع غيرها

دي نور مهران مش أي حد

أدهم : خلاص بقه وانا زهقت
معتز : غريبة
أدهم : هو إيه اللي غريبة
معتز : ماكنتش متخيل إنك بتفكر كده مع نوركنت فاكّر الموضوع
داخل في سكة جواز
أدهم : جواز !!!!!!!
معتز : اه جواز اول مرة تسمعها ولا إيه
أدهم : لالا لا أنا مبفكرش في الجواز دلوقتي خالصإنت عبيط ولا إيه
أنا مش بتاع جواز
معتز : يابني حتلاقي فين احسن واجمل من نور
أدهم : مش الفكرة أنا مش عايز اتجوز أصلاً على الأقل دلوقتي
معتز : ليه
أدهم : أربط نفسي بقه و عيال ومسؤولية طيب مش إما أدوق كل الفاكهه
اللي بحبها الاول
معتز : واللي متحبهاش وحياتك إنت بترحم
أدهم : عارف أنا مشكلتي الأساسية إيه يا معتز
معتز : إيه
أدهم : إن نور بقت قدامي تحت إيدي حتى لو كنت خدت منها اللي أنا عايزة
كنت حسبيها برده معرفش بعد ما بتملك الحاجه بز هقمش عارف ليه
معتز : ده طبعك من زمانأدهم إنت بتفكر في واحدة ثانية
أدهم : اه في واحد شاغلة تفكيري ومن فترة كبيرة حتى لما كانت نور
معاياوالنهار ده بقه بفكر فيها طول اليوم
معتز : ومين دي بقه ؟
أدهم : دعاء

الفصل الخامس

كانت نظرات الدهشة واضحة على وجه معتز عندما ذكر أدهم إسم دعاء
معتز : دعاء !!!!!!! دعاء يا ادهم
أدهم : مالك مستغرب كده ليهاه دعاء
معتز : إمتى حصل ده بقه
أدهم : معرفش أنا في الأول ماكنتش باخد بالي منها بس لما عرفت نور
بقيت أشوفها كثير وبدأت تشغل تفكيري
معتز : خليك صريح يا أدهم إنت بس بتفكر فيها علشان هي بتقابلك

أدهم : مش فاهم قصدك إيه
معتز : يعني علشان ما بتشوفش في عينيها نظرة الإعجاب اللي إنت متعود
عليها في عيون اللي حواليك وكمان واضح إنها نفضتلك قريب علشان كده
مشعشعة في دماغك الليلة دي
أدهم : ماشي يا سيدي منكم نستفيد
معتز : علشان كده بقة مكنتش متشجع لما قلناك إني معجب بيها
أدهم : إنت أهبل يا ض مش للدرجة دي وبعدين وقتها مكنتش بفكر فيها
معتز : طيب يلا أنا ماشي
أدهم : إنت قفلت ليهإنت بتحبها ولا يا ميزو
معتز : مش حب بس على الرغم من رفضها ليا أنا بحترمها إبعد عنها يا
أدهم
أدهم : يا سلام للدرجة دي
معتز : دعاء متستهالش إنك تقلب لها حياتها أنا عارفك لما بتحط حد في
دماغك

أدهم : عموما النقاش في الموضوع ده دلوقتي ملوش لازمة الموضوع مش
مهم عندي قوي للدرجة دي
معتز : ماشي يا أدهم إما نشوف

أغلق أدهم الموضوع مع صديقه ولكن ظلت صورة دعاء تقفز في خياله من
آن لآخر

وجاء صباح جديد ظنت دعاء أن نور ربما لن تظهر هذا اليوم أيضاً ولكن
جاءت نور بسيارتها الفارهة وكانت تبدو أجمل من كل يوم إبتسمت دعاء
بمجرد أن لمحت صديقتها وقالت لنفسها : مفيش فايده
أصرت نور على الظهور القوي لتظهر لأدهم أن حياتها مستمرة بدونه
وللأفضل كانت تبدو جميلة ووجهها تشع منه النضارة رفعت شعرها
بنظارة شمسية مميزة ونزلت من سيارتها كالمملكة إتجهت دعاء لصديقتها
وهي تقول
دعاء : يا سيدي يا سيدي عاملة فيها شمس البارودي حضرتك
نور بإبتسامه : بس إيه رأيك
دعاء : مجنونة
نور : عاقلةبقولك بيبص علينا

دعاء : هو مين اللي بيبص

نور : بطلي إستهبال بيبص ولا لأ

دعاء : معرفش

نور : ياربي على الغلاسة بصي شوفي أنا مش عايزة أبص ناحيته

حاولت دعاء النظر بجانب عينيها فهي أيضاً تحاشت النظر لأدهم بسبب

حديثه السابق معها نظرت لنور وقالت : بيبص

نور : متنح يعني

دعاء : نور إنتي بتهرجي لسه بتفكري فيه

نور : للأسف أهمتغاظة منه وعايزة أغيظه بأي طريقة

دعاء : طيب أسكتي جاي علينا يلا نمشي بسرعة

غادرت الفتاتان المكان ومر بجانبهم ادهم ورمق نور بنظرة وإبتسامه مليئة

بالسخرية نظت له نور بإحتقار شديد لكي تثير غضبه وادارت ظهرها

وخلفها دعاء التي تعمدت عدم النظر ناحية أدهم وشعر هو بذلك فتعمد

الإصطدام بها لتقع الكتب التي بيدهالملمت دعاء أشياءها بسرعة

وساعدها وتعمد هو النظر إليها طويلاً شعرت بالإرتباك والغضب ولحقت

مسرعة بصديقتها وهو يتابعها بنظرته

نور : هو عطلك ليه كان عايز يقولك حاجه عليا

دعاء بإرتباك : لا مقلش حاجه شكله خبط فيا غضب عنه

كانت دعاء تشعر بالخوف من تصرفات أدهم الصبيانية خافت ان تفقد

صديقتها بل خافت ان تكون تلك لعبة سخيفة من أدهم لمضايقه نور والتفرقة

بين الصديقتين ولهذا تعمدت ان لا تخبر نور عن تصرفاته وتتجاهلها تماماً

نور : هو عمر ماجاش النهارده

دعاء : عمر مين

نور : عمر نصار

دعاء : وياه اللي فكرك بعمر غريبة يعنيإيه يا نور

نور : عادي مش كنتي دايمًا بتقوليلي أد إيه بتحسي إنه مهتم بيا وبيتابعني

بعينه

دعاء : نور انا مش بحس إن عمر مهتم بيكيانا بحس إن عمر

بيحبك وياريت متستغليش حبه ده غلط

نور : حب إيه إحنا مش بنتكلم مع بعض إلا كل فين وفيين

دعاء : لأ حب يا نور حب نقي قوي أنتي مش فاهماه

ظلت نور تفكر في عمر تذكرت مواقف عديدة تذكرت نظرتة الحانية نحوها عندما بكت عند إخفاقها في أحد الإختبارات تذكرت متابعتة الدائمة لها بنظراته وتجاهلها الدائم له وإنشغالها بأدهم تذكرت معركة الشهيرة مع أدهم الذي كان يمشي مسرعاً بسيارته وكاد أن يصدم عدد من أطفال الملجأ حيث كان ينزههم عمر وأصدقائه من الجمعية الخيرية لقد قام عمر بضربه بعنف بعد عجرفته أمام الصغار كان عمر يشعر بغضب شديد إذا ما عامل أحدهم يتيم بإستهتار أو إستهزاء وأدهم لم ينسى تلك المعركة ومن هنا بدأ كرهه لعمر وكانت نور تعلم ذلك جيداً

نعم الجمعية الخيرية لمعت عينا نور هذا هو المدخل للحديث معه يجب أن يكون هناك سبب مقنع للتعرف ستنضم للجمعية لقد عرض عليها هذا الموضوع مراراً ولكنها لم تساعد إلا ببعض التبرعات المادية ولم تتواجد مثل البقية من صديقتها لقضاء وقت جميل مع الأيتام قررت نور التطوع ولكن ليس من أجل الأيتام ولا من أجل عمر بل من أجل أدهم

سيطر الشيطان على عقل نور فنفذت كل ما أملاه عليها عقلها المدلل الذي إعتاد على أخذ كل شيء وغايته دائماً ما تبرر وسيلته ولذلك لم تجد أمامها سوى هذا العاشق البسيط الذي بالتأكيد سيشعل نار الغيرة في قلب الحبيب الهارب وسيعود حتماً إليها وكانت محقة فحبيبها الآخر أكثر دلالاً ولعبته يشناق حتماً إليها عندما تكون في يد الآخر وهكذا إكتمل المثلث بين مدللة وعاشق وهارب

الفصل السابع

شعرت نور أن وقت المحاضرة كان طويلاً وما أن إنتهت نظرت نحو دعاء قائلة :

نور : أنا حاروح أشوف عمر مش حتيجي معايا

دعاء : برده مصممة على اللي دماغك

نور : اه

دعاء : أنا مش حاجي يا نور لإنني مش موافقي

نور : براحتك

دعاء : نور إستني قبل ما تروحي عايزة أسئلك على حاجه

نور : حاجة إيه

دعاء : نور إنتي حكيتي لمامتك على اللي عمله أدهم
نور : لا محكتش
دعاء : ليه
نور : لأنها مسألتنش وأنا مش حافتح الموضوع من نفسي لما تبقى تسألني
عليه حابقي أقولها
دعاء : نور لو خطتك نجحت وأدهم رجعلك ندمان حتر جعيله
نور : ايه
دعاء : سؤالي واضح يا نور
نور : مش وقته يا دعاء مش وقته سلام
دعاء : سلام

كان عمر يقف مع زملاءه عندما رآته نور ظلت تنظر نحوه مليا قبل أن
تتوجه لمحادثة كان عمر يتميز بوجه وسيم و عيون زرقاء مميزة نظر نحو
نور بمجدد رؤيتها كان لا يستطيع أن يبتعد بنظراته عنها كلما رآها ولكن
هذه المرة لم تكن مجرد نظرات بل بادلته نور النظرات أيضاً واتجهت
نحوه
نور : هاي إزيك
عمر : الحمد لله إزيك يا نور
نور : إنت فاكروني أهو
عمر : طبعا كان عمر لا يصدق نفسه أنها جاءت لتبدأ معه حديثاً
..... ماذا تريد يا نور لقد كنت أخلق الحجج للحديث معك كانت
سعادتي كبيرة لمجرد الوقوف أمامك ولو لحظات ولم أنل منك سوى
التجاهل والآن ماذا تريد
نور : إيه سرحت في إيه
عمر : لا أبداً ولا حاجه
نور : طيب أنا عايزة أطلب منك طلب
عمر : إتفضلي
نور : فاكرو إنت كذا مرة إديتني عنوان الجمعية الخيرية اللي إنت مشترك
فيها وأنا بصراحة كنت عايزة أشترك
عمر : بجد طبعا إتفضلي ليه غيرتي رأيك
نور : لا أنا ماكنتش رافضة الموضوع طبعا بس كسل يعني
عمر : عموماً طبعا أهلا بيكي ده شئ تطوعي وربنا يجعله في ميزان
حسناتك

نور : طيب أنا أشارك إزاي
عمر : سهل قوي أنا بكون موجود هناك كل يوم من ٦ ل ٨ تقديري تيجي
وأنا حخلصك كل الإجراءات
نور : بجد ميرسيينفع النهارده
عمر : أكيد
نور : خلاص حاجي الساعة ٦سلام مؤقت
عمر : مع السلامة

غادرت نور عمر لا يصدق نفسه بل سيطرت عليه السعادة لمجرد هذا
الحوار البسيط والهادئ فترى على وجهه ابتسامة طفل وفي قلبه سعادة
عاشق .

وبالفعل في حوالي الساعة السابعة مساءً ظهرت نور أمامه في مقر
الجمعية .

عمر : إفتكرتك مش جاية
نور : لا إزاي أنا بس مواعيدي بايظة شوية
عمر : لا لا مينفعش اللي يشترك معنا لازم يلتزم
نور : إيه

عمر : هههههههههه أنا بهظر على فكرة إحنا مش ببيع متخافيش
نور : إنت عارف أنا كنت بخاف أشارك في حاجات زي كده بخاف
مانتظمش أو أكسل أو أزهد
عمر : بصي يا نور ده عمل تطوعي يعني إنتي بتكون نيئك خير وتعملي
اللي ربنا يقدرك عليه
نور : إنتم بتعملوا إيه بقه

عمر : إحنا بنروح دور أيتام ودور مسنين وبنحاول ننزل المناطق الفقيرة
نوفر ليهم يعني أكل ولبس برده في رمضان بناخد تبرعات وبنعمل شنت
رمضان كده ودلوقتي إحنا كشباب في الجمعية بنحاول نكون زي
مجموعات محو أمية يعني على قد ما وقتنا بيسمح بنحاول ننظم دروس للي
عايز يتعلم

نور: واو إنت بتلاقي وقت لده كله منين وكمان بتطلع من الاوائل
عمر : إممممممممم إنتي جاية تشتركي ولا جاية تقري عليا
نور : ههههههههههه لا متخافش

عمر : عموماً يا ستي دي نشاطتنا و على قد ما وقتك يسمح إحنا بنتجمع هنا
وبنحدد كل واحد حينزل فين وحيعمل إيه
نور : لا بقولك إه أنا عايزاك تتبناني إعتبرني تلميذتك الخاوية حاروح معاك
واتعلم منك بتعمل إيه
إبتسم عمر لها وتابع : حاضر يا ستي بس أنا متعب ومضيع وقتي في
الكلام ده

نور : خلاص يا سيدي ضيعلي وقتي أنا كمان في الكلام ده
لاحظت نور إبتسامة عمر كانت إبتسامة جميلة صادقة خالية من السخرية
من الأفكار كانت نقية إبتسامة لم تعهدها نور مع أدهم كانت بداية لأشياء
كثيرة لم تعهدها نور مع أدهم

الفصل الثامن

كانت دعاء في غرفتها عندما سمعت طرقاً خفيفاً على الباب
دعاء : أدخل
أحمد : إزيك يا موس
دعاء : هههههه لا مش قوي كده
أحمد : بطلي دح بقه
دعاء : بالذمة في أخ يقر على أخته حبيبته الزمن بقى وحش قوي
أحمد : عاملة إيه في المذاكرة
دعاء : تمام
أحمد : مركزة يعني
دعاء : أيوة مركزة ليه بتسأل
أحمد : أنا قلت جايز مشغولة بمشكلة صاحبك وبتسرحي بقه قدام الكتب
دعاء : لا متخافش عليا
أحمد : هي كان مالها صحيح
دعاء : مين
أحمد : نور مش كانت عندك وبتعيط
دعاء : اه إنت مش داخل تظمن عليا بقه إنت جاي تسأل عن نور
أحمد : لا أنا بظمن عليكي بس إفتكرت موضوعها دلوقتي
دعاء : لا والله
أحمد : اه والله
دعاء : عادي يا أحمد كانت متخانقة مع مامتها

احمد : اممممممم أصل شكلها كان يخض بصراحة
نظرت دعاء لأخيها وهي تحدث نفسها : اه يا أحمد بلاش نور بلاش تتعلق
بنور نور دلوقتي مش عارفه مصلحتها وبتتصرف تصرفات
بتضرها وممكن تضر أي حد يتعلق بيها
أحمد : خلاص بقه أسيبك تكلمي مذاكرة
دعاء : ماشي يا حبيبي تصبح على خير
أحمد : وإنتي من اهله

مرت الأيام كانت دعاء تتعمد عدم الحديث مع نور عن حكايتها مع عمر أو
بمعني أصح خطتها ونور كانت تعلم أن دعاء غير راضية عن ما يحدث فلم
تفتح الحديث هي الأخرى وأدهم إختفى علمت نور بعد ذلك أنه سافر مع
أصدقاءه لقضاء عطلة سريعة في شرم الشيخ في تلك الأثناء
توطدت علاقة نور بعمر وبدأت مشاركتة في نشاطاته الخيرية لتدخل عالم
جديداً وتعرف رجلاً لم تعهده من قبل

عمر : النهارده حاروح دار للأيتام يا نور بس الأطفال هناك قريبين قوي
من قلبي بحس إنهم ولادي أنا بروح كثير ممكن كل يوم لما باقدر تحبي
تيجي

نور : أحب طبعاً أنا من ساعة ما إشركت حاسه إنني معملتش حاجه مفيدة
عمر : معلىش أنا إتلمخت في الشغل الأسبوع اللي فات وإنتي قلتي حابه
تكوني معايا لكن في ناس من زمايلنا راحوا كذا مكان
نور : لا زي ما قلتك إعتبرني تلميذتك الخايبة لغاية بس ما أتشجع
وتلاقيني منتشرة في كل حته لوحدي

عمر : خلاص تمام ده العنوان انا حاكون هناك عالساعة ٥ وبكرة أجازة
حاروح من بدري على ١٠ الصبح كده شوفي المعاد اللي يناسبك
نور : النهارده تمام بس قولني إيه حكاية الشغل دي إنت بتشتغل
عمر : اه في صيدلية دكتور جاري يعني منها شغل ومنها بتتعلم منه
نور : واو أنا مكنتش أعرف إلا سوبر مان على فكرة بتجيب وقت لده كله
منين

عمر : الله يخليكي لو نظمتي وقتك حتلاقي نفسك تقدرني تعملي
زي

نور : يا ريت أتعلم منك إنت بجد فظيع

نور : إيه ده منظم ليهم رحلة
عمر : اه بحب أفسحهم كل فترة حنروح جنينة الحيوانات ونتغدى هناك
وبعدين حوديههم ملاهي
نور : إمتى حتتحركوا
عمر : على ١٠ الصبح كده علشان مآخرهمش في الرجوع
نور : خلاص معادنا ١٠ الصبح

مر اليوم سريعاً كان حب عمر واضح في عينيه وشعرت نور بذلك وكانت
خطة نور تمشي كما فكرت ولكن الفرق الوحيد وربما الفرق الجوهرى أن
نور بدأت تحب عمر وبدأ أدهم يختفي رويداً من تفكيرها

الفصل التاسع

كانت لبنى والدة نور قليلة التواجد في المنزل وقد شغلت نفسها دائماً
بالمناسبات الإجتماعية الخاصة بأصدقاءها هي وزوجها وبين حفلات
الجمعيات الخيرية التي ربما ينفقون فيها على ملابسهم أكثر مما ينفقون
على التبرعات

وصلت نور للمنزل وكانت والدتها تتناول بعض الشاي في التراس
نور : بونسوار يا مامي
لبنى : بونسوار يا حبيبة مامي عاملة إيه مختفية عني بقالك كام يوم
نور : أبداً أنا موجوده أهو أنا كمان كنت عايزة أقولك إني طالعة رحلة بكره
مع صحابي رحلة خفيفة كده مش حنتأخر
لبنى : فين
نور : عادي جنينة الحيوانات وملاهي
لبنى : جنينة الحيوانات غريبة يعني
نور : لا مش غريبة ولا حاجه دي رحلة خيرية لأيتام عاملينها للخير يعني
لبنى : طبعا يا حبيبتى ده أهم حاجه عمل الخير بس كنتي جيتي معايا
الجمعية بدل البهدلة دي
نور : خليني أجرب
لبنى : وأدهم جاي معاكم
نور : أدهم حيروح رحلة أيتام زمن المعجزات إنتهى
لبنى : طيب لما تشوفيه قوليلوا مامي بتقولك تعال إتغدى معانا يوم

نور : طيب اوكيه حابقي أقوله تصبحي على خير
لبنى : وإنتي من أهله يا حبيبي

تركت نور أمها وهي تفكر مقولتيش ليه يا نور ليه مقولتيش على
اللي حصل مش طالبة وجع دماغ ونقاش معاها دلوقتي مش طالبة
يا نور

إرتمت نور على فراشها ظلت تفكر لساعات في عمر هذا الشاب الذي
بهرها بعقله ورجولته وعطفه إنه نقيض أدهم في كل شئ شعرت بالحيرة
كيف إنجذبت لأدهم وإنجذبت لعمر إنهم متناقضان كالشمال والجنوب فعمر
يبدو كالفرس الأبيض الذي يخشى على صاحبه من الوقوع فيحميه فيكون
فرساً سريعاً ولكن لطيفاً تصل معه بأمان إلى وجهتك أما أدهم
فهو كالفرس الأسود جامح ينطلق بجنون ويأخذك معه فتعيش لذة المغامرة
ولكن لا تعلم كيف ستكون النهاية

استيقظت نور في الصباح الباكر وعند دار الايتام كان يقف عمر في نشاط
ومرح مع بقية الأطفال رأت نور عربة ميني باص متهاكة يبدو سائقها
رجلاً كبيراً في العمر ظلت تنظر نحوها لوهلة فقاطعها صوت عمر
عمر : متقلقيش زوبة دي جامدة جداً وعم مصطفى ده شوماخر مش عايزك
تقلقي خالص

نور : إممممم هو باين عليا قوي كده

عمر : باين يلا بينا

نور : يلا بينا

بدأ الجميع في الركوب وعمر يراقب ويتأكد من دخول الجميع للسيارة شعر
بمن يجذبه من يديه كان يس أحد الأطفال ومقرب جدا من قلب عمر

يس : عمر عمر

عمر : إيه يا يس مركبتش ليه

يس : هي البنات الحلوة دي حتطلع الرحلة معنا

عمر : اه يا لمض أيوه

يس : طيب ممكن أقعد جنبها

عمر ضاحكاً : تقعد جنبها !!!! ولما إنت تقعد جنبها أنا حاقعد فين.....
إطلع إركب

يس : ماشي يا عمر إبقى إفتكرها
وإنطلق يس غاضباً

عمر : إبقى إفتكرها !!!!!!! ماشي يا يس أقعد جنب شريف هه

صعد عمر بعدها للسيارة ونظر نحو يس ضاحكاً وجلس بجانب نور
نور : بتضحك على إيه

عمر : لا موضوع كده اصل يس معجب بيكي
نور : يس مين

عمر : أهو بس مش عايز إنه ياخذ باله إني قلتك

نور : بجد ياربي على العسل ده كميلة خالص

عمر : ماشي أطلع منها انا بقة

نور : ههههههههههههه

عمر : تعرفي إن ضحكك حلوة

نور : بجد

عمر : طبيعية أصل في بنات بتكون ضحكتهن مصطنعة متحسيس إنهما من
القلب

نور : اه عارفاهم دول ههههههههه

كانت السعادة واضحة على وجه عمر لاحظ إبتسامته الجميع وكان محبوباً
فكان الجميع سعيداً من أجله

عم مصطفى : يا دكتور عمر

عمر : أيوه يا عم مصطفى

عم مصطفى : وشك منور النهارده والغمازتين باينين (يقصد ظهور

غمازته المميّزة مع ضحكته) ربنا يديم الغمازتين على وشك

ضحك العجوز ونظر لعمر في خبث

عمر : اممممممم شكرا يا سيدي ركز في الطريق

ثم نظر عمر لنور قائلاً : معلى أصله بيحب يهظر معايا ويغلس عليا دايماً

نور : بس هما الغمازتين شكلهم لذيذ

شعرت نور بالإحراج وقالت لنفسها : إيه اللي إنتي قلتيه ده بس هما فعلاً

شكلهم جميل وهو عينيّه فطبيعة كل مابص ليه مش عارفه بيحصلي إيه

جرى إيه يا نورهربت نور من أفكارها وشردت مع الطريق

وصل الجميع للحديقة كانت السعادة مرسومة داخل وجوه الأطفال فرحين لمجرد وقوفهم أمام زئير الأسد ومشاهدتهم لقفز القرود تعالت ضحكاتهم البريئة في المكان صورة بسيطة لم تعتاد نور رؤيتها كثيراً لطفل يمثل البالون أقصى أمنياته إنها البساطة وإنها حقاً رائعة

عمر : خلاص يلا وقت الساندويتشات
إلتف الصغار حول عمر وأصدقاءه ومشرفات الرحله وتم توزيع وجبات الطعام على الأطفال ليتناولوا غذائهم سريعاً لإستكمال المرح خوفاً أن يمر اليوم دون إستغلال كل دقيقة في اللعب واللهو
جلست نور تتابعهم بإهتمام والإبتسامه على وجهها جاء عمر وجلس بجانبها كانت السعادة ظاهرة في عينيها نظر لها ملياً إنتبهت له فشعر بالإرتباك ناولها ساندويتش وهو يقول : سجق

نور : إيه

عمر : تاكلي سجق

نور : اوكيه

عمر : إستني إنتي كلتي سجق قبل كده

نور : لا بس سمعت عنه

عمر : هههههههههههههه لا بلاش لحسن يجيلك تلبك معوي خدي في

هامبرجر وفي جبنة رومي

نور : اوكيه برجر

عمر : دوقي طبيخي بقه

نور : إيه ده إنت اللي عملتهم

عمر : اه طبعا نزلت إمبراح جبت يجي ٥٠ ر غيف فينو وإشتغل بقه

علشان العيال تاكل هما الجماعة التانيين برده عملوا بس العيال بتحب

الساندويتشات بتاعتي أكثر

كان عمر يتحدث بكل براءة وكأنه يتحول لطفل مثلهم سعيد بسعادتهم

وبالعابهم البسيطة

نور : هو عموما طعمها حلو مع إن ده مش طبيخ يعني حمرت البرجر

وحطيته في الساندويتش

عمر : اممممممم مش عاجبك طيب هاتي بقه

نور : خلاص عاجبني عاجبني أنا جعت بصراحه وكفاية إن شكلي

وحش معملتش ساندويتش مربى حتى جبت نفسي وجيت

عمر : كفاية بس إنك تجيبي نفسك وتيجي

قال عمر جملته وقد اصبح اكثر شجاعة وظل ينظر نحو نور بقوة شعرت نور بالإرتباك بعد تلاقي عيناها لفترة قامت بسرعة وإتجهت لرجل كان يبيع البالونات وإشترتهم جميعاً أكثر من ثلاثين بالون كان المنظر فريداً وجدت نور نفسها تقف وتمسك بعصى البالونات وكأنها هي من تبيع ضحك عمر من قلبه وإستغل الفرصة بمكر

عمر : يلا يا ولاد هجووووووووووووووووووووووو

إنطلق جميع الأطفال بسرعة شديدة نحو نور التي لم تستطع الهروب إستحوذ كل طفل على بالون أو اكثر ووقعت نور أرضاً ولكنها ظلت تضحك حتى دمعت عيناها ساعدها عمر على النهوض وقال :

عمر : أسف بجد بس هي جات كده إوعي تزعلي

نور : ماشي مسامحك..... بس لإني عمري ما ضحكت كده بجد

عمر : خلاص يلا كلي علشان حنطلع بعد شوية عالملاهي

نور : خلاص هات ساندويتش سجق

ضحك عمر كثيراً وناولها ساندويتش من الجبن خوفاً على معدتها وإقترب كل منهما أكثر من الآخر فمشاعر نور إزدادت قريباً من عمر أما هو فكان يعيش أجمل لحظات حياته بجانب معشوقته الوحيدة .

الفصل العاشر

كانت الساعة قد قاربت على الساعة مساءً كانت نور تشعر بالتعب الشديد لدرجة أنها إستغرقت في النوم داخل الباص في طريق العودة نظر لها عمر وهي نائمة كانت تبدو كالملاك شعر أنها ستبرد فخلع الجاكيت الخاص ووضعها عليها حتى تشعر بالدفء.....وصل الباص ونزل الاطفال متجهين إلى الدار إستيقظت نور لتجد جاكيت عمر عليها والجميع بدأ بالفعل في مغادرة الباص وعمر مع الاطفال يطمئن على دخولهم مع المشرفات . نظرت نور للجاكيت مره أخرى وإبتسمت ونزلت من الباص ليقابلها عمر وهو متجه نحوها ويقول : صباح الخير

نور : أنا رحنت في النوم جامد

عمر : معلش برده الرحلة كانت مجهده خصوصاً الملاهي الولاد تعبونا

نور : مش مهم المهم إنهم إنبسطوا

عمر : بس إنتي شكلك مجهدة وعايزة تنامي

نور : فعلاً مش قادرة أفتح عيني

عمر : طيب مش حينفع تسوقي كده سيبي عربيتك هنا وأنا حاوصلك
بالتاكسي

نور : لا لا متتعيش نفسك أنا عادي حامشي على مهلي

عمر : لأ مينفعش إزاي أسيبك تسوقي كده سيبيها وإبقى خديها الصبح

نور : طيب خلاص أنا حاخذ تاكسي إنت كمان محتاج تروح ترتاح حتقعد
تلف

عمر : إنتي شكلك ممكن تنامي في التاكسي مش حينفع كده حكون
مطمئن أكثر يلا بينا

نظرت له نور وهي سعيدة بقلقه عليها وإهتمامه بها أوقف عمر سيارة
الأجره وركبوا

كان عمر صامتاً أغلب الوقت وأرادت نور أن تتحدث ولكن لم تعرف ماذا
تقول كانت تشعر بحبه وسعيدة بهذا الحب بل سعيدة بوجودها بجانبه كل
هذا الوقت وتمنت لو يطول أكثرربما إلى الأبد

مش عارف ليه متونس بيكي وكأنك من دمي
على راحتني معاكي وكأنك أمي مش عارف ليه

كانت تلك كلمات الأغنية على محطة الإذاعة كان الصوت هادئاً نظر عمر
نحو السائق وقال : لو سمحت ممكن تعلي الصوت شوية
كان عمر يستمع للأغنية بشغف ويتمنى أن ينظر نحو نور ربما لأنه يشعر
أنها بطة تلك الأغنية في عقله وقلبه تشجع ونظر نحوها فنظرت له بدورها
فبادر بقوله : أصلي بحب الأغنية قوي
نور : واضح بس هي فعلا أغنية حلوه

كانت نور تشعر بالإرتباك والسعادة مع كل كلمة كلمات الأغنية وعمر
يسرق بخجل بعض النظرات نحوها دون أن يتحدثدون أن يحاول
سرقة لمسة من يديها كما فعل أدهم أول مره كانوا سوياً

نور : خلاص هنا لو سمحت قالت جملتها للسائق ثم قالت لعمر : دي
الفيلة بتاعتناتصبح على خير
عمر : وإنتي من أهله

إتجهت نور لمنزلها وإنطلقت سيارة الأجرة بعمر لمسكنهشعر عمر
بالضيق بعد رؤية منزل نور وشعر بفرق كبير بينهمافرق نبهه له
عقله الآن وتحاشاه قلبه قبل ذلك

كانت دعاء تجلس في غرفتها تحاول أن تستذكر ولكن ما يحدث مع نور كان يشغلهاكانت ما زالت تشعر بالغضب من صديقتها ومن خطتها الماكرة وربما تشعر بالغضب من نفسها أيضاً لأنها لم توقعها وتنفذ عمر منها وتنفذ نور من نفسها قطع أفكارها جرس هاتفها المحمول ...كان رقماً غريباً لا تعرفه فأجابت : الو
كان الصوت الآخر صوتاً ذكورياً شعرت أنه مألوف : الو مساء الخير
دعاء : مساء النور مين حضرتك
الصوت : إزيك يا دعاء
دعاء : الحمد لله مين معايا
الصوت : يعني مش عارفه صوتي
دعاء : لأ مش واخده بالي
الصوت : أنا كده زعلت يعني كده إنتي مبتفكريش فيا زي ما بفكر فيكي
دعاء بغضب : مين بيتكلم لو حضرتك مقولتش إنت مين أنا حاقل
الصوت : أنا بس كنت بكلمك علشان أقولك وحشتيني
أغلقت دعاء الهاتف بسرعة كان لديها شك إقترب من اليقين عن شخصية المتصل شعرت دعاء بالضيق ولكن جرس الهاتف رن مره أخرى نظرت بسرعة ولكن تلك المرة كانت نور هي المتصلة .

نور : إزيك ياللي زعلانه
دعاء : وإزيك ياللي مبتسمعيش الكلام
نور : ياريتني سمعت الكلام
دعاء : مش فاهمه
نور : شكلها كده حتقلب بجد
دعاء : مش فاهمه
نور : شكلي حفرت حفرة ووقعت فيها أنا
دعاء : إيه شغل الألباز دي
نور : دعاء أنا شكلي بحببحب بجد
دعاء : إيه !!!!!!!!!!!!!!!
نور : دعاء أنا بحب عمربحبه معرفش إمتى وإزاي وليه بس ده
اللي انا حاسه بيه
دعاء : بجد يا نوربسرعة كده

نور : إنتي متعرفهوش يا دعاء لو تعرفيه ممكن تحبيه أصلاً وساعتها ممكن أقتلك

دعاء : هههههههههههه لا دانتي شكلك وقعتي

نور : لما بيصلي بحس إحساس غريب قوي قلبي بيدق وفرحانه وقلقانه

مش عارفه إيه ده النهارده بجد كان يوم جميل مكنتش عايزاه يخلص

دعاء : إحكيالي اليوم وبالتفصيل الممل

قصت نور لدعاء كل ما حدث ودعاء إستمعت بإمعان أكملت نور : بس هو

مقلش حاجه ولا حتى مسك إيدي تخيلي أدهم مسك إيدي اول يوم خرجنا مع

بعض وقالي بحبك

دعاء : وهو يعني طلع صادق

نور : على رأيك

دعاء : طيب نور إنتي لسه بتفكري في أدهم

نور : بفكر وبقارن بينه وبين عمر بس كفة عمر

فووووووووووووووووووو وكفة ادهم بتقع في الأرض

دعاء : طيب يا نور أدهم عنيد لو حاول يرجعك دماغك مش حتزقزق

نور : وأسيب عمر ومشوفوش تاني ولا أتكلم معاه ويتكلم معايا ... ده ثمن

غالي قوي

دعاء : ياااااااااااه يا نور ريحتيني قوي

نور : بس هو ينطق مش راضي ينطق أعمل إيه

دعاء : معلش بس صدقيني لما يقولها حتكوني أسعد إنسانه في الدنيا مش

كل حاجه تتاخذ قفش أصبري

نور : حاضر حاصبر يلا تصبحي على خير

دعاء : وإنتي من اهله أشوفك بكره

أغلقت نور الهاتف وإستسلمت لأحلام اليقظة ودعاء حاولت النوم ولكن

مكالمة أدهم كانت تثير بداخلها القلقماذا يريد !!!!!!!

الفصل الحادي عشر

لم يترك القلق دعاء بل زاد عندما رأت أدهم صباحاً في الجامعة كانت تقف

هي ونور عندما رآته يراقبهما بنظراته الساخرة كعادته

نور : إيه مالك بتبصي على إيه

دعاء : أدهم رجع شفته دلوقتي

معتز : فيلم إيه
أدهم : عمر بيه لعلمك نور عارفه إني مش بطيقه علشان كده حبت
تغيظني
معتز : بس دول بقالهم فترة سمن على عسل خالص وإنت مكنتش موجود
أدهم : كلها كام يوم وتزهق منه لما تعرف إن ولا فرق معايا
معتز : جايزإما نشوف
أدهم : إيه يا عم شكلك فرحان فيا
معتز : كده برده هو أنا وش كده
أدهم : ههههه وأبو كده وحياتك

إنتهت المحاضرة ونظرت نور لصديقتها
نور : مالك يا دودوشكلك مش مطبوط
دعاء : نور في موضوع كده كنت عايزة أتكلم معاك في
نور : موضوع إيه
دعاء : في حاجه بايخة حصلت وبتحصل وأنا خفت أقولك تضايقي بس
خلاص بقه .لازم أقولك
نور : قولي يا دعاء في إيه
دعاء : حكيالك
وبدأت دعاء تقص على صديقتها كل ما بدر من أدهم إتجاهها منذ البداية
حتى مكالمة اليوم
دعاء : بجد النهارده إتخنقت كان بيبيص بتحدي وهو ماسك التليفون مش
عارفه يا نور ومش فاهمه هو عايز إيهيغيظك ولا يغتت علينا ويبوظ
علاقتنامش عارفه
نور : إنتي عبيطة يا بنتي علاقة إيه اللي يبوظها وعموما خلاص
الموضوع ده متخليهوش يضايقك تاني وأنا حاوقفه عند حده وأبعده عنك
دعاء : لا يا نور أنا مش بحكيالك علشان تعلمي مشكلة معاه علشاني أنا بس
حسيت إني لو ماتكلمتش ممكن ده يضر علاقتنا
نور : لا يا دعاء كده كفايةوأنا بجد آسفه أنا السبب لولا علاقتي بيه
مكنش إتجرأ عليك كده وتلاقية كمان جاب نمرتك من موبايلي
دعاء : خلاص سيبك منه خليه يكلم نفسه بقه المهم إحنا نكون تمام وإنتي
وعمر تمام

نور : علشان كده لازم وقفة. لازم يعرف إني خلاص نسيته وإن إنتي فاهمه
الآعيبه كويس دي مشكلتي ولازم أحلهالازم

قالت نور جملتها وتركت دعاء وإنطلقت تبحث عن أدهم .

كان أدهم مازال مع معتز عندما وجد نور تتجه نحوه في غضب
.....إنسحب معتز ونظر لها أدهم بإبتسامته المعهودة وقال :

أدهم : إيه وحشتك ولا إيه

نور : للدرجة دي إنت إنسان حقيربتستغل دعاء علشان تغيظني
أدهم : واواإيه الكلام الجامد ده والقطة صاحبك إشتكتك للدرجة
دي أنا بخوف

نور : أدهم إبعده عن دعاء هي فاهمك وأنا كمان فاهمك بلاش الطريقة دي
أدهم : مغرورة قوي يا نورطيب ما جايز أنا معجب بيها بجد ولا
بحبهاماهي بنت زيك برده

نور : لأ هي مش زييهي أحسن منيبلاش الطريقة دي معنا
ولا تكون فاكرا إنا بقه ممكن نتخانق علشانكهههههههههههههه
أدهم : امممممممممممممم دانتني بترريقي بقهبس غريبة قوي بتشتميني
وبتتهميني بحاجه إنتي بتعملها

نور : نعم

أدهم : عمرعمر نصاربس إختيار موفق فعلا أنا مش بطيقه
غيظتيني شويةقال أدهم ذلك وهو يبتسم وينظر لها في تحدي

نور : فعلا أنا كنت عايزة أغيظكأرجعك ندمان لإني عارفه كويس
إني حاعجب أكثر لما أكون معاهاأنا فاهمك يا أدهم اللعبة لما تكون
بعيد عنك بتتجنن عليها لغاية لما تملكها بتزهق منها وتدور على لعبة تانية .
بس عارف بعد ما عرفت عمر بجد إكتشفت إني كنت عايشة في صندوق
ضيقة قوي صحيح صندوق ذهب بس يخنق لكن مع عمر شفت حاجات
كثير بره الصندوق حاجات حلوه عمري ما عشتها معاك وعلشان كده
خلاص يا ادهم والمره دي بجد حتى لو سبت عمر مش حارجلكأنا
إتغيرتوبجد عقبالك .

أنهت نور جملتها مع رؤيتها لعمر الذي نظر نحوها في غضب وهم لترك
مكان فتركت أدهم سريعا وإنطلقت لتلحق بعمر

نور : عمر إستنى

عمر : نعم

نور : إنت رايح فين

عمر : رايح الدار

نور : طيب منا قلتك إني حاروح أنا كمان

عمر :إفتكرتك غيرتي رأيك وإتشغلتني بحاجه أهم

كان عمر يبدو عليه الضيق وفهمت نور السببرؤيتها مع أدهم

شعرت نور بالسعادة لغيرة عمر عليها وتابعت : معنديش حاجه أهم

عمر : يعني مش مشغوله مع أدهم

نور : أيوه قول بقه البوز ده سببه أدهم

عمر : ولا بوز ولا حاجه براحتك

نور : براحتي!!!!!! يعني إنت مش متضايق

عمر : لا مش متضايق ومليش حق أتضايق أصلاً

نور : عمر لو عايز يكون ليك حق تتضايقبليز إتضايق

عمر : مش فاهم

نور : أدهم مش مهم عندي ولا حيكونإممممم الحقيقة يس هو المهم

عندي وأنا عايزة أروح أشوفهعندذك حشوفك هناك

ومن بعيد كان أدهم يتابع الحواريرى غضب عمر وإهتمام نور وهو

يقول : ماشي يا نوربتتحديني

أنا حاعرفك مين هو أدهم .

الفصل الثاني عشر

لاحظت نور أن عمر ما زال غاضباً حتى عندما وصل إلى الدار وجلس مع

الاطفال ومعها كان شارداً أغلب الوقت وفي النهاية هم بالإنصراف وهو

يقول: طيب أنا حاروح دلوقتي

نور : عمر إستنى عايزة أتكلم معاك

خرجت نور مع عمر من الدار وبدأت الحديث قائلة : مالك يا عمر

عمر : مفيش يا نور

نور : لا في وحتقول لإني مش حستحمل أشوفك كده

عمر : نتكلم بصراحة

السيارة ووقف أمامها وجهاً لوجه ولكن دون إبتسامته الساخرة كان يبدو
غاضباً

أدهم : بتشتكيني لصاحبتك طيب خليكى جريئة وإتكلمي معايا أنا
مبعضش على فكرة

نظرت دعاء نحوه في تعجب من جرأته التي زادت عن حدها وغضب في
آن واحد وقالت بعصبية واضحة : إنت إزاي تسمح لنفسك إنك تعترض
طريقي في الشارع كده على فكرة مش معنى إني سكنت إنك تزودها معايا
كده .أنا أعرف أرد كويس وأوقفك عن حدك كمان
أدهم : واو دانتي طلعتي بتخربشي أهو

دعاء : كلمة ثانية وصوتي حيعلى لو سمحت إمشي ملكش كلام معايا
بعد إنهاء جملتها تحركت دعاء مبتعدة عنه ولكنه تبعها وامسك بذراعها
بعنف وقال : مش شرط أكون بغيظها ما جايز بحبك

قال ذلك وهو ينظر نحوها نظرة قوية كادت ان تصدقه كادت أن تضعف
أمام نظرتة ولكنها إستدركت نفسها فوراً وسحبت ذراعها من قبضته بعنف
و نظرت له في تحدي وقالت : حتى لو كنت بتحبني بالنسبة لي متفرقش
.....ريح نفسك

تركت دعاء أدهم في غضب وركب سيارته هو الآخر غاضباً وإنطلق
مسرعاً

في منزل أدهم في المساء جاء معتز ووجده كسولاً أمام التلفاز
معتز : إيه يا عم النوم ده كنا إتفرجنا على الماتش بره ومعانا ناس حلوة كده
تفتح نفسنا

أدهم : مليش نفس خرينا في البيت
معتز : ماشي وأدي قعدة

بدأ معتز و أدهم في متابعة المباراة لاحظ معتز أن أدهم شارداً ولا يرى
المباراة ولا يستمع إليها أغلق معتز التلفاز ونظر لصديقه وقال : وحصلت
المعجزة قفلت الماتشمالك يا زعيم في إيه
أدهم : مفيش

معتز : على ميزو إنطق قول اللي مضايقتكفضفض بدل ما يطق ليك
عرق

أدهم : خلاص يا معتز قفل بقه

نور : يا سلام يعني مفيش بنت عم كده الغمازتين جنوها وبتعملك الغدا بإيدها

عمر : لا لا لا لا مخك راح لبعيد قوي انا بطلت اكل عند حد كل واحد مشغول بحياته والبنى آدم لازم يكون خفيف وبعدين أنا بطبخ كويس على فكرة

نور : هامبرجر وسجق برده

عمر : هههههههههههههه لا لا دانا بعمل فراخ تاكلي صوابك وراها

نور : كويس علشان تعلمني

عمر : نعم !!!!!!!!!!!!!

نور : إيه خلاص بقة بكرة أتعلم وأعملك أحلى اكل يا حبيبي

عمر : إيه قولي ثاني كده

نور : بقولك بكرة أتعلم اطبخ

عمر : لا لا مش دي اللي بعدها

نور : خلاص يا عمر بقة

عمر : عارفة يا نور أنا دائماً كانت بتبقى أسعد لحظات حياتي في الدار مع

الولاد كنت حاسس هما محتاجين إيه علشان انا إتحرمت منه وكنت ببقى

سعيد وأنا بديه ليهم

نور : إيه يا عمر

عمر : إن حد يكون فاكرك من ساعة ما جدي مات وانا حسيت باليتم

يعني كنت ماكنتش زعلان فرحان محدش مهتم بجد أو فاكرني بجد دي أهم

حاجه يا نور إنك تحسي إنك مهمه في حياة شخص بس دلوقتي عرفت إن

سعادتي دي كانت ناقصة وكملت بوجودك إنتي مش عارفه دخولك

حياتي عمل فيا إيه بتطمني عليا وبتقلقي عليا رجعت إمتي وكلت إيه

إنتي فاكراني يا نور وانا مش عايز اكثر من كده

نور : حبيبي أنت كل حياتي معنديش أهم منك وكل ما بنتكلم بحبك أكثر

أسكت بقة

عمر : ههههههههههههه هو للأسف مضطر أسكت علشان الوقت إتأخر ولازم

أقولك تصبحي على خير عندك محاضرة بدري الصبح

نور : اه صح كنت ناوية أطنش وأنام

عمر : لا أنا معنديش الكلام ده تحضري كل المحاضرات مفيش تزويغ

نور : حاضر

عمر : تصبحي على خير يا حبيبي

نور : وإنت من أهله يا حبيبي

إمبراطورية الحناوي أغني أغنياء البلد وستستفيد هي وزوجها من هذا الزواج حتماً نعم معهم الكثير من المال ولكنهم يريدون المزيد وأدهم كان يعرف ذلك جيداً فلبنى والدة نور كانت لا تختلف كثيراً عن من يتزوجهن والده إنها المرأة الجميلة المغرورة التي تسعى لمال الرجل قبل قلبه فتمل منه عندما يختفي ماله ويمل منها عندما يعتاد جمالها وكان يرى نور مثل أمها نفس الجمال نفس الغرور نفس الطمع ولهذا أرادته نور ولهذا رفضته ولهذا إستغلت عمر للإنتقام منه ولكنها ستدفع الثمن فإذا كانت تصدق أن الزواج منه هو النعمة فليتزوجها إذن لتعرف أنها النعمة

أدهم : صباح الخير

لبنى : أدهم إزيك يا حبيبي صباح النور

أدهم : تمام

لبنى : أنا زعلانه منك يعني ولا تسأل ولا تيجي ده حتى قلت نور تخليك

تيجي تتغدى معانا يوم وشكلك طنشت

أدهم : أنا إمتى ده نور ما قالتش حاجه

لبنى : بجد لما أشوفها بس

أدهم : ما هي نور سبب كلامي معاكي يا طنط

لبنى : إيه زعلانين من بعض ولا إيه

أدهم : أنا زعلتها لكن لما حبيت أصلحها وطلبت منها الجواز رفضتني

لمعت عينا أدهم عندما ذكر كلمة الزواج كان يعلم أن لبنى تنتظر تلك الكلمة

من زمن وستقلب الدنيا رأساً على عقب

لبنى : معقول ده نور بتحبك يا ادهم

أدهم : أنا كنت فاكركده لكن واضح إنها إتغيرت وبقه في واحد تاني

لبنى : لا لا لا انا كده حازل منك إيه الكلام الفارغ ده

أدهم : للأسف ده مش كلام فارغ ده إسمه عمر وشكله واكل دماغها خالص

لبنى : إنت بتتكلم جد ولا دي غيرة وشد ما بينكم يا ادهم

أدهم : أنا عمري في حياتي ماتكلمت جد زي دلوقتي أنا كنت حفاتي

الحناوي باشا إمبراح في موضوعنا بس ترددت حقوله إيه رافضاني علشان

واد تربية ملاجئ ضاحك عليها هي لو مش خايفة على نفسها أنا

خايف عليها

شعرت لبنى بالغضب الشديد عندما وجدت ان كلام أدهم يبدو عليه الجدية

وليس مجرد حديث مرسل

لبنى : غريبة الموضوع ده انا لازم أتكلم مع نور

أدهم : حاولي تعقليها يا طنط انا مستنتيها بس تقول اه وحتلاقيني أنا وبابا
بنكلم عمي رسمي أنا خلاص حتخرج السنة ودي وإحتمال أسافر أكمل
دراستي بره علشان أفتح البيزنس الخاص بيا بقة وأبويا نفسه في ده النهارده
قبل بكرة ومش حلاقي أحسن من نور تكون جنبي ونبدأ مشوارنا سوا
....ومش حلاقي عيلة احسن منكم تناسب عيلة الحناوي إحنا بينا شغل وقدام
حيكون بينا نسب وشغل اكثر كثير

وهكذا كان أدهم يعرف ما يقول فرمى الطعام وكان واثقاً من الصيد الثمين
أما لبنى فكانت مشاعرها مختلطة بين الغضب والسعادةالغضب
من غباء إبنتها والسعادة من طلب أدهم الذي إنتظرتة طويلاًزغنتهى
الحديث وإتجهت لبني للمنزل سريعاً وهي تقول لنفسها : إيه الحكاية يا نور
.....بس حتى لو مش عارفه مصلحة نفسك أنا عارفه مصلحتك كويس .

عادت نور للمنزل لتجد والدتها في إنتظارها على غير العادة

نور : إزيك يا مامي رجعتي بدري يعني

لبنى : كان لازم أرجع بدري

نور : ليه

لبنى : ممكن اعرف إيه بقة اللي حصل مع أدهم

نظرت نور لأمها وفهمت أن أدهم لم يضيع وقته وقام بمقابله سريعة مع

والدتها

نور : عادي أدهم كان موضوع وخلص خلاص

لبنى : من إمتى بقة

نور : من دلوقتي خلاص

لبنى : يبقى كلامه صح بقة وفي واد معرفش طلع لنا منين ضاحك عليكى

نور : اللي بيضحك على بنات الناس هو ادهم بتاعك ولما معرفش يضحك

عليا وسبته وبقيت مع غيره بقيت حلوة انا مش قادرة أفهم إزاي إنتي موافقة

على شخص زي ده

لبنى : إنتي اللي عيلة ومبتفهميش حاجه سايبية إبن الناس علشان ولد مش

عارفين أصله وفصله إمتى حصل ده وأنا نايمة على ودني وفاكراكي نكية

وعارفة مصلحتك

نور : انا عرفت مصلحتي لما عرفت عمرمامي انا غلظت غلظة عمري لما عرفت ادهم و غلظة غلظة اكبر لما فكرت اغيظه بعمر علشان يرجعلي بس فقت دلوقتي و عرفت ان سعادتني بجد مش مع ادهم حاولي تفهميني انتي متعرفهوش و متعرفيش عمر علشان تفهمي الفرق لبنى : فرق ايه فوقه بقه الفرق الوحيد هو حساب البنك انتي محسيتيش بالفقر علشان تتكلميتقدري تستغني عن عربيتك عن الخمس الاف جنيه اللي بديهم ليكي كل شهر عن لبسك مكياجك عمر بتاعك لما يتخرج مرتبه ميصرفش عليك يومفوقه نور : مش عايزة حاجه لا فلوس ولا عربية انا حابداً معاه من الصفر لبنى : اطلعي اوضتك يا نور وهو تليفون تنهي كل علاقة ليكي بالولد ده أبوكي لو عرف حيطينها عليك و عليه و تجهزي نفسك علشان حنحدد معاد مع ادهم و والده آخر الاسبوع نور : مش حتجوزه ولو آخر راجل في الدنيا انا مش حتجوز غير عمر فاهمه و مش خايفه وده قراري قالت نور جملتها في تحدي و صعدت لغرفتها غاضبة أما لبنى فتفاجئت من ردة فعل ابنتها و التغير الشديد الذي اصابها و جلست غاضبة تفكر في حل

.....

الفصل الخامس عشر

أغلقت نور باب غرفتها و إنخرطت في بكاء شديد فلقد قذفت أمها في وجهها الواقع بدون رحمة لتقذفها خارج عالم الأحلام إلي الحقيقة المزعجة التي طالما طردتها من عقلها و قلبها و عالمها الجميل مع عمر تلك الأوقات القصيرة التي إختلستها من الزمن بعيداً عن خطط الأم و تحكيمات الأب لم تجد غير صندوقها الصغير هو ملجأها في تلك الأوقات بل هذا هو وقته صندوقها المنمق الذي يحتوي على كنوزها الثمينة تلك القصاصات التي تحتوي على كلمات عمر أشعاره البسيطة تلك الخواطر التي كان يكتبها من أجلها نعم كان عمر يعبر عن حبه لنور دائماً بكلمات رقيقة قد تكون خاطرة صغيرة بيت من الشعر و عندما علمت نور صممت أن تأخذ كل ما كتبه لتحفظ به في صندوقها الثمين

حالة من العشق تحيط بي

أعيش بداخلها وتعيش بداخلي منذ رأيتك
منذ أحببتك منذ عشقتك
لا أعلم من الأقوى هي أم أنا
ولكن لا أبالي
مادمتي حبيبتني لا أبالي

في الوقت الذي إمتدت فيه يد نور لقصاصات عمر وبدأت دموعها تظهر
على الحبر الجاف كان عمر يجلس وحيداً في غرفته مع خواطرة مع
أفكاره ليكتب قصاصة جديدة خاطرة ربما لن تقرأها نور

حالة من الخوف تبحث عني
تحاصرني
حبيبتني حالة من القلق تولد بداخلي
كلما عبثت الأفكار برأسي هل ستظل حبيبتك
هل ستكمل معها دربك
أم ستختفي وستعود وحيداً
هل سأكون شريك حياتها رفيق دربها
أم سأكون مجرد ذكرى تبتعد مع الزمن
وتختفي ملامحها رويداً رويداً حتى تنساها
حبيبتني أنكريني

ووسط حالة الحزن والقلق التي يعيشها العاشقان كانت لبني تفكر بجدية في
مشكلة نور وكيف تنقذ إبنتها من عقلها الصغير المدلل من هذا الحب الذي
قفز داخل حياتهم بدون مقدمات

وهكذا مضت أيام قليلة تحاشت فيها نور الحديث مع أمها ولم تستطع
مصارحة عمر بما يدور في منزلهم عمر أيضاً حاول أن
يطرد الأفكار المزعجة من رأسه وأن يعيش لحظات جميلة مع حبيبته ولكن
شرودها الدائم حال دون ذلك

عمر : مالك يا حبيبتي عطلول سرحانه
نور : أنا أبداً ممكن تلاقيني مجهدة بس
عمر : على عمر إنتي في حاجة حصلت جديدة مضايكاكي
نور : لا العادي قلتك إجهاد بس
عمر : أنا قلقان عليكي
نور : بعد الشر عليك من القلق كله حبيقي تمام أنا لازم
أمشي دلوقتي علشان أفوت على دعاء قبل ما اروح
عمر : برده مش عايزة تتكلمي مش حاضغظ عليكي
نور : معلش
عمر : أنا كمان حاروح الجمعية ورايا شوية شغل
نور : خلاص حاكلمك بالليل متزعلش
عمر : خلاص يا حبيبي سلام
نور : سلام

إتجهت نور لمنزل دعاء إستقبلتها فائزة والدة دعاء بحفاوة وقالت ...
فائزة : إزيك يا نور إيه ده خسييتي كده ليه شكلك مبتكليش
نور : إنور زيك يا طنط وحشاني
فائزة : وإنتي كمان يا حبيبتي
نور : دعاء عاملة إيه
فائزة : البرد شديد عليها شوية هي في أوضتها تعالي أدخلي
دخلت نور غرفة صديقتها لتجدها مريضة في فراشها تعاني من حمى
الانفلوانزا ويبدو عليها التعب الشديد تركتهم فائزة لإعداد طبق من الحلوى
لنور التي يبدو عليها الإعياء الشديد نظرت نور نحو صديقتها وإبتسمت
قائلة : إيه النظام انفلوانزا الخنازير دي ولا إيه
دعاء : كده طيب خدي بالك لنتعدي مجبتيش كامامة ليه
نور : مش فارقه
دعاء : بتحاولي تهظري بس عيونك حزينة يا نور
نور : أنا تعبانة قوي يا دعاء وندمانه أنهت نور جملتها وإنخرطت
في البكاء
دعاء : نور يا خبر ابيض إيه اللي حصل تاني
نور : اللي حصل إني شكلي كده حدف ثمن أخطاء الماضي يا دعاء
دعاء : ليه بتقولي كده

نور : أدهم يا ريتني ما عرفتهيا ريتني عرفت عمر قبلهأنا
أنا كنت بفكر وبخطط زي الشيطان علشان أرجع أدهم ليا والمضحك
المبكي إن اللي خطتت ليه إتحقق يا دعاء زمش قلتلك شكلي حادف
ثمن أخطائي

دعاء : نور إستهدي بالله كده أنا مش عارفة اقولك إيه بس حاولي تفهمي
مامتك

نور : تفتكري ممكن تفهم ولو هي فهمت بابي حيفهمده بابي لسه
معرفش مش عارفه لما يعرف حاعمل إيهأنا خلاص دماغي حتنفجر
وعمرعمر ذنبه إيه ذنبه إنه حبني ولا غني حبيته ولا إني
عرفته أصلاً

شعرت دعاء بالآسى من أجل صديقتها وبالغضب من أدهم
.....وبالغضب من نفسها لأنها للحظات ظنت أن مشاعره ربما تكون
حقيقيةإنها حمقاءفمن مثله لا يشعر بمن حوله يشعر
بنفسه فقط ويعيش لنفسه فقطغير عابئ بالآخرين .

وفي نفس اللحظات كان أدهم ينظر نحو هاتفه المحمول ورقم دعاء أمامه
ظل يفكر كثيراً هل يتصل بهايطمن عليهالقد إختفت بعد آخر
مواجهة بينه وبين نور هل شعرت بالغضببالغيرةهل هي
مريضةحزينة كانت الأفكار تتصارع في عقله قذف الهاتف
في غضب ونظر للمرآه ليواجه نفسه بحماقتهبحماقة الحب
.....بحماقة الذلالذل لإمرأة!!!!!! ما هذا العبث هل
سنتزمه إمرأة بحجة الحبلا بل ستدفع الثمن ثمن حبهثمن
تجربها عليه وهاهو سيتزوج بأعز صديقة لها سيهرب منها ويظل بجانبها
في نفس الوقتوسيتزوج نور من خطتت ودبرت من أجل
عودته لتنال مرادها وقرر هو أن يعطيها مرادها بعد أن زهدتهإبتسم
إبتسامة ساخرة كعادته وإنتبه لصوت سيارة والده خارج الفيلا تنهد وقال
لنفسه : إنتي محظوظة قوي يا نور خلاص الموضوع قرب يبقى رسمي
وريني بقه حتعملي إيه

الفصل السادس عشر

قابل أدهم والده بإبتسامته الساخرة كعادته وهو يقول

أدهم : مش ممكن الباشا الكبير منورنى النهارده طب كنت قلت كنت
حضرتلك العشا بإيدي
كان والد أدهم رجلاً في العقد السادس من العمرأحمد الحناوي
صاحب إمبراطورية الحناويالمالالجاهالسلطة
.....القوة كان أحمد الحناوي رجلاً تميل طباعه إلى القسوة ولكن لم يقسو
يوماً على أدهم فقد كان إبنه الأكبر والمقرب إلى قلبه والنسخة المصغرة
منه فقد شرب أدهم ملخص تجارب أبيه مع النساء فأصبح شاباً مثقل بحمل
كهلاً وكان يجب أن يكون أدهم من يحمل هذا الحمل فأحمد أبيه لم يحب
سوى أمهالمراه التي أحبها بجنون وذاق مرارة الهجر على يديها
فكره الحب لأنه لم يستطيع أن يكرهها
نظر أحمد لإبنه ضاحكاً وقال : إممممممممم بقولك أنا مش فايفلك
أدهم : أسف يا باشا شكلك هربان من البيت الثاني وأنا دوشتك ولا البيت
التالت
أحمد : هههههههههه والرابع كمان عايز حاجه بقه
أدهم : أنا خايف أطلعك
أحمد : خايف تطلعيعلى بابا
أدهم : يا باشا إنت بتلعب في دوري المحترفين أنا غلبان
أحمد : عايز إيه يا أدهم
أدهم :أنا عارف إنك مش عاجبك حالي وزهقت وقررت أريحك
أحمد : إيه حنتجج أخيراً
أدهم : اه أنا حاجتهد السنة دي علشان أخرج بقه لإني خلاص زهقت
وعايز أستقر
أحمد : إنت عايز تتجوز
أدهم : طول عمرك فاهمني
أحمد : وماله إخترت العروسة بقه على كده
أدهم : نورنور مهران
أحمد : بنت محمود
أدهم : أيوه
أحمد : طيب ما في بنات احسن منها كثير وعائلات اكبر من عيلة محمود
مهران
أدهم : عارف بس هي دي اللي أنا عايز أتجوزها وشايفها مناسبة ليا
أحمد : داننا مصمم ومقرر بقه

محمود : على فكرة عندي موضوع مهم عايز أقولكم عليه
لبنى : علشان كده بقه جيت بدري على العشا
تابع وهو ينظر لإبنته متجاهلاً تعليق زوجته على كلامه
محمود : النهارده ادهم الحناوي جالي المكتب وطلب إيدك يا نور
لحظات من الصمت نور تشعر بغضب شديد تود الصراخ ولكن حبس
صوتها ربما الخوف من الأب فهو بطبعه بعيد كل البعد عنهم يظهر في
المنزل كضيف شرف فأصبح مع مرور الزمن مصدر هام للنقود وإفتقدت
الإبنة حنانه ونصائحه فلم تعد تتحدث معه والآن لا تجرؤ على الحديث
قررت لبنى قطع جدار الصمت فأصطنعت المرح وقالت : معقول وإنت
رأيك إيه يا حبيبي
محمود : والله الولد كويس وليه مستقبل باهر بنات كثير يتمنوا يناسبوا العيلة
دي وخصوصاً ابن أحمد الحناوي حدد معايا معاد يجي هو ووالده الأسبوع
الجاي
نور : يعني إتفقتموا وقررتوا حد فكر ياخذ رأيي
تحدثت نور اخيراً وبنبرة غاضبة كانت تشعر بالعجز فلم تجد بديلاً سوى
الرفض القاطع وبعنف
محمود : إنتي ليكي رأي تاني
نور : أيوه انا مش موافقه
محمود : ممكن أعرف ليه
نور : مش عايزه أتجوزه مش بطيقه مش بالعاه
محمود : أقعدي معاه وإعرفي شخصيته كويس وبعدين الجواز اكبر من كده
الجواز جواز عائلات مش أشخاص بس
نور : حضرتك ناسي إنه معايا في الكلية وعارفاه كويس وبعدين ده واحد
فاشل دنا قربت أحصله
محمود : الفاشل ده لما يتخرج فلوس بقه حتختصر سنين كثير قدام غيره
وبعدين غنتي مش حتتجوزيه بكره حنعمل خطوبة ونشوف مش جايز
تغيري رأيك
نور : بابي إنا مش حتجوز أدهم ده قراري النهائي ومش خارج في
محمود : بنت إنتي بتتكلمي معايا كده ليه أنا عارف مصلحتك وعارف مين
الأصلح ليكي
نور : لأ إنت بتفكر في مصلحتك إنت ومصلحة شغلك والفلوس والنفوذ لكن
لأ أنا إتغيرت يا ريت تفهموا ده مش حتجوزوا ومش حتجبروني

تركتهم نور وصعدت غرفتها في غضب.....نظر محمود لزوجته
والغضب يتطاير من عينيه وقال : الموضوع ده شكله إتفتح قبل كده
.....في حاجه أنا معرفهاش
لبنى : أنا حاقولكححكياك على كل حاجه

الفصل السابع عشر

غضب شديد رأته لبنى في عين زوجها عندما اخبرته بقصة نور وعمر
شعرت بالخوف على ابنتها من غضبه خاصةً عندما قال ...
محمود : اه دي الهانم ماشية على حل شعرها وإنتي ولا هنا أنا حوريها
عايزة تضيع مستقبلها علشان واد صايحدي عايزة تتربى من جديد
لبنى : إستنى بساهدى نور صغيرة وطايشة والولد الثاني ده شكله
مش سهل انت شايف البنات إتجرات وبتكلمنا إزايإتغيرت خالص
محمود : قصدك إيه
لبنى : لازم نفكر بهدوء ممكن تعاند اكثرتبقى كارثة لو الولد كمان
طلع مش كويس وإتجوزوا من وراناإحنا بنسمع بلاوي
محمود : إسمه إيه الواد ده
لبنى : اللي أعرفه إن إسمه عمر وبيشتغل في جمعية خيرية مش فاكهه
إسمها
محمود : مش مهمانا حاعرف وحاتصرف
لبنى : حتعمل إيه
محمود : ماهو في الآخر مش حيبي واحد مش عارف أصله وفصله
طمعان يضحك عالبنات ويضيع مني فرصة الجوازة ديده إسمه
لعب عيالانا خارج
لبنى : رايح فين
محمود : ورايا شغل في المكتببلاويهو إنتم حاسين
بحاجه
خرج محمود غاضباً وهو يفكر كيف يتخلص من عمر العقبة الأساسية أمام
هذا الزواج

قضت نور ليلتها بين بكاء وقلق جاءتھا مكالمة دعاء في الصباح
فاسترسلت المسكينة في الكلام كمن أرادت إفراغ حملها الثقيل في جعبة
صديقتها أملاً في الراحة الوقتية
دعاء : إهدي بس يا نور حرام عليكي نفسك
نور : حرام عليهم هما حيغصبوني أنا عارفه
دعاء : انتي قلتي حاجة لعمر
نور : أقوله إيه بس يا دعاء أقوله عرفتك علشان أغيظ أدهم
علشان أخليه يطلبني للجواز بس حبيتك وحتدفع تمن خطئي
وحتدفعه معايا ولا أقوله أنا قربت منك ودخلت حياتك علشان
في الآخر أقوله سوري أهلي مش موافقين وعايزيني أتجوز واحد
ثاني

دعاء : أنا مش عارفة أقولك إيه يا نور
في تلك اللحظات كانت لبني والدة نور تهم لدخول غرفة ابنتها ولكنها
تراجعت عندما سمعت صوت ابنتها تتحدث على الهاتف لم تستطع أن تتبين
كلمات الحوار وتوقعت أنها تحدث عمر فتوجهت لهاتف آخر ورفعت
السماعة بحرص لتستمع إلى المكالمة ربما لتستمع لأهم جزء في
المكالمة

نور : خلاص يا دعاء مفيش غير حل واحد
دعاء : إيه
نور : أنا حتجوز عمر لازم نتجوز ونحطهم قدام الأمر الواقع
دعاء : إيه !!!!!!!!!!!!!!!!!!!!!!!!!!!!!

عندها أغلقت لبني سماعة الهاتف في فرع ووجدت أنه لا مناص
من إخبار زوجها قبل أن فوات الأوان

كان عمر يشعر بالقلق الشديد وتعبت المخاوف برأسه يوماً تلو الآخر تلك
المخاوف التي ولدت وبقوة منذ رأى منزل نور هذا القصر الذي يبدو
كالمارد بجانب شقته الصغيرة وها هو أدهم يظهر في الكادر
ليحطم أحلامه مع معشوقته وينبئه إلى الحقيقة الغائبة أو ربما الحقيقة
المؤجلة لم تظهر نور ولم تأتي للجامعة إتصل بها للإطمئنان عليها

هكذا تحدثت مشرفة الدار مع نور وهي تراقب جنا من بعيد لم تحتمل نور البقاء هناك بدونه خرجت مسرعة من المكان لتجد آخر أمامها.... ربما يكون أكثر شخص تكرهه في الحياه.....أدهم

نور : إنت تعرف المكان ده منين

أدهم : مش مهم

نور : عمر فين عملت له إيه إنطقأذيته

أدهم : مش أنا اللي أذيته يا نورإنتي

نور : إنت بتقول إيه

أدهم : إنتي اللي أذيتهدخلتي في حياته ودخلتية في حياتك اللي

هو مش قدها وعمره ما حيكون قدها وكل ده علشان لعبة سخيفة لعبتيا

معايا

نور : إخرس

أدهم : إسئلي أبوكي يا نورهو اللي إتصرف معاه مش أنا

نور : إيه

أدهم : أبوكي مش حيسييه إلا بجوازنا إفهمي بقههو أنا فاهم

أبوكي أكثر منك ولا إيه

نور : إنت السببلولا طلبك ده مكنش كل ده حصل أنا عارفه

إنك مبتحبنيش ليه بتعمل كده

أدهم : ولا إنتي بتحبينيولا حبيتيني قبل كدهولا بتحبي

عمرإنتي بتحبي نفسككلكم بتحبوا نفسكمإنتم

متعرفوش حاجه عن الحبتعرفوا تملكوا بستأمروا

.....تنهوا ولما تزهقواتهربوا

نور : إنت بتقول إيهإننت إنسان مريض

إنخرطت نور في بكاء شديد لقد شعرت أن كل ما يحدث لعمر بسببها

.... بسبب دخولها في حياته وبسبب حبه لهاشعرت أن حبه

له لعنه أصابتهليتها لم تحبهالحب يجلب السعادة

وحبها لم يجلب له سوى الشقاء .وهاهو يدفع ثمن خطأ لم يرتكبه

.....يدفع ثمن أخطائهاولم يجد عقلها وقلبها سوى جملة واحده

هي من يجب أن تتحمل ثمن أخطائها حتى وإن كانت أخطاء من

الماضيأما أدهم فسيكون له ما يريدوليتزوجها ولكن

لن يذق معها طعم السعادة ما دامت حية

لم يعرف عمر أنه خرج من هذا السجن لتدخل نور سجن آخر بإختيارها
سجن ذهبي بعيداً عن عالمها معاً .

نعم قررت نور الزواج من أدهم من أجل أن يعود عمر كما كان
..... من أجل من أحبته زمن أجل أن يبتعد عنه الدبابير
داخل حياتها أما هي فأعتادت عليهم ربما هي منهم
..... ربما لا تستحق عمر وهم لا يستحقونه هم لا
يستحقون سوى أدهم .

الفصل التاسع عشر

كان يجلس مع الأطفال بإبتسامة حزينة يبدو على عينيه الإجهاد الشديد
وكأنه لم ينم لأيام ولكن كان أول ما فعله بعد خروجه هو التوجه للدار وعلى
الرغم من مظهره الرث وذقته الطويلة إلا أن الأطفال طاروا فرحاً لمجرد
رؤيته وطغت الإبتسامة على وجوههم الحزينه وجفت دموع جنا التي لم
تترك يديه كأنها تخاف أن تفقده مره أخرى
علم أن نور جاءت وسألت عليه كانت نور أول وجه يتمنى رؤيته
ولكنه حاول الإتصال بها ولم يفلح فهاتفها مغلق كان عمر يشعر
بالقلق الشديد عليها فقد شعر بقوة أن ما يحدث له مرتبط بها وبأدهم
..... كان يتسائل هل وصل الامر بأدهم أن يستخدم نفوذه
بتلك الطريقة ليزيحه عن طريقهما يال الجبروت ولكنه لن
يتركها لن يتخلى عن حبيبته ولو فقد عمره هذا هو عمر
وكانت نور تعلم ذلك جيداً .

إنتي بتقولي إيه !!!!!!!!!!!!!!!!!!!!!!! مش ممكن

كانت تلك هي ردة فعل دعاء بعدما قصت عليها نور كل ما حدث خاصة
بعد ما تأكدت من أمها أن والدها كانت له اليد العليا في إختفاء عمر

نور : زي ما بقولك كده

دعاء : مستحيل يكون ده بيحصل بجد أنا حاسه إنك بتحكي فيلم
نور : أهلي يا دعاء جوازة أدهم عندهم تقريبااً اهم مني أنا شخصياً
دعاء : بس لا يا نور لازمي تقاومي
نور : لو عليا أنا مش مهم ممكن أعاند وأعافر معاهم لغاية لما أز هقهم
المشكلة إنهم أدوا عمر عمر ملوش ذنب يا دعاء وهو مش قد بابي
دعاء : يعني تفتكري جوازتك بأدهم مش حتأذيه يا نور
نور : لازم ينساني ويرجع لحياته قبلي لازم حياته ترجع تمشي
طبيعي
دعاء : إزاي بقه أنا بيتهيألي إن عمر أصلاً مش حيتخلي عنك
وإنه حيقف قدام الدنيا كلها علشانك
نور : عارفه وساعتها حيضيع علشان كده لازم أخليه يسيبني وميفكرش فيا
تاني
دعاء : إنتي ناوية على إيه يا نور
نور : حاقولك

لعبة خطة قصة حب
حقيقي تضحية

تلك هي الحقيقة لعبة نور التي بدأتها وطورتها لتصبح خطة ونفذتها بالفعل
لنتطور لقصة حب حقيقية فتجد نفسها مضطرة في النهاية أن تضحى
بحبيبها من أجله وبالفعل لقد غيرها عمر وهاهي لأول مرة
تفكر في شخص غير نور وسعادة ليست لنور

لم يصدق عمر نفسه عندما وجدها أمامه في الجامعة لقد كاد أن يجن وهرب
النوم من عينيه عندما فشل في الإتصال بها فكر بجنون أن يذهب
لمنزلها أن يطمئن عليها ولكنه تراجع

كانت تبدو جميلة وكأنها قضت ساعات أمام المرأة لتظهر بتلك الصورة
وكانها لم تكن قلقة عليه بقدر ما قلق هو

عمر : نور وحشتني

نور : وإنت كمان
عمر : أنا كنت حاتجنن أول ما خرجت كلمتك كثير وموبايلك مقبول
نور : اه أصله فصل شحن وإمبارح إتشغلت قوي ونسيت أشحنه
تعجب عمر من ردها شعر بشئ غريب تابع في جدية ...
عمر : عرفت إنك سألتني عليا في الدار
نور : عمر في موضوع مهم قوي لازم نتكلم فيه
عمر : قبل ما تتكلمينور لو أدهم كان ليه يد في اللي حصللي
أنا مابخافش وإنتي عارفه كده ولو آخر يوم في عمري حميكي منه
نور : طيب لو أنا مش عايزاك تحميني
عمر : أسكتي متتكلميش لو بتعملي ده علشانني أسكتي
نور : عمر أنا أسفهظهور أدهم ثاني في حياتي وتمسكه بيا صحى
جوايا مشاعر كنت فاكرها إنتهت خلاص وعلى فكرة هو ملوش علاقة
باللي حصلك بجد أدهم ملوش دعوة
عمر : آمال مين
نور : بابي
عمر : إيه
نور : عمر في حاجات كثير في بيتنا إنت متعرفهاشاهلى يعرفوا
أدهم كويستقدر تقول بيعتبروه خطيبي ولما حصل بينا مشكلة وبعدنا
عن بعض وقربت منك وهو عرض يرجعلي وأنا عانددت إشتكى لبابي وهو
فهم غلط إنك مآثر عليا وإتصرف من دماغهعمر أنا عارفه إنك
مش حتقدر تسامحني بس عمري ما قصدت أضرك
إبتعدت عنه بعينيتها لتخفي دمة هاربه من القيود التي فرضتها على
مشاعرها حتى لا تستسلم للبكاء
أمسك بذراعها بعنف وجذبها ناحيته غير عابئ بمن حولهم
عمر :إنتي كدابهبصي في عينيا وقولي إنك مبتحبنيشقولليها
كان ينظر نحوها بقوة ولكن ضعفه كان يظهر بشده في عينيه
.....ضعفه أمامها وأمام حبها وهي كانت أضعف منه بمراحل ولكنها
كانت على يقين أن الإبتعاد عنه هو الحلهو الحب
نور : مبحكشأرجوك يا عمرمتصعبهاش وخلينا ننفصل
بهدوء
عمر : ليه بتعملي كدهليه عايزاني أكذب قلبي وأصدق كلامك ليه
عايزاني أكذب مشاعر حلوه عشتها معاكي

نور : عمر مشاعري كانت حقيقية أو تقدر تقول كنت فاكهه كده بس
علاقتي بأدهم مش علاقة إمبارح إحنا نعرف بعض من فترة وفي بينا
علاقات عائلية قوية

عمر : إنتي بتقولي إيه

نور : عمر الجواز مش بس حب ومشاعر حلوه في إعتبرات تانية أنا كنت
ناسياها بس هي مهمه أرجوك يا عمر متحسسنيش بالذنب وخلي
الموضوع يعدي مرينا بتجربه ومالناش نصيب نكمل

عمر : ياااااااه بالبساطة دي وكل اللي حصلي عادي

نور : مكنتش اتمنى إن ده يحصل ولو كان بايدي كنت منعه

عمر : أنا حاسنك سؤال أخير بس تجاوبيني بصراحه

نور : إيه

عمر : لما إتعرفتي عليا كان علشان ترجعيه

شعرت نور وكأنها سقطت في سابع أرض وكأن هذا ما ينقص لي يجعل
لحظتها أصعب وفراقها أشد ولكنها تمسكت بماسك الجمود على وجهها
وردت : أيوه بس مشاعري بعدها إتخبطت و.....

عمر : خلاص مفيش كلام تاني يتقال

قال جملته وتركها ولم ينظر وراءه ليس بسبب غضب ولكنه ضعف

.....

أما دموعها فخرجت بعنف خارج القيد كطوفان من الغضب لا يطفئ نارها
بل يزيد لها لهيباً

لقد مرت خمس سنوات كانت تجلس وامامها قدح من القهوة في إنتظار
الطائرة وتخفي عينيها بنظارة شمسية قاتمة أصبحت صديقتها في السنوات
الاخيرة نظرت لحجز الطيران في سخرية وتذكرت سبب تأجيل
موعد السفر تحسست بيديها وجهها لتطمئن أن أثر الكدمات زال
كلياً فتحت حقيبتها وتناولت حبوبها المعتاده نظرت لزوجها
بلامبالاة كعادتها ونظر لها بسخرية كعادته وها هي عائدة
لوطنها بعد غياب متواصل فقدمها لم تطأ مصر منذ أكثر من ثلاث سنوات
..... شعرت أنها ستعود لذكريات قديمة سعيدة وحزينه حتى

وإن غابت ملامحها وتاهت داخل عقلها الخامل الذي أصبح حقل تجارب
للمهدئات ومضادات الإكتئاب رغبة في الهروب من الواقع ولكن دون
جدوى

الفصل العشرون

أسند ادهم رأسه على مقعد الطائرة حاول النوم ولكن لم يستطيع
..... كانت ذكرياته في هذا البلد البعيد تمر أمام عينيه بل وقبل
السفر أيضاً منذ بداية الزواج بل منذ أول ليلة
..... رفضها له الذي إستمر لليالٍ عدة جن جنونه وشعر أنها
تتمرد عليه منذ البداية أصر أن يأخذ حقوقه الزوجية فكانت جسداً
بلا روح وزهدا في النهاية كما زهدت هي حياتها معه منذ
البداية .

مرت الحياة كما أراد فهو أراد زوجة جميلة في منزله تابلوه
..... زوجة لا يحبها لا يضعف أمامها مجرد وجه جميل
يزداد إشراقاً مع المال وجه يدخل حياته ويخرج منها بدون ألم
بدون فرق وعاد أدهم القديم وعادت علاقته النسائية المتعدده حتى بعد أن
إنضمت له نور في الغربية لم يشعر بفارق كبير ولم يشعر بالسعادة أيضاً
ولكنه رفض تمردها عليه فرفض أن يتركها تمضي

تذكر ما حدث منذ أيام كانت أول مرة تمتد يداها عليها تذكر الكدمات
على وجهها بعدما حدث لقد خرج عن شعوره بالكلمات أهانت
رجولته فلم يدر إلا ويديه على وجهها

نظر نحوها فوجد أنها إستغرقت في النوم ظل ينظر نحوها ملياً هل حقاً
يكرهها أم يكره كل النساء لا يكرهها ولا يحبها ولكنه حتماً لن
يضعف أمامها ولا أمام أي امرأة قاوم شعوره بالشفقة عليها طرد
الأفكار من رأسه وإستغرق في قراءة أحد الملفات الخاصة بالعمل فلقد
إستطاع أثناء سفره بتكوين شراكات مهمه مع بعض الشركات الأجنبية
وشعر والده بالفخر الشديد فحتماً سيكون هذا الشبل من ذاك الأسد وسيكلل
الإبن نجاح الأب وستنمو إمبراطورية المال والجاه على يديه وسيترك
الحياة وهو يعلم أن نسخة مصغرة منه تحافظ على كل شيء

على حاله تشعر بالدفئ بمجرد الدخول إليه وتشعر بالحنين عند رؤيتك
للأثاث القديم ودعاء ما زالت تحتفظ بوجهها البرئ ولكن تخلت عن
نظارتها ذات الإطار الأسود فأصبحت أجمل بعد دخولها سنوات النضج

.....

نور : وحشتيني قوي البيت زي ما هو وإنتي إحلويتي

..... إتجوزتي من ورايا ولا إيه

دعاء : لا لا لا هو أنا أقدر تعالي دي ماما حنتبسط قوي لما تشوفك
كانت فائزة والدة الدعاء قد إنتهت من صلاة الظهر وخرجت مسرعة عندما
سمعت صوت نور رأتها نور بخمار صلاتها الابيض ووجهها
المشرق وتمنت لو أن أمها مثل فائزة ببساطتها وتفانيها من أجل بيتها
فائزة : نور إزيك يا حبييتي ليكي وحشة يا نور بجد

نور : إنتي كمان يا طنط وحشتيني قوي

فائزة : حتتغدي معانا ها يا حبييتي أعملك إيه نفسك في
إيه

نور : ميرسي يا طنط أنا أهم حاجه إنني شفتكم

فائزة : انتي اقعدي مع دودو زمانكم عندكم كلام كثير على بال ما أوضبلكم
الغدا

شعرت فائزة بالحزن بعد رؤيتها لنور التي تبدل حالها فأصبحت كالوردة
الذابلة جمال مغلف بالحزن لاحظت دعاء أيضاً ذلك وشعرت
بالآسى من أجل صديقتها

دعاء : أخبارك إيه يا نور

نور : عادي

دعاء : عاملة إيه في الجواز

نور : قصدك عاملة إيه مع ادهم انا مش بعتر ده جواز

دعاء : إيه بتقولي كده

نور : وإنتي منتظرة إيه من إثنين إتجوزوا عند في بعض وفي الدنيا

..... أنا وكل يوم معاه بحس إنه حبل ملفوف حوالين رقبتني

دعاء : طيب ليه مسبتهوش يا نور

نور : هو عنيد وطول ما بطلب الطلاق هو رافض يديهولي فإكر ان

هو كده راجل وانا مع الأيام معدتش فارقه وزني ما تقولي اتعودت على

الحبل بقه ديكور وواضح إن اللي حواليا مبسوطين بيه خليهم بكرة

يفوقوا وجايز يفضلوا كده ويرفضوا يفوقوا

دعاء : إتغيرتي يا نور

- نور : بقولك ايه متقلبيش عليا المواجه تعالي نتكلم عنك إنتي
دعاء : عادي بشتغل في شركة أدوية يعني شغل مش بطل والحياة ماشية
نور : إيه مفيش حب ولا جواز قريب ولا حاجه
دعاء : لا لا لسه النصيب مجاش
نور : واضح إن الرجالة في مصر نظرهم ضعف في حاجه في الجو
ولا إيه
دعاء : في بلاوي في الجو وحياتك هههههههه
نور : وحشتني قعدتك الحلوة
دعاء : خلاص متغبيش ثاني بقه
نور : لا إحنا رجعنا خلاص حيباشر شغله هنا وكمان حيفتح شركة
جديدة أدهم الفاشل بقه صاحب شركات الفلوس ليها السحر
برضه
دعاء : مش شرط ياما ناس معاهم فلوس وعقلهم ضيعهم وضيعوا ثروات
أهلهم
نور : هو في دي طلع فالج وبقه زي أبوه شغل الصبح وستات بالليل
دعاء : ايه
نور : لا متخضيش كده أحسنلي كتيبيبيبيبيبيير خليه يحل
عني وميركزش معايا

كانت دعاء تشعر ان نور تجاهد من اجل ظهور الإبتسامه مرة أخرى داخل حياتها ان دعاء قد تكون بالنسبة لها بداية الطريق توقعت دعاء أن تسألها نور عن عمر وغن كانت تعرف عنه شيئاً ولكن نور لم تتطرق لسيرته بتاتاً وكأنها تحاول محو تلك الذكرى من عقلها حتى تستطيع مواصلة حياتها .

الفصل الحادي والعشرون

وقفت نور في بهو الفيلا تتفحص منزلها الجديد ولكن بلا مبالة لم تقض نور في تلك الفيلا سوى أيام قليلة في بداية زواجها بأدهم تلك الأيام كانت بالنسبة لها الأسوء وكانت هذه الجدران تمثل القيد الذي احاط بها من كل جانب ليمنع عنها الحياة وربما كانت أسوء لياليها

على الإطلاق تلك الليلة التي أصر فيها أدهم على أن ينتزع حقوقه الزوجية
.....فشعرت لحظتها أنها فقدت كل شيء وأنها أصبحت دمية ملكاً
لرغباته وقلما يشاءوكان أدهم يصر على أن يضعها في هذا
الإطارهي مجرد دمية بل كل النساءسيظل الأقوى
طالما تحكم في دميتهسيظل الأقوى طالما أغلق قلبه وسلسل
مشاعره

صعدت نور لغرفتها كان أدهم وقتها يستعد للنزول
أدهم : جيتي بدري يعني أنا قلت حتقضي اليوم عن مامي
قال جملته بإستهزاء وهو ينظر إليها أشاحت بوجهها عنه ولم ترد أمسك
ذراعها بقوة وتابع : هي المرة الأخيرة معلمتكيش إنك لازم تحترمي جوزك
ولا إيه

كان أدهم ينظر نحوها في تحدي ومشاعر القسوة تحيط به من كل جانب
وكأنه إستحدث جداراً عازلاً حول نفسه حتى لا تتسلل إليه مشاعر الشفقة
فيصبح أكثر ليونه

نور : لو كنت فاكِر إن ضربني حياخيني أحترمكيبقى إنت متعرفش
حاجه عن الرجولة

أدهم : متستفزنيش يا نورولا إنتي قاصدة علشان تخلصي من
الجوازة كلها

نور : معدتش فارقة

نظر أدهم نحوها بغضب وتركها وخرج مسرعاً تذكرت نور بعدها ما
حدث بينهما قبل السفر كان أدهم قد دخل المنزل متأخراً كعادته بعد قضاء
سهرته المعتادة مع أصدقاءه وكانت نور تجلس أمام التلفاز تقلب بين قنواته
في ملل إعتادته في سنواتها الأخيرةكان أدهم شرب كثيراً هذا
اليوم نظر نحوها ملياً ثم جلس بجانبها وقال : إيه يا مدام جهزتي شنطك
السفر بكرة

نور : اه

أدهم : ومالك بتقوليتها من غير نفس ولا مش عايزة ترجعي

نور : مش فارقة

أدهم : ماهو واضح ان كل حاجة بقت مش فارقة عندكحتى
جوزك

نور : أدهم إنت عايز تتخانق وخلص

أدهم : ولا تكوني فاكرة إنك لما ترجعي مصر حتستقوي بأهلك علشان
تسيبيني ما هو إنتم كده يا نكون تحت أمركم يا تبيعونا وتبيعوا ولادكم
نور : إنت بتقول ايه ولاد ايه إنت سكران ومش دريان بتقول ايه
أدهم : والله أنا مش مقصر إنتي يا هانم اللي متعرفيش أي حاجه عن
واجبات الزوجية وواضح إنك مرتاحه قوي للوضع اللي إحنا فيه دلوقتي
جاي على مزاجك

نور : عنئذك لازم انام بدري
جذبها ادهم من ذراعها بعنف وأكمل
أدهم : متسيبنيش وانا بكلمك الست اللي تحترم جوزها تقف لما يخلص
كلامه

نظرت نحوه نور في تحدي شعرت في تلك اللحظة ان شريط حياتها معه
يمر امامها وشعرت أن سلبيتها وإتجاهها للمهدئات للهروب من هذا الواقع
الذي ترفضه لم يجدي ولم يتغير بل أصبح اكثر قسوة معها وإعتاد على
إهانتها كلما أراد وكأنه يقوم بإثبات حالةحالة من الرجولة حالة
من القوة حالة من الإنتقام موجهه نحوها مع أن المخطئ شخص آخر لا
تعرفه

نور : بس أنا مبحترمكش يا أدهم عمري مااحترمك أسوء لحظات حياتي
لحظة ما بتقرب مني واللي صبرني على الجواز دي بعدك عني إفهم بقه
إنت لو كنت راجل بجد مكنتش قبلت إني أعيش معاك وأنا مش طايقاك
مكنتش قبلت إني اتجوزك وأنا بحب واحد ثاني.....الرجولة مش إنك
تشخط وتنظر وتقعدي خدامة لرغبتك ومزاجك الرجولة يا أستاذ مش قسوة
إنت فاهم الرجولة غلط وعمرك ما حتعرفها أصلاً

كانت كلمات نور قاسية على أدهم نزلت عليه كالماء البارد لم تقوة قسوة
كلمات نور في الألفاظ ولكن فيما وراء الألفاظ فلقد جسدت نور أمامه دون
ان تقصد مشكلته الأساسية مع النساءالعقدة التي زرعا أبيه فيه
منذ صغرة والتي كبرت مع الزمن فأدهم يرى أن قوته في قسوته على
المرأة وتحكمه فيها قبل أن تتحكم هي به رجولته هي ضعفها
وشقاءه هو قوتهاتلك هي الرجولة في نظر أدهمكانت نور ما
زالت تصرخ في وجهه وكأنها أزلت قيد الخوف والامبالاة وإنفجرت فيه
معبرة عن غضب السنين

نور : مش راجل يا أدهم ومتعرفش حاجه عن الرجولة

لم يشعر أدهم إلا وكفيه ينزلان بقوة على وجهها وكأنه لا
يضرب نور بل يضرب حقيقة مؤلمة يخفيها من امامه ويتخلص منها بكل
السبل .

كانت دعاء ترتدي ملابسها عندما دخلت أمها للغرفة
فايزة : صباح الخير
دعاء : صباح النور يا ماما
فايزة : ليه متاخرة على الشغل النهارده
دعاء : غنتي نسيتي يا جميل ولا إيه مش أنا قلتك عندي مقابلة شغل في
شركة تانية النهارده إديلي ربنا يوفقني
فايزة : ربنا يكرمك يا بنتي بشغل أحسن أنا عارفه إنك مش مرتاحه
دعاء : معلىش بقه برده لازم الواحد يشقى ولا إيه
فايزة : انا عن نفسي عايزة أشوفك في بيتك دي أهم حاجه عندي
دعاء : منا في بيتي أهو يا ماما
فايزة : متستهلبيش إنتي فاهمه قصدي
دعاء : خلاص يا ماما
فايزة : أنا مش فاهمه رفضتي عصام ليه وجارنا وعارفينه
دعاء : خلاص بقه يا ماما هو أنا يعني مش لازم اتجوز اللي مقتنعه بيه ولا
أي واحد وخلاص
فايزة : لا يا حبيبتى مش قصدي إنتي تتجوزي سيد الرجالة أنا بس عايزة
أفرح بيكي
دعاء : عارفة يا جميل
فايزة : صحيح أخبار نور إيه
دعاء : زي ما هي كلمتها في التليفون اكثر من مرة في الايام اللي فاتت
أطمئن عليها
فايزة : إبقى زوريها يا بنتي وإسئلي عليها نور غلبانه ومرت بظروف
صعبه
دعاء : حاضر يا ماما

كانت دعاء تشعر بالحزن من أجل نورتذكرت عمر الذي أخفق في آخر السنه ولم يحظى بتقدير يكلل به نجاحه ليتعين في الجامعه وبعدها إختفى ولم تسمع عنه شيئاً تذكرت تلك القصاصه الصغيره التي أعطاه إياها و أصر على أن تسلمها لنور وسلمتها لها دون أن تقرأها وشعرت بالندم الشديد بعدما رأت دموع نور تنهمر بغزاره بعد قراءة القصاصه

.....
تذكرت زفاف نور وتذكرت أدهم الذي ترك عروسه وظلت نظراته تلاحقها طوال الزفاف لم تعرف هل هو تحدي أم حب أم غضب أم رغبة في الإنتقام منها ومن نور في أن واحدإبتعدت دعاء عن حياة صديقتها وتعمدت عدم الإحتكاك بأدهم أو رؤيته وما زالت وهذا ما يبعدها عن زيارة نور

في أحد المباني الضخمة بأحد أحياء القاهرة الراقية كانت تقع تلك الشركة التي على الرغم انها ما زالت جديدة في السوق إلا أن قوة رأس المال والشركاء الأجانب جعلوها في تصنيف الشركات العالمية

- ها يا جينا جهزتيلي بيانات وأسامي الناس اللي جايبين علشان المقابلة

نظرت السكرتيرة الحسنة لمحدثها وقالت : أيوة يا دكتور ممدوح ال C.V s على مكتبك مترتبة وهما على وصول بس في C.V حضرته حيعملها مقاله بنفسه

ممدوح : إسمعنه يعني

جينا : معرفش هو بص عليهم كلهم وقالى إنه حيعمل المقابلة بتاعة دي هي الدكتور زمانها على وصول بس هي بقه حدخلها على مكتبه

.....
قالت جينا جملتها وهي تضحك بخبث تركها ممدوح وتوجه إلى مكتبه وفي تلك الأثناء كان أحد الأشخاص يمسك أوراق دعاء في يده وينظر لصورتها وهو يدخل بشرأهه منتظر قدومها

الفصل الثاني والعشرون

وصلت دعاء لمقر الشركة مبكرة عن مواعدها بدقائق كان المكان يبدو عليه الفخامة يبدو كقصر بجانب شركتها الحالية قالت دعاء لنفسها :
يارب الشغل يكون كويس هنا ويكون ليا نصيب فيه

دعاء : صباح الخير

نظرت نحوها السكرتيرة بدون إهتمام وتابعت : صباح النور
دعاء : انا عندي معاد مقابلة للشغل هنا في أنسة إتصلت بيا وحددت
معايا المعاد

جينا : اه فعلا أنا إسم حضرتك ؟

دعاء : دعاء أحمد عبد الرحمن

نظرت لها جينا بقوة وتفريستها بتمعن عندما سمعت الإسم كانت
تقول لنفسها : مش حلوة قوي يعني ليه بقه أصر يقابلها بنفسه
إبتسمت لها جينا إبتسامة صفراء وقالت : ثواني حابغ مستر أدهم إنك
وصلتي

شعرت دعاء بالغضب من نظرات السكرتيرة لها ولم تشعر بالراحة لتلك
الفتاة ذات المكياج الصارخ والثياب الضيقة التي ربما تظهر أكثر مما
تخفي حاولت أن تنقي عقلها من تلك الأفكار وقالت لنفسها : خلاص
ممتلككيش الشركة شكلها كبيرة وشركة دولية فرصة كويسة إهدي
إهدي هي قالت إسمه مستر إيه اللي حيقابلني أدهم !!!!

قبل أن تكمل دعاء تفكيرها أو تخمينها أدخلتها السكرتيرة للغرفة
.... غرفة مدير وصاحب الشركة وها هو التوقع الذي إنتابها عندما
سمعت الإسم أصبح واقع وهو بالفعل أدهم وتلك هي شركته

كان يجلس على مكتبه الأنيق و ينظر نحوها لم تتغير ملامحه كثيراً فقط
بعض النضج أحاط به بوجه عام ويبدو أنها تخلى عن تلك
الإبتسامة الساخرة التي كان يرمقها بها كلما رآها ولكنه كان ينظر
نحوها نظرة عميقة

أدهم : إتفضلي يا دكتور خلاص يا جينا روجي إنتي

قال أدهم جملته لسكرتيرته الحسنة دون أن ينظر نحوها فقد كانت نظراته موجهة نحو دعاء التي شعرت بدورها بالإرتباك ولكنه لم تظهر ذلك بل نظرت نحوه بقوة وتابعت

دعاء : متشكرة

أدهم : دنيا صغيرة صح

دعاء : فعلاقوي

أدهم : إتفاجئتي

دعاء : بصراحة اه

أدهم : مفاجئة حلوةولا ؟؟؟؟

دعاء : طبعا حلوةإزيك يا دكتور أدهم

أدهم : إزيك يا دكتورة دعاءرسمي قوي هوإحنا مش كنا زمايل في

كلية واحده ولا انتي لسه واخده منى موقف

دعاء : لا أبداً

شعرت دعاء بالغضب من إصراره على ذكر موضوع معين ليس هذا

مجاله ولا يصح النقاش أو التطرق نحوه بأي شكل من الاشكال وفكرت

جدياً في إنهاء المقابلة لم يمهلها أدهم فرصة للرد فتابع سريعاً

أدهم : معلىش أصلي لما شفئك فكرتيني بأيام جميلة مين فينا مبيحبش

فترة الجامعةطبعاً قابلتي نور

دعاء : اه طبعاً

أدهم : انا كنت واثق إن إنتى أول واحده حتكلمها اول ما تنزل مصر

أصلها بتحبك قوي

دعاء : نور أعز صاحبة عندي

أدهم : يا بختها ياريت أنا عندي حد بيحبني كده

شعرت دعاء بالضيق فطريقة أدهم في الحديث ونظراته لم تكن مريحة

على الإطلاقبل أصبحت أكثر جراً أكثر وضوحاً

أدهم : عموماً أنا شايف قدامي في الورق خبرة ممتازة وانتى كمان كنتى

من الأوائل يعني أنا شركتى تتشرف بموظفه زيك وبعدين إنتى صاحبة

مراتى وكنتى زميلتى في الكلية يعني دي شركتكفلو عليا أنا

عايزك معايا من بكرةقصدي معانا يعني في الشركة

صمنت دعاء قليلاً ثم قالت : متشكرة على كلام حضرتك أنا بس لسه

مقدمتش إستقالتي من شركتى القديمةف

قاطعها أدهم سريعاً وقال : حتقديميها إمتى

لبنى : قومي إلبسي تعالي معايا وأنا بوصل باباكي عالمطار هو عايز
يشوفك ماشافكيش غير مرة واحده وسلمتى بسرعه وهربتى
نور : عادي وانا حاهرب ليه
لبنى : خلاص إلبسي ساعة وحنعدي عليكى

قامت نور وإرتدت ملابسها في ملل لايد أن والدها يريد الحديث
معها في أمر ما وماذا يحتاج فلقد إستفاد من هذه الزيجة بكل السبل
وفتحت الأبواب المغلقة بعد علاقته بالحناوي ماذا يريد الآن

وصل الأب والأم وركبت نور معهم السيارة نظر محمود لإبنته نظرة
تتم عن عدم الرضى ثم قال : إيه يا نور حالك مش عاجبنى
نور : ليه منا كويسه أهو وبعمل كل اللي بتقولوا عليه
محمود : ده شكل واحده كويسه او حتى مركزة في أي حاجه
حواليها وبعدين إنتي سافرتي ورجعتي ومحستش بفرق حتى دراستك
بره مفرقتش معاكي زي ما فرقت مع جوزك ماتشتغلي معاه
..... خايكي ناصحة وخليه يكتبلك شركة بإسمك وإثبتي نفسك وكمان
ليه مفيش أولاد لدلوقتي رحتى لدكتور هو راح ؟ جاوبى ساكته ليه
نور : لسه مش وقته

محمود : إنتي بقالك ٥ سنين متجوزة وقته ده حيجي إمتى فوقى لنفسك
بدل ما تلاقيه راح إتجوز وخرجت من الجوازة زي ما دخلتني
نور : مش فارقه

محمود : إنتي بقيتي مستقزة وردودك مستقزة زيك هو انا بعمل
ده علشان مين علشانك
شردت نور قليلا وكانت تقول لنفسها ياريتك معملت حاجه علشاني يا
ريتك سيبتني في حالي
كان والد نور يتحدث ولكن لم تسمعه كان صوته يمثل ضوضاء خلفية
مزجة بأبى عقلها أن ينصت لها لم تستمع إلا لآخر جملة الجملة التي
طالما سمعتها منه : عقليها يا لبنى

نظرت لبنى لإبنتها بعد مغادرة الأب وتابعت : سمعتي كلام أبوكى يا
نور ولا دخل من وذن وخرج من الثانية
نظرت نور لأمها بغضب ثم قالت : ممكن نمشي بقه أنا مش بحب
دوشة المطار وصوت الطيارات وبعدين بابي مشي خلاص

لبنى : حتسوقي ولا أسوق أنا
نور : سوقي إنتي
لبنى : ركبت نور السيارة بجانب أمها أسندت رأسها للوراء وتظاهرت
بالنوم وهي تخفي عيناها وراء نظارتها السوداء وتحركت السيارة
السوداء لتقف مكانها سيارة أخرى نزل منها شاب في الثلاثين وإتجه
لإستقبال صديقه أخرج هاتفه ليتأكد من وصوله
هشام : حمد الله عالسلامة يا زعيم مصر نورت
- الله يخليك يا حبيبي
- ليك وحشة بجد ليك وحشة يا عمر

الفصل الثالث والعشرون

كان هشام واقفاً يتفحص ملامح القادمين منتظراً صديقه
..... في تلك الأثناء تذكر هشام الظروف التي تعرف فيها على
عمر لقد بدأت صداقتهم داخل زنزانه ضيقه دخلها عمر دون
ذنب وخرج منها دون فهم كان هشام داخل الزنزانه بعد أن
إلتقاه المخبرين من داخل أحد المظاهرات ليقتضي أوقاتاً روتنية
داخل هذا الصندوق الضيق المسمى بالزنزانه أوقاتاً إعتاد
عليها وإعتادت عليه مع مرور الزمن وهناك قابل عمر هذا الشاب
الخائف الذي كان يشعر بالقلق الشديد طوال الوقت ويبدو عليه أنها
مرته الأولى في هذا المكان ولا يعرف لماذا جاء وماذا فعل ومتى
سيخرج حاول وقتها أن يبسر عنه يتحدث معه ولكن لم
يستطيع مساعدته ولكن توطدت علاقتهما وإستمرت لسنوات بعد ذلك
علم فيها هشام قصة عمر مع نور وما حدث فيها من تطورات لم يكن
هشام ينظر لتلك القصة مجرد قصة حب بل كان ينظر إليها كمثال
على القوة عندما تندمج مع الفساد فيكون النتيجة مولود إسمه الظلم
..... ظلم تعرض له عمر بدون ذنب وخطأ دفع ثمنه دون أن
يرتكبه

ظهر عمر أخيراً نظر له هشام ليجد أن ملامح صديقه تغيرت كثيراً
مع مرور الزمن ولكنه بالطبع كان يحتفظ بمظهره الوسيم

أن يبتعد بل فكر جدياً في عدم العودة مرة أخرى وهناك في الكويت بدأ حياة جديدة وكعادة عمر إكتسب بسرعة محبة من حوله وتفوق وظهر بقوة داخل تلك الشركة الصغيرة التي تعمل في مبيعات الأدوية ليقربه صاحب العمل منه ويصبح في سنوات قليلة ذراعه الأيمن وربما الأيسر أيضاً..... كان رجلاً طاعناً في السن لم يكن له أولاد فاعتبر عمر مثل ابنه..... بل تمنى لو كان له ولد مثله ولكن هذا القرب أثار غيرة من حوله من أقاربه الذين يعملون معه وعينهم راصدة للثروة ومنتظرة رحيله لتقسيم التركة وبدأوا في المضايقات والمناوشات التي زادت في الفترة الأخيرة وحولت جو العمل لجو من الصراع لا ينتج شيئاً سوى الخسارة..... ومن هنا جاء قرار الرحيل..... قرار مشترك إتخذه عمر والعجوز الطيب الذي خاف على هذا الشاب من مشاكلهم وتخطيطاتهم وبخوف الأب على ابنه قرر أن يبعده عن طريقهم ويبعدهم عن طريقه وأن يخرجهم خارج تلك الدائرة من الأطماع والصراعات العائلية..... وبهذا عاد عمر ولكنه عاد غانماً فقد إستطاع إيدار مبلغ جيد يتيح له بدء مشروعه الخاص بجانب علاقات طيبة مع الكثيرين الذين يتمنون العمل معه والإستفادة من خبرته وذكاءه وكأن الدنيا ضحكت له أخيراً بعد كل ما مر به ولكن هي..... هي ما زالت راسخة في ذاكرته لم يستطع ان ينساها..... هي بطله أحلامه..... هي النقطة الفاصلة في حياته..... يكرها ويحبها في أن واحد..... نور

مرت حوالي عشرة أيام كان أدهم ما زال يفكر في دعاء فمنذ رآها وقد عادت بقوة لتحتل قلبه وعقله بصورة أقوى من ذي قبل.....

أدهم : جينا تعالي عايزك

جينا : أمرك يا فندم

أدهم : إنتي بعنتي عرض الشغل للدكتورة دعاء زي ما قلتلك

جينا : أكيد يا فندم

أدهم : إمتي

جينا : يوم ما حضرتك طلبت ده من حوالي ١٠ أيام

لم تترك لبنى إبنتها وقررت أن تخرجها رويداً رويداً من تلك الحالة التي أصبحت فيها فعلى الرغم من إصرار لبنى على زواج نور من أدهم و إعتقادها القوي أن مشاعر إبنتها طيش وطمع وتخطيط من عمر إلا أنها شعرت بالأسى بعد أن رأت بؤس نور وتعاستها في تلك الزيجة

بدأت نور تقضي بعض الوقت خارج المنزل كانت تذهب للنادي الإجتماعي مع امها ولكنها كانت تمل تلك الجلسات النسائية المنمقة فتسحب بهدوء لتجلس وحيدة وفي أحد الأيام أخذتها أمها ودخلت إحدى الصيدليات الكبيرة في أحد الأحياء الراقية نظرت لبنى لنور وقالت

لبنى : إتفضلي يا ستي

نور : أتفضل إيه

لبنى : صيدلية أنا إشتريتها علشانك وحاكتبها بإسمك

نور : إيه

لبنى : زي مانتي شايفه الصيدلية شغاله والدكاترة هنا قايمين بالواجب إنتي بس تتابعيها تيجي كل يوم شوية كل يومين

نور : إشتريتها علشاني

لبنى : متقوليش لأبوكي بقه حيعملنا فيلم انا عملت ده يا حبيبتي

علشان عايزاكي تخرجي وتغيري جو وتعملي حاجة جديدة

نور : هي عموماً فكرة حلوة متشكرة يا مامي

لبنى : إضحكي بقه انا نفسي نور القديمة ترجع

نور : ده شئ صعب قوي

لبنى : ليه يا نور

نور : ماما عايزاني أكون سعيدة بجد

لبنى : طبعاً

نور : مامي أنا عايزة أسيب أدهم بجد لو سبته حكون أسعد أنا خلاص مش قادرة أستحمل

لبنى : نور هو للدرجة دي وحش معاكي طيب ما جايز رد فعل علشان انتي معرفاه أنك مش بتحبيه

نور : يا مامي افهمي ادهم مش حيعرف يعامل ست حلو أدهم عنده

مشاكل نفسية و عائلية أنا آخر واحده ممكن تحلهاله هو بيعاند معايا وبيعاند

مع نفسه علشان كده مش عايز يسييني بس بجد انا بنتهي ساعديني

يا مامي أرجوكي

كانت نور تبكي وهي تتحدث لأُمها شعرت لبنى بالآسى من أجل إبنتها
وشعرت أنها اخطئت في حقها عندما تغاضت عن رفضها لهذا الزواج
ونظرت فقط للمال دون إعتبار لمشاعر إبنتها إحتضنت لبنى إبنتها وهي
تقول : خلاص يا حبيبتي إهدي خلينا نفكر بهدوء ونشوف حنعمل ده إزاي .

الفصل الرابع والعشرون

مرت الأيام متشابهه حاولت نور أن تشغل نفسها بالذهاب للصيدلية يوميا
وبدأت تشعر بالتحسن وساعدها على ذلك إبتعاد أدهم عنها وعن مضايقتها
ظنت نور أنه إنشغل بالعمل وبرؤية أصدقاءه القدامى وسعدت وتمنت لو
أنها تتخلص من تلك الزيجة التي أصبحت قيذاً فوق إحتمالها يزيد مع الأيام
أما أدهم فكان مازال يفكر كيف يقنع دعاء بالعمل لديه ويبدد مخاوفها بل
ويمحيها تماماً

كانت دعاء قد بدأت تشعر بالراحة بعدما أغلقت موضوع العمل ولكن تشاء
الظروف أن يرن هاتفها بعد شهر من المقابلة لتجد المتحدثه هي سكرتيرة
ادهم جينا

جينا : صباح الخيردكتورة دعاء

دعاء : أيوه

جينا : معاكي جينا سكرتيرة مستر أدهم

دعاء : اه أهلاً

جينا : انا عندي هنا إن حضرتك المفروض تبدأي معانا من الأسبوع الجاي
دعاء : إيه

جينا : أيوه يا فندم انا اللي فهمته من مستر أدهم إن بعد ما نبعثلك العرض

حتتهي المعاملات مع شركتك وتبدأي معانا والفترة المتعارف عليها شهر

.....فإحنا منتظرينك لأن خلاص رئيس القسم عمل حسابه إنك معانا

والوظيفة محجوزالك ومحتاجين منتأخرش عن كده فيا ريت تشر فينا علشان

نبدأ ناخذ إجراءات ومحتاجين نكتب العقد

دعاء : على فكرة كده في سوء تفاهم أعتقد مستر أدهم فهم غلط

جينا : عموما انا الحل الوحيد عندي إنني أحدد ليكي معاد مع مستر أدهم

لإنني مش مجالي أتكلم في اكثر من كده

دعاء : يا أنسة الموضوع مش محتاج ممكن إنتي تقولي إن

قاطعتها جينا : أرجوكي يا دكتور كده في مشكلة ولازم تحليها بنفسك لأن
واضح غن مستر أدهم فهم إنك حتبدأي معانا وعمل حسابه على كده وإنتي
حتستمري في شغلك وانا ماقدرش أتدخل في النص لأنني في الآخر
ممكن أنضر ومستر أدهم يفتكر إنني إتصرفت بطريقة غلط وضاع منه
موظف شاطر ودي بتحصل كثير فأنا مش ناقصة ده رجاء شخصي
دعاء : خلاص حددي معاد
جينا : بكرة الساعة ١٢ الظهر
دعاء : تمام بكرة الساعة ١٢
جينا : شكراً مع السلامة

أغلقت جينا سماعة الهاتف ونظرت لأدهم الذي كان يقف بجانبها خلاص يا
فندم
أدهم : ماشي يا جينا روجي إنتي على مكتبك
نظر أدهم للهاتف وظهرت على وجهه إبتسامه تعبر عن لذة الإنتصار .

جاءت دعاء في الموعد كانت تود إنهاء تلك المقابلة وبسرعة
حتى ترتاح من تلك الهواجس خاصة أنها لم تخبر نور منذ قررت أن لا
تعمل في تلك الشركة

كان ينتظرها بلهفة ولكنه قرر أن لا يظهر إهتمامه الزائد بها كما فعل قبل
ذلك حتى يبدد مخاوفها من ناحيته وتشعر بالإطمئنان

أدهم : أهلاً إزيك يا دعاء

دعاء : الحمد لله

أدهم : إتفضلي

دعاء : متشكرة

أدهم : تشربي ايه برغم المقلب اللي عملتيه فيا وختيني محتاس

دعاء : مقلب إيه بس خير

أدهم : أنا اللي فهمته إنك أكيد معانا وعملت حسابي على كده وبصراحة
إنتي دكتورة شاطرة يعني خسارة إنك متشتغليش معانا ده غير إنني

- حاحد وقت على بال ماتفق مع حد تاني والشغل عندي مش مستحمل ده
..... عندنا ضغط شغل جامد
- دعاء : أنا أسفة إنك فهمت غلط أنا مكنش قصدي الحكاية كلها إن الشركة
رفضت ولازم أستمر معاهم
أدهم : متأكده إن ده السبب بس
دعاء : اكيد طبعاً
- ادهم : بس يا دعاء نصيحة مني كاخ أكبر يعني لازم تسيبي الشركة دي
النهارده قبل بكرة لأنهم وضعهم المالي سئ جداً في السوق وبيسرحوا
موظفين وأعتقد أنك عارفه ده فحتى لو إتمسكوا بيكي النهارده حيسيبوكي
بكرة
- دعاء : لا لا بدأ يتحسن
- ادهم : يتحسن إيه دول بيضحكوا عليكي وبعدين أنا إتعرض عليا أشتريها
على فكرة فلو كده كده حتشتغلي معايا يبقى هنا أحسن ولا هو المشكلة فيا أنا
دعاء : هه
- أدهم : إنتي مش عايزة تشتغلي معايا محرجه علشان إحنا كنا زمايل مش
قادر أفهم
- شعرت دعاء بالحيرة فهو اليوم شخص مختلف تماماً عن أدهم الذي تعرفه
حتى نظرته له خلت من أي معنى
- لاحظ أدهم شرود دعاء فتابع في ثقة
- أدهم : إنتي محرجة علشان إنتي صاحبة نور وشايفة ان ده حيكون فيه
إحراج في الشغل مثلاً
- دعاء : بصراحة اه يفضل لأ علشان يعني لما الصداقات بتخش مع الشغل
دايماً في حاجه بتبوظ
- أدهم : تبقى غلطانه وأنا عن نفسي بفصل كويس بين الشغل والعلاقات
الشخصية متقلقيش.....ولا في سبب تاني
- دعاء : لأ سبب إيه
- أدهم : يعني تكون نور قايلة ليكي حاجه هي اللي مطفشكي من الشغل مثلاً
شعرت نور بالقلق على صديقتها وخافت أن توقعها في المشاكل دون أن
تقصد خاصة أن لديها ما يكفيها من مشاكلها مع أدهم
- دعاء : لا خالص مفيش حاجه
- أدهم : يبقى رفضك ده ملوش غير معنى واحد
- دعاء : إيه

نور : ولقيتني شغل تاني
دعاء : اه لإنني كنت بدور من قبلهابس متردده عايزة اخذ رأيك
الأول

نور : في إيه يا بنتي لو شركة كويسة إشتغلي طبعاً أنا عارفاكي مش
حتستحملي القعدة في البيت

دعاء : طب بقولك ايه حعدي عليكي في الصيدلية ونتكلم براحتنا

نور : خلاص تعالي ونتغدى سوا

دعاء: ماشي ساعة كده واجيلك

نور : سلام

أغلقت نور الهاتف ولكنه وقع منها وهي تضعه جانبها نظرت للحظة تبحث
عن ولكن فجأة ظهرت فتاة من العدم أمام السيارة فرملت نور سريعاً ولكن
لم تستطيع أن تتفادها نزلت من السيارة مسرعة لتجد فتاة تبدو في مثل
عمرها تقريباً ممددة على الأرض بجانب أوراقها المبعثرة

لا حول ولا قوة الا بالله ايه حتدوسوا عالناس
حسبي الله ونعم الوكيل

كانت نور تستمع لتلك الكلمات من المارة بعدما أوقفت السيارة وإتجهت
للفتاةكانت الفتاة تبكي من الألم وتصرخ : رجلي مش
قادرة

هتف احد المارة : إسعاف بسرعه

وصاح آخر موجهاً حديثه لنور : منك الله إطلبوا البوليس
أخيراً نطقت نور بعد ان تعدت مرحلة الصدمة : أرجوكم شيلوها دخلوها
عربيتي بسرعة بس عايزة خشبة شكل رجلها مكسورةساعدوني
ساعد المارة نور ووضعت نور الفتاة في سيارتها وناولها احد المارة أوراق
الفتاه التي طارت في الهواء نتيجة الإصطدام وضعتها نور في السيارة
وإتجهت مسرعة لأقرب مستشفى

في المستشفى كانت نور تنتظر الفتاة في قلق التي دخلت الطوارئ على الفور خرج الطبيب وقال : متقلقيش هي بس رجليها إتكسرت إحنا جبسناها ونقلناها في اوضة تقدرى تروحي تشوفيها

دخلت نور الغرفة لتجد فتاة يبدو على وجهها البساطة نظرت له الفتاه في غضب تبعته بإبتسامة وهي تقول : إنتي

نور : انا مش عارفه أقولك إيه أنا أسفة جداً جداً

الفتاة : برده كتر خيرك جيبيني المستشفى في ناس بتجري

نور : كتر خيرى ايه بس انا تحت أمرك على فكرة لو عايزة

تبلغى البوليس ده ملوش علاقه

الفتاه : شكلك طيبة قوي وبعدين حصل خير صحيح حعيش في الجبس

شويتين بس مش مشكلة

نور : بجد دانتي بقه اللي طيبة قوي

الفتاة : لا انا منة

نور : ههههههه وأنا نور

الفتاة : فرصة سعيدة يا نور ولا نقول فرصة مجبسة

نور : فرصة سعيدة يا منة

منة : بس إنتي جبتيني مستشفى غالية قوي ولا إنتي مكنتيش شايفة دخلتي

أي مستشفى

نور : كنت فعلا مستعجلة بس كان لازم أجيبك مكان كويس دي أقل حاجه

وأنا دافعة الحساب كله لغاية لما يكتبه خروج هما عادي إستغلايين

حيقعدوكي يومين ثلاثة

منة : إيه ليه ماهو جبس ونروح هي كيمياء

نور : بقولك ايه مفيش حاجه مهمه غير صحتك وجميلك ده فوق راسي

كفاية إنك مرضتيش تبلي

منة : يا ستي في إيه مش ربنا ستر خلاص وإنتي شكلك مش وش بهدلة

نور : الله يخليكي..... خدي دي شنطك كانت معايا

منة : اه صحيح لازم اكلم خطيبي علشان أقوله وأكلم ماما كمان

نور : أيوه إفتكرتي خطيبك قبل ماما

منة : خلاص إوعي تفتني ماهو انا حاعرفك عليها إحنا حنبقى

صاحب انا إرتحتك قوي وبصراحة إنتي زي القمر أنا عمر ما كان

عندي صاحبة قمر كده جايز تعديني ولا حاجه

نور : ههههههههه اعدىكي إيه يا بخته خطيبك إنتي قمرين

منة : ههههههههه لا يا جميل أنا ميرضنيش روي بقه شوفي صاحبك
وأكيد حتيجي بكرة ولا إيه
نور : طبعاً وده تليفوني أهو لو إحتجتني أي حاجه
منة : ماشي ودي كمان نمرتي
نور: خلاص سجلتها
منة : سلام
نور : سلام

في تلك الأثناء وصل هشام وعمر للمستشفى كان هشام يشعر بالقلق على
خطيبته ولكن عمر ظل يطمئنه طوال الطريقتوجهوا لركوب
المصعد للصعود للغرفة في الوقت الذي كانت نور تنزل في نفس المصعد

.....
عمر : إستنى نسيت الموبايل في العربية
هشام : بجد
عمر : إسبقتي إنت وأنا حاروح أجييه
هشام : خلاص أوكيه

ترك عمر هشام وإتجه لسيارته لإحضار الهاتف في هذا الوقت وصل
المصعد خرجت نور وإستقله هشام ليصعد للغرفة . إتجهت نور لسيارتها
مسرعة وقبل أن تتحرك بالسيارة إتصلت أولاً بدعاء.....

نور : دعاء معلىش إتأخرت
دعاء : أنا قلقت عليك علي فكرة
نور : أصل خبطت بنت بالعربية وكنت معاها في المستشفى
دعاء : إيهإزاي
نور : اللي حصل بقه بس الحمد لله ربنا ستر بصي أنا جاية حالا إستيني
مسافة السكة
دعاء : خلاص براحتك متجريش بس
نور : خلاص أوكيه

أنهت نور مكالمتها لتتطلق بالسيارة وعلى بعد خطوات كان داخل سيارته
راهاكان ينظر إليها وعلى وجهه علامات من الدهشة من
الصدمة وفي عينيه نظرات الغضب ونظرات الحنين

عمر : حمد الله على سلامتك
منة : الله يسلمك
هشام : هو ده بقه عمر ياستي يلا أول مرة تشوفيه تكوني متجيبسه
عمر : معلش كنت فعلاً أتمنى أشوفك في ظروف أفضل من دي
هشام : وإنتي بقه ناصحة ولا عملتي محضر ولا حاجه
منة : خلاص الموضوع مش مستاهل هي أذية للناس وخلاص
هشام : أذية إيه ده حقك
منة : البنت طلعت ذوق وجريت بيا عالمستشفى ومسبتنيش الا لما إطمنت
علياليه بقه أضرها
هشام : وهي فين الهانم صحيح
منة : أنا خليتها تمشي لان عارفه إنك كنت حتضايقها
هشام : ماهو علشان بحبك وبخاف عليكي
إبتسمت منة بعد سماع تلك الكلمات الجميلة من خطيبها أما عمر فشروده
منعه من متابعة حديث صديقه وخطيبتهفهاهي ظهرت أمامه
مرة أخرى ودون أن يبحث عنهاظهرت وتأبى أن تفارق خياله
وعدها أنه سيعود من أجلهاوها قد جاء الوقت .

وصلت نور للصيدلية لتجد دعاء في إنتظارها
نور : معلش يا دودو
دعاء : ولايهمك يا نور ماهو غصب عنك بردهانا أصلاً كنت
قلقانه عليكي وإنتي جايه
نور : أنا مش عارفه اللي حصل خلصت معاكي تليفون وبصيت جنبتي ثانية
بس لقيتها قدامي
دعاء : بس يا نور أنا بصراحه كنت ببقى قلقانه عليكي وإنتي بتسوقي
ومكنتش برضى أقولكبس دلوقتي حقولك
نور : إيه بتقلقي ليه
دعاء : نور الأدوية اللي إنتي بتبليعيها دي بتضعف التركيزكفاية بقه
وخدي بالك من نفسك

نور : عادي يا دعاء بس عمري ما حصلت معايا مشكلة في السواقة
دعاء : متعانديش كمان دي بتضعف الذاكرة يا نور إنتي بتعملي إيه في
نفسك

نور : ماهي دي أحلى حاجة فيها إنك تنسي او على الأقل تحاولي
دعاء : إنتي أخبارك ايه مع أدهم دلوقتي
نور : العادي بس هو بقاله فترة ملوش دعوة بيا الكلام عالق قوي من
ساعة اللي حصل قبل ما نساfer على الله يزهد بقه ويبطل عند
ويعتقني سيبك مني إيه حكاية شغلك ده بقه وليه مش عايزة
تروحي الشركة الجديدة دي
دعاء : اه حكيالك لاني إنتي رأيك مهم قوي في الموضوع ده
نور : بجد ليه

دعاء : الشركة الجديدة دي كنت عملت فيها مقابلة من شهر وكنت فعلاً
عايزة أشتغل هناك بس إكتشفت حاجة خليتني أغير رأيي وقلت أكمل في
شركتي وخلص
نور : حاجة إيه

دعاء : لقيت أدهم صاحب الشركة
نور : ايه ده معقوول

دعاء : تخيلي بصراحة ماتشجعتش للشغل علشان اللخبطة اللي
في حياتك معاه وخفت ده يآثر على علاقتنا فقلت طظ بس حصلت حاجة
غريبة في الشركة فهموا اني موافقه وحشتغل معاهم ولقيتهم بيكلموني
إمبارح ببسألوني خلصت إجراءات إستقالتي ولا لا وحابدأ معاهم إمتى هي
برده غلطتي هربت ومصرحتهمش وقتها بالرفض او القبول
نور : وبعدين كملي

دعاء : مفيش رحت النهارده وادهم قابلني بنفسه وكان مستغرب إزاي انا
برفض الشغل في شركته وتمسكه بشركتي مع ان وضعها المالي سيئ
وقربت تفلس

نور : عادي هو ده أدهم إزاي حد يرفض يشتغل في شركته عظيمه
وإزاي واحده ممكن ترفض عريس زيه وبعد الجواز ترفض راجل
زيه ده طبيعي

دعاء : المهم كمان لمح اني ممكن أكون رافضة بسببك وإنك حاكية ليا
حاجة طبعاً أنا أنكرت ده بشدة خفت من غير ما أقصد أسبب ليكي مشكلة
معاه

نور : هو مش بيهمد بيحفر ورا المشاكل

دعاء : أنا قتلته اني محرجه بس من الشغل علشان طبعاً علشان إنتي صاحبتني وهو رد ان الشغل ملوش علاقه بالعلاقات الشخصية وكلام من ده نور : هو ميعرفش إنك إترفدي أصلاً
دعاء : لأ طبعاً مقلتش

نور : بصي يا دعاء مفيش حاجه ممكن تأثر على علاقتنا إنتي أعز صاحبه عندي ومش عايزاكي تاخدي قرار مبني على لخبطة حياتي أنا لو إنتي فعلا شايفاها فرصة شغل بغض النظر عن اي حاجه تانية روعي وربنا يوفقك لكن لو مش مرتاحه للشغل برده قرارك إنتي
دعاء : ايوه يا نور بس ده جوزك وعندك مشاكل الدنيا معاه واللي عمله معاكي أصلاً مخليني مخنوقه منه

نور : بصي يا دعاء أنا عارفه بس في مجال الشغل ياما حتضطري تتعاملي مع ناس مخنوقه منهمده وارد وبالنسبة لادهم في الشغل انا عارفه إنه ناجح وشركاته ناجحة وكمان بيدي مرتبات محترمة فعلشان كده دي ممكن تكون بالنسبة ليكي فرصة شغل كويسه وحياتي بقه معاه مش عارفه بس حاسه اني خلاص قريت أخلص وطلاقي قرب
دعاء : ليه بتقولي كده

نور : زي ما قلت ليكي هو شكله زهق وعنده ممكن يقل في الموضوع ده لأن الموضوع بالنسبه ليه عند مش اكثر هو اصلاً عمره ما حبني وكمان مامي إتغيرت وبدأت تحس فعلاً بغلطة الجواز دي وأكيد حتساعدني
دعاء : لو ده فيه سعادتك دي أكثر تهمني يا نور علشان نور بتاعة زمان ترجع

نور : إدعيلي

دعاء : علطول بدعيلك وماما كمان
نور : وأنا زي ما قلتك شوفي الأصلح ليكي وإعمليه إتفقنا
دعاء : خلاص ربنا يسهل

جلست نور في سيارتها تفكر فيما أخبرتها به دعاء شعرت أنها شجعتها بطريقة غير مباشرة على العمل مع أدهم خوفاً من أن تأخذ دعاء قرارها بناءً على حياة نور دون إعتبار لمصلحتها الشخصية ولهذا ظنت أن ما تفعله في مصلحة صديقتها وأن مشاكلها لا تقف جداراً أمام أحد

لاحظت نور قبل أن تتحرك الأوراق المبعثرة داخل مقعد السيارة تذكرت أنها أوراق منه بدأت في ترتيبها حتى تسلمها لها في الصباح الباكر ودون أن تقصد رأيت إسماء مألوفاً مما دفعها لقراءة ما في الأوراق قرأت نور الأوراق كلها وكانت المفاجئة

الفصل السادس والعشرون

محمود مهران كان الإسم حافظاً قوياً لقراءة الأوراق التي تحتوي فيما يبدو عن تجميع لبعض المعلومات عن بعض الصفقات الفاسدة وبعض القصص عن إستغلال النفوذ السياسي والحزبي له ولآخرين مثله

قضت نور ليلتها في قراءة الأوراق كانت تشعر داخل قرارة نفسها أن كل ما تقرأه هو الحقيقة ولكن بمشاعر الإبنة تود تكذيب كل ذلك يال الحظ فمن دون كل الناس تصدم سيارتها منة لتقع في أيديها تلك الكلمات هذه المعلومات أبيها الذي تخلى عن كل شيء مقابل المال من الطبيعي أن يفعل معها ما فعله وأن تمثل تعاستها بالنسبة إليه صفقة خاسرة وزواجها مصالح مشتركة إبتسمت إبتسامة ساخرة ربما هي تستحق أدهم ربما يستحقون أن تكون إبتنتهم تعيسة فالطيور على أشكالها تقع

في الصباح ذهبت نور لزيارة منة ومعها رزمة الأوراق
نور : صباح الخير
منة : صباح النور إزيك يا نور
كانت تجلس بجانب منة سيدة مسنة تبدو عليها ملامح الطيبة تلك الطيبة التي تجدها في ملامح كل أم مصرية ملامح تجد فيها شقاء السنين وسهر الليالي من أجل أسرتها غير عابئة بشئ سوى سعادة أبنائها
منة : دي نور صاحبتني يا ماما
والدة منه : إزيك يا بنتي نورتي
نور : أهلاً يا طنط فرصة سعيدة
والدة منة : خلاص يا منة حسيبك مع صاحبتك شوية وأروح أحضر الغدا لإخواتك وأرجع بعد العصر

منة : خلاص يا ماما
والدة منة : مع السلامة يا بنتي
نور : مع السلامة يا طنط
منة : يا بختهم وانا باكل أكل عجيب هنا بس حاطع بكرة ان شاء الله
نور : لخبطلكم الدنيا
منة : ياستيأهو تغيير
نور : صحيح الورق ده كان معاكي وكان في عربيتي أنا نسيت أديهولك
إمبارح
منة : ياااااااااااا أنا نسيت ده ورق بتاع هشام كان نسيه عندي وكنت حقاله
وأديه ليه
نور : امممممممم انا مكنش قصدي أقراه انا بس وانا برتبه حسيته
مقالات معلومات كده عن ناس بتشتغل في السياسة
منة : لا عادي ولا يهملك أصل هشام صحفي مع وقف التنفيذ ...الجريدة
اللي بيشتغل فيها بترفض تنشر ليه حاجات شبه كده بينشرها عالمدونة
بتاعته وما ادراكي من المشاكل اللي بتحصل بقه
نور : مشاكل
منة : طبعا كل شوية يتحبسه في أمن الدولة لغاية ماتعود عليهم كويس ان
ماما مش هنا دي أكثر حاجه بتضايقها من هشام
نور : وإنتي
منة : دي أكثر حاجه بحبها فيه شجاعته ودفاعه دايماً عن الحق حتى لو
كان على رقبتةبس اوقات بخاف عليه بخاف حد من اللي بيكتب
عنهم يستقصده ولا يسلط عليه حد بس أرجع وأقول الحارس هو ربنا
وهشام دايماً يقولي ...قل لن يصيبنا إلا ما كتب الله لنا
نور : كلامك حلو قوي بس معقول في ناس كده وأذية الناس تبقى سهلة كده
كانت نور تقول تلك الكلمات لتناقض نفسها ربما لتنتفي أو لتكتم صوت
الهواجس بداخلها التي تذكرها بما حدث

منة : عارفة يا نور الناس دي عاملين زي ما يكونوا بيطلعوا برج برج
عالي قوي كل ما يطلعوه يبعدهوا أكثر عن الأرض فيشوفنا صغيرين
....وكل ما يبعدهوا أكثر يشوفونا صغيرين أكثرنمل بيدوسوا عليه من
غير ما يحسوا بالذنب اويحسوا إن ده غلط
شردت نور بعد حديث منة لقد ذكرتها بما حدث أهكذا رأى والدها عمر
.....حشرة لا مانع في سحقها لإزاحتها عن الطريقعمر لقد

فريال : أدهم بيوحشني قويحاسة إني قربت أموت وماشبعتش
منه نفسي يرجعلي وأخده في حضني مرة واحده بس

سعيد : فريال

فريال : ربنا يسامحك يا أحمد إنتقم مني في إبنني كرهه فيا وملا دماغه من
ناحيتي

سعيد : إنتي كان في إيدك إيه تعمله

فريال : كان بيلوي دراعي يا أعيش معاه يا يحرمني من إبنني بس مقدرتش
يا سعيدأنا بعد ما دخلت العيلة دي لقيتهم مش شبيهي حاجه زي

الديناصورات وما بيفكروش في حاجه غير الفلوس حلال حرام مش فارقة
سعيد : طيب ليه مفهمتيش إبنك بدل الحزن اللي انتي عايشة فيه ده

فريال : أفهمه إيه بس يا سعيد أدهم ماكنش حيفهم ده ومكنتش متخيلة إن
أحمد حيكراه فيا كده ويبعده عني بالشكل ده

سعيد : تحبي أكلمه

فريال : أنا حاكلمه حاقله إنه وحشني وعايزة أشوفه جايز يجي وأملي
عيني منه

وهكذا كانت فريال أم أدهم تتجرع مرارة بُعد إبنها عنها تدفع ثمن قرار
إتخذته من زمن عندما تركت والده فتحول عشقه لها لإنتقام وزرع الكره في
قلب إبنهوأقنعه أن المرأة لا تعرف الحب لا تعرف سوى
التملك وتبيع من أحبها في لمح البصر غير مبالية بعشقه فمرر عقده لعقل
أدهم وجعلها تنمو بع مرور الزمن

بدأت دعاء العمل بالفعلأخذت قرارها بعد تفكير طويل وفي
النهاية قررت طرد الوسوس من عقلها وإعتبرتها قلق زائد وقررت
التركيز في حياتها العملية دون النظر لأي إعتبرات أخرى ومع مرور
الأيام بدأت تعناد عملها الجديد وكونت بعض الصداقات البسيطة مع
زملاءها وأدهم لم يظهر إلا قليلاً ولم تتعد علاقتها بها علاقة المدير
بالموظف مما أراحها كثيراً وعلى الجانب الآخر كانت الأفكار بل بالأحق
صراعات داخل عقل أدهمكلما رغب أن يقترب منها خطوة إبتعد
أميلاً هو الخوفالخوف من الخضوع لهذا العشق

.....فيخسر تلك الصخرة القوية التي وضعها مكان قلبه لسنوات
فأصبح الرجل الذي عليه الآن ولكن إن إمتلكته امرأة ربما ينتهي وتتحطم
تلك الصخرة للأبد فيصبح هشاً يتحطم من أقل صدمة لكن
وجودها أمامه رؤيتها كان ذلك هو ملاذه الوحيد الذي رغبه وإعتاده وأدمنه
وأراحه نعم أراحه فهو على الأقل يعلم أنه لا يوجد رجل آخر في حياتها نعم
لا يوجد آخر مع حبيبته

ولكن دوام الحال من المحال وكان هو يعلم ذلك كان يراقبها من
بعيد كالصقر يشعر بالغيرة تلتهم قلبه اذا رآها تتحدث مع هذا أو رمقها
أحدهم بنظرة إعجاب وكان ذلك اليوم هو بداية الأحداث كان
إجتماعاً طويلاً حرص أن يكون مكان جلوسها بجانبه لحظات من القرب
يختلسها بجانبها وكانت هي تتحدث بكل حرفية تلاحقها نظرات الغيرة من
البعض والإعجاب من البعض الآخر ولكن نظرات كريم كانت تختلف
نظرات إلتفتها أدهم كالرادار نظرات أغضبه وما أغضبه أكثر
حديث كريم الجانبي معها بعد الإجتماع ماذا يقول لها من المؤكد
أن بينهما شيء ما متى حدث هذا ود لو أنه يستطيع أن يجذبها
بعنف من أمامه يستجوبها يوبخها يعاقبها ولكن بأي حق
ظل الأمر يؤرقه أياماً ود أنه لو يستطيع الإبتعاد عنها كما فعل قبل ذلك
ولكن لم يستطيع فلقد إستحوذت على عقله وبقوة تلك المرة وها
قد أصبح كريم غريمه رآه مرة أخرى يتحدث إليها وهو
يستقل سيارته نظر نحوها ورأته رمقها بنظرة غاضبه وإنطلق مسرعاً
بسيارته

كان الخبر مفاجئاً بالنسبة لدعاء نظرت لهدى زميلتها وقالت

دعاء : بتقولي إيه

هدى : زي ما بقولك كده كريم إترقد من الشغل إمبراح

دعاء : إزاي وليه

هدى : معرفش أنا إتفاجئت برده زيك

دعاء : أيوه بس حرام لازم يكون فيه سبب

هدى : هو بجد صعب عليا وبعدين بطريقة قليلة الذوق قوي قال اللي إسمها

جينا هي اللي بعنتله قرار الرقد وقال إيه أوامر مستر أدهم وشكراً لخدماتك

وحتى مخلصوش يسلم بقية شغله اللي هو متجيش من بكره زي ما يكون

عايزيين يخلصوا منه بره الشركة بأي طريقة

شردت دعاء بعد حديث هدى وتذكرت نظرة أدهم الغاضبة نحوها عندما
رأها مع كريم وبدأت هواجسها وشكوكها تطفو للسطح مرة أخرى
.....رن صوت الهاتف ليقطع أفكارها كانت جينا

جينا : دكتورة دعاء

دعاء : أيوة

جينا : مستر أدهم عايزك في مكتبه

دعاء : طيب اوكيه

إتجهت دعاء لمكتب أدهم كان جالساً وأمامه الكثير من الأوراق حياها
بلامبالاه وتابع قائلاً : إنتم بعنتم العينات لوزارة الصحة مش كده

دعاء : أيوة

أدهم : طيب ليه التأخير في الرد

دعاء : انا سألت إمبراح وكانوا لسه مخلصوش حاسنل ثاني

أدهم : طيب تابعي الموضوع بنفسكوأنا محتاج أخذ الموافقه بسرعة

علشان منعطش الإنتاج

دعاء : حاضر عنئذناك

أدهم : إستنينظر أدهم نحوها نظرة قوية وهو يقول تلك الكلمة

ثم تابع : شكلك متضايقه في حاجه؟؟؟

دعاء : أبداً مفيش

أدهم : إزاي باين على وشك قوي إنك متضايقه

دعاء : لا حضرتك بيتهيالك بس

أدهم : ولا تكوني متضايقه علشان الأستاذ رامي

نظرت نحوه دعاء بغضب شديد غضب من كلماته ومن نبرة حديثه ردت

مسرعة : نعم حضرتك بتقول إيه

أدهم : اللي سمعته

دعاء : عموماً اعتقد دي حاجه تخصني أتضايق أو لأ مدام ملوش علاقة

بالشغل خلاص

أدهم : يعني إيه الكلام ده مش فاهم

دعاء : يعني ممكن اتعاطف مع أيمن بطريقة شخصية وأزعل علشانه

علشان إترفد لكن مادام ده مآثرش عالشغل حضرتك مش من حقك تكلمني

كده او تحاسبني

أدهم : يعني الموضوع مجرد تعاطف مش أكثر

دعاء : نعم

أدهم : سؤالي واضح

دعاء : عندئذك

أدهم : إستنتي هناقام أدهم مسرعاً معترضاً طريقها قبل أن

تخرج من الغرفة وتابع بإصرار : ردي على سؤالي

دعاء : مستر أدهم لو سمحت مينفعش كدهانا ماسمحلکش بتلمح

تلميحات غريبة وبتتدخل في حاجات شخصية مش من حقك تتكلم فيها

قالت دعاء جملتها الأخيرة وهي تنظر نحوه في تحدي بدون إرتباك بدون

خوف لم تثنيه لا كلماتها ولا نظراتها عن أفعاله بل زادته إصراراً على

الإقتراب منها أمسك ذراعها بعنف ليقربها منه بحركة مفاجئة صدمتها

للحظات وتابع : مستر أدهممستر أدهم إنتي بتستهيلي ولا

بتستعبطي ولا عاملة نفسك مش فاهمه

جذبت دعاء ذراعها من يديه كانت غاضبه لدرجة كبيرة غاضبه منه ومن

نفسها صمتت قليلاً ثم قالت : مستر أدهم ياريت تشوف بديل ليا في أقرب

وقت إستقالتني حتوصلك كمان شوية

خرجت من الغرفة مسرعه وهو يقف مكانه بدون حراك

الفصل السابع والعشرون

ظل أدهم واقفاً مكانه دون حراك لوهله ليتزك بعد ذلك الغرفة والشركة

كلها مسرعاً وينطلق بسيارته دون أن يحدد وجهتهأما

دعاء فكانت ملامح الحزن ظاهرة على وجهها حتى بكائها التي قضت وقتاً

في محو آثاره كان لا يزال ظاهراً في عينيهاشعرت فايضة بالقلق

عند رؤية إبنتها في تلك الحالة

فايزة : دعاء مالك يا بنتي في إيه

دعاء : مفيش يا ماما

فايزة : إزاي مفيش إنتي معيطة

دعاء : بجد مفيش يا ماما مشكلة كده في الشغل ضايقتني

فايزة : مشكلة إيه

دعاء : مشكلة صغيرة

فايزة : مشكلة صغيرة تخليكي تعيطي كده

دعاء : مشكلة كبيرةوأنا سبت الشغل
فايزة : يا بنتي إحكي لي في إيه تعبتلي قلبي
دعاء : سلامة قلبك يا ست الكل بصي انا بس علشان متضايقه مش عارفة
أحكيلما أروق حكيك على كل حاجه
فايزة : خلاص يا دعاء حسيبك دلوقتي

لم تكذ فايزة تغادر الغرفة حتى انفجرت دعاء في البكاء مرة أخرى لم تكن
تبكي فقط بسبب ما فعله أدهم أو بسبب هذا الشعور داخلها أنه قد يكون
صادقاً بل بسبب تحرك مشاعرها هيمشاعر إستولت بقوة على قلبها
.....إحتلته وتأبى أن ترحلبكت دعاء بحرقة إنها خيانه
لنور لصديقتهامجرد أن تتحرك مشاعرها إتجاه أدهم خيانه .

في بهو القصر الكبير كانت تجلس نور مع والتها يحتسون القهوة في صمت
نور : بابي شكله حيتأخر
لبنى : طب قوليلي إنتي عايزاه في إيه
نور : مامي إنتي فاكره الكلام اللي قلتيه ليا
لبنى : كلام إيه يا نور
نور : مش إنتي وعدتيني إنك حتساعديني إني أسيب أدهم
لبنى : لسه عايزة تسيبيه
نور : وإيه اللي إتغير
لبنى : لقيتك بقيتي مستقرة أكثر قلت جايز الأمور إستقرت بينكم
نور : الأمور مستقرة لأننا تقريبا بطلنا نتكلم مع بعضمامي
بصي بابي شكله حيتأخر لما يجي بلغيه بالنيابة عني إني النهارده حاطلب
الطلاق من أدهم
لبنى : إيه
نور : ولو رفض حارفع عليه قضية خلع
لبنى : نور إنتي بتقولي إيه
نور : اللي سمعته يا ماميخلاص أنا بطلت أخاف وياريت إنتي
كمان تبلغيه الكلاممش تخافي
غادرت نور وتركت أمها لبنى حائرة عن كيفية إخباره بهذا الأمر دون أن
يصب جام غضبه على إبنته

جيجي : كل ما اشوفه مع مراته أحس إن في سكاكين بتقطع فيا و أندم على كل لحظة طيش مرت في حياتي كانت سبب فراقناوالنتيجة قدامك زي ما تقول بعاقب نفسي بيك وبغيركالنتيجة إني حافضل طول عمري أتفرج عليه من بعيد مش قادرة حتى أقرب منه
أدهم : للدرجة دي

جيجي : لو بتحبها قوي كده زي منا حاسه متسيبهاشمتفكرش فكر بس إنك حتكون معاها وإن اللحظات دي حتكون أحسن لحظات في حياتك لكن لو حاولت تنساها مش حتقدر حتبقى زيي بتتفرج عليها من بعيد وهي في حضن راجل تاني

إستمع أدهم لكلمات جيجي التي ضغطت على وتر حساس بداخله لم يقطع أفكاره سوى صوت هاتفه المحمول ليجد رقم أمه

شعر أدهم بالقلق من هذا الإتصال الذي جاء قرب بزوغ الفجر رد سريعاً

أدهم : الو

سعيد زوج الأم : أدهم

أدهم : أيوة

سعيد : انا عمك سعيد يا بني

أدهم : خير في حاجه

سعيد : والدتك تعبت شوية ونقلناها المستشفى بس هي على كلمة واحده

عايزة أدهم عايزة أدهم

أدهم : إيه

سعيد : الله يخليكي يا أدهم تعال بسرعة

أدهم : إنت في مستشفى أنا جاي حالا

سعيد : حاقولك

وهكذا إنطلق أدهم مسرعاً بسيارته للمستشفى هناك وجد امه وعلى وجهها علامات المرض الشديد ترقد في الفراش تذكر آخر مرة رآها فيها كانت بعد رجوعه من أمريكا مباشرة زارها زيارة قصيرة ولم يرها بعد ذلك وتلك كانت عادته معها زيارات قصيرة على فترات متابعده ومعاملة جافة ظن انه يعاقبها بها على تركه والتخلي عنه وعن والده لم يكن يدري أنه يعاقب نفسه أيضاًكانت أخته الصغيرة دينا تبكي بحرقه وأخيه سامح

.....إستغرقت نور نوم في النوم متأخرة لتجد أن أمها طلبتها على هاتفها المحمول أكثر من ٥ مرات ووجدت أيضاً رقم منة قامت من نومها وهاتفت منة على الفور

منة : صباح الخير ناموسيتك كحلي ولا إيه
نور: هههههه فعلا راحت عليا نومه
منة : بقولك عيد ميلاد هشام بكرة وعايزة أجييله هدية ظريفة تيجي معايا ننقيهاأصل بصراحه ذوقك حلو
نور : طبعاً حاجي معاكي
منة : يعني فاضية كمان ساعتين
نور : خلاص حعدي عليكي بالعربية

خرجت الصديقتان وساعدت نور منة في إختيار هدية رقيقة كانت عبارة عن ساعة أنيقة

منة : فعلاً كان لازم أجييك معايا ذوقك تحفة
نور : منا عارفه
منة : بيعجبني فيكي التواضع بتاعك بصراحه
نور : من بعض ما عندكم
منة : هههههههههههه طيب إعملي حسابك إنتي معزومة
نور : بجد ليه مش عاملينه رومانسي إنتي وهو بس
منة : لا عازمين صحابنا وكمان علشان أعرفك عليه إنتي مش بتقراي كتاباته وعجبتك
نور : عجبتني خطيبك ده موهوب بجد وعنده قدرة حلوة قوي على ربط الخيوط والتشجيع
منة : تشجيع
نور : اه علشان الواحد يبطل يخافالخوف بيخلي الظلم يكبر ويتجبر وينجح
منة : ايه ده ايه ده دانتي إتأثرتي بكلامه بجد
نور : أصل كلامه جه على الجرح
منة : جرحأنا بحس يا نور إن في حياتك سر كبير حمل إنتي شايلاه ومش حكياهوليمش فاهمه في إيه ومش عايزة أنقل عليكي وأسئلك
نور : حاقولكبس في الوقت المناسب حكيالك على كل حاجه
.....أحل بس آخر جزء من المشكلة

- عمر : ليه بتقول كده
هشام : على هشام يلا قول إعترف وإلا حنط السيخ المحمي في صرصور
ودنك
عمر : كده طيب أنا حاقول لمنة على المزز اللي عاجبينك هه وكمان حقول
شوية تحابيش من عندي
هشام : ولا يهمنيومن النهارده مفيش مزز في منة بس
عمر : ربنا يهنيكم ببعض
هشام : ويهنيك وتلاقي بنت الحلال اللي تنسيك الماضي كله
عمر : إديلي
هشام : إنت لسه بتفكر فيها يا عمر
صمت عمر قليلاً عندما ذكرها صديقه شعر أن بداخلها حملاً يحتاج من
يشاركه إياه
عمر : شفتها يا هشام
هشام : بجدكان قلبي حاسس إن في حاجه حصلتك هي اللي
لخبطتك كدهإمتى وفين
عمر : يوم ما كنت معاك في المستشفى بتزور خطيبتك
هشام : إيه بتتكلم جد مقولتليش ليه
عمر : إنت مكنتش معايا وقتهاشفتها وهي بتركب عربيتها لما
رحت أجيب الموبايل
هشام : وهي شافتك كلمتك
عمر : لا ماشافتنيش
هشام : علشان كده بالك مشغول
عمر : كنت بحاول أنسى و أستمر في حياتي بس لأ مش حاقد
.....لازم أدخل حياتها ثانيلازم أشفي غليلي يا هشام بجد
مش قادر
هشام : عمر لو كنت فاكر إنك لما تنتقم منها حترتاح تبقى غلطان
عمر : مش حترتاح بس عالأقل هي وهو وأبوها برده مبيقوش مرتاحين
هشام : يعني حتعمل إيه يا عمر حتخطفها ولا حتبوظلها حياتها مثلاً
عمر : منا لو عارف حاعمل إيه كنت إرتحت
هشام : عمر دول ناس نابهم أزرق أبوها زمان كان قرش بقه حوت
وجوزها إنت عارف هو بيقى و ابن مين
عمر : إنت اللي بتقول كده فين كلامك عن تحدي الخوف والوقوف قدام كل
ظالم علشان ميقاش فرعون

همت لمقابلته ولكنها تسمرت مكانها عند رؤية هيئته..... كان يبدو عليه الإجهاد الشديد وخصوصاً عينيه تكاد تكونا مغلقتان وكأنه لم ينام لأيام وملامح الحزن تملأ وجهه وكأنه باكيا أمن المعقول أن يبكي أدهم !!! كان هذا هو السؤال الذي قفز لذهنها بمجرد رؤيته نظر نحوها ولكن لم يحدثها تركها متجهاً لغرفته أوقفته بجرأه وهي تقول : مالك شكاك عامل كده وكنت فين من إمبراح وموبايلك مقفول
أدهم : ومن إمتى بتهتمي كنت فين ولا قافل أو فاتح الموبايل
نور : مش مهتمه طبعاً أنا كنت عايزاك في موضوع مهم
أدهم : مش دلوقتي أنا تعبان وعايزة أنام
نور : إسمعني وبعدين نام
نظر نحوها في غضب شعرت بالخوف للحظة ولكنها إستجمعت شجاعتها وظلت تنظر نحوه في تحدي
أدهم : أنا أمي ماتت إمبراح
قال جملته وتركها وذهب لغرفته ظلت نور متسمة في مكانها للحظات شعرت نحوه ببعض التعاطف وفكرت الإتجاه لغرفته ومواساته ولكنها تراجعت وإتجهت لغرفتها

عاد والد نور متأخراً كعادته ووجد زوجته في إنتظاره على غير العادة
محمود : إيه ده ايه اللي مسهرك لغاية دلوقتي
لبنى : مستنياك
محمود : خير
لبنى : نور كانت عندي إمبراح كانت عايزة تتكلم معاك في موضوع
محمود : إيه بقه قررت تعقل وتفكر في مصلحتها
لبنى : كفاية إنت بتفكر لها
محمود : أيوه بفكر لها وبفكر لك إنتي كمان إنتم من إمتى بتعرفوا تفكروا
لبنى : بنتك عايزة تطلق
محمود : إيه !!!!!!!!!!!!!!!
لبنى : اللي سمعته بنتك حتطلب منه الطلاق ولو موافقش حترفع عليه قضية خلع

محمود في غضب شديد : مجنونة عايزيين تفضحوني وبدل ما
تعقليها يا هانم عامل نفسك مرسال
لبنى : محمود البننت شكلها تعبانه فعلاً واضح إنها مش مرتاحه معاه أنا
كنت فاكره زمان زيك إنه أفضل عريس وأفضل جوازة بس لأ بنتي
ضاعت مني ضاعت ضحكتها يا محمود
محمود : علشان مش عارفه مصلحتها
لبنى : مش مهم فوق بقه مش كل حاجه حنختارها ليها وحنعملها
على مزاجنا وفي الآخر هي ماستفادتش حاجه وبقت تعيسة اللي
إستفاد إنت علاقتك بأحمد الحناوي قويت على حساب جوازة بنتك وبقي
عندك المال والمنصب والقوة
محمود : وهو ده عندي لوحدى إيه ما هو علشانكم ولا أنا متجوز واحده
ثانية ولا عندي بنت ثانية
لبنى : محمود البننت تعبانه كلم الولد إفهم منه طيب أو حقلها رغبته بنتنا
حتضيع مننا كده
محمود : إستني إما أطلبه أو ففففف موباييله مقبول كلمي نور
لبنى : مش دلوقتي حنكلمها لما تهدي نرفذتك عليها مش حتحل حاجه
نظر محمود لزوجته وظل صامتاً لم يقتنع بكلمة مما قالته ولكنه شعر أن
إبنته إبتعدت عنه مع مرور الزمن وإبتعد عنها فأصبحوا كالغرباء يتحدثون
ولا يفهمون بعضهما البعض

إستيقظت نور ولكنها لم تجد أدهم في غرفته قالت لنفسها أو ففففف
نزل من بدري راح فين ده أنا عايزة أخلص بقه عموماً معلش كل
تأخيرة وفيها خيرة

قررت الذهاب للصيدلية لقضاء بعض الوقت ثم الذهاب لعيد ميلاد هشام
خطيب منة كانت نور تفكر في مصارحة منها وتخبرها من هو أبيها هذا
الرجل الإسم داخل اوراق هشام ولكنها كانت تتردد خوفاً من أن يؤثر ذلك
على صداقتهم قالت لنفسها أخلص بس من موضوعي مع ادهم وبعدها
حصارح منة بكل حاجه وهي أكيد حتفهم

في هذا الوقت كانت دعاء تشعر بالملل حاولت أن تشغل نفسها في ترتيب المنزل حتى لا تفكر فيه كانت تود الإتصال بنور فهي لم تحدثها منذ تركها للعمل ولكنها تراجعت كيف تحدثها وبعدها حدث هل تستطيع أن تكون بوجهان سمعت جرس الباب يدق بإصرار قالت لنفسهايا ترى مين ده كلهم في شغلهم

إتجهت دعاء وفتحت الباب تسمرت من هول المفاجئة عند رؤيتهأدهم .

الفصل التاسع والعشرون

تسمرت دعاء مكانها للحظات من هول المفاجئة نعم يقف أمامها على باب شقتها بكل جراءة
دعاء : إيه ده إنت اللي جابك هنا
أدهم : قافلة الموبايل ليه
دعاء : إنت إتجننت يعني علشان قافلة الموبايل تيجيلي البيتلو سمحت إتفضل إمشي
أدهم : مش قبل ما تسمعيني الأول
دعاء : مش حاسمقالتها دعاء بحزم وبالفعل حركت الباب لإغلاقه ولكنه أعاق الباب بقبضته القوية ليفتحه مرة أخرى بقوة وفجأة وجدته داخل المنزل وأغلق الباب خلفه
دعاء : إنت مجنون إيه اللي بتعمله دهإطلع بره
أدهم : مش قبل ما تسمعيني
دعاء : أسمع إيه أنا مفيش بيني وبينك كلام
أدهم : أو عدك لو سمعتيني حاخرج ومش حضايقك تاني
دعاء : طب إفتح الباب
أدهم : مينفعش كده اللي طالع واللي نازل حبيص علينا
دعاء : يا سلام بتخاف عليا قوي
أدهم : إنتي أكثر حد يهمني في الدنيالإنك حبيبتنيدعاء
أنا عايزك تكوني مراتي
دعاء : إنت بتقول إيهاسكت
أدهم : لأ مش حاسكت بحبك أنا مصدقت قلتها وحافظل أقولها والله بموت فيكي

كانت دعاء تشعر حقاً بصدق مشاعره شعرت أن أمامها أدهم آخر ليس أدهم المغرور الذي عرفته منذ سنوات كانت عيناه ممتلئتان بالحب لم ينظر لها رجل تلك النظرة من قبل ولم ينتفض جسدها إلا عندما ينظر نحوها هو هو فقط ولكن لا ليست هي تلك الفتاة ولن تضع نفسها بهذا الموقف

دعاء : مينفعش مستحيل

أدهم : هو إيه اللي مينفعش

دعاء : إنت إيه مابتفكرش في أي إعتبارت تعمل اللي إنت عايزه وخلص إنت ناسي إنك متجوز ومتجوز صاحبتى إزاي تحطني في موقف زي ده

أدهم : إنتي عارفه كويس إنى مباحش نور وعمرى ما حبيتها ولا هي بتحبني ولا أفرق معاها أصلاً

دعاء : إنت جوز صاحبتى مينفعش

أدهم : دعاء أرجوكي أنا غلظت لما عاندت زمان عاندت نفسي وحبى عاندتك وعاندت نور وظلمتها انا حاسيبها حطلقها

دعاء : ياااااااااااااه بالبساطة دي بعد إيه

أدهم : دعاء أنا كنت مغيب كنت ضايع وفقت كنت فاهم الدنيا غلط بس دلوقتي بجد فقت دعاء انا فقدت اعز الناس مش حاقدت أفقدك إنتي كمان مش حاسم بده

دعاء : مش كل حاجه إنت مش قرارك لوحداك انا مش حاسمك تجرني للخطيئة دي بإسم الحب

أدهم : خطيئة بتسمي حبنا خطيئة

دعاء : أبوة خطيئة وخيانته كمان بكت دعاء بعد جملتها الاخيرة لم يحتمل أدهم رؤية دموعها وبحركة تلقائية ملس على شعرها في حنان أزاحت يده بعنف وخوف وتابعت : ومين قال حبنا مين قالك

إنى بحبك

أدهم : قلبي عينيكى

دعاء : إنت غلطان

أدهم : لأ مش غلطان بطلي عند

أمسك أدهم بذراعيها وقربها منه ووجه نظراته نحوها وقال في إصرار أدهم قولى إنك مبتحبنيش بصي في عنيا وقوليها وأنا حاعرف بتقولى الصدق ولا كدابه

خلصت دعاء نفسها من قبضته بصعوبة وابتعدت عنه خطوات وتابعت في إصرار

دعاء : كلامنا إنتهى يا دكتور أدهم

أدهم : انا حاطلق نور يا دعاء وحاعتذرلها وحاول بقدر الإمكان اكفر ذنبي ناحيتها وحسنتاكي

دعاء : ده شئ ميخصنيش

أدهم : دعاء متتسر عيش متضيعيش مننا السعادة

عايزك تفكرى حاجه واحده بس قبل مامشى مش حتلاقي راجل يعشقك قدي

فتح أدهم باب المنزل وخرج جلست دعاء بعدها على الأرض وبكت بكت كثيراً لأنها تحبه حقاً تحبه ولكن لا تستطيع الإرتباط به لن تستطيع . هي إذاً ليست كبطلات قصصها الرومانسية لا تستطيع أن تستسلم للحب لا تستطيع أن تنزع القيود وهذا ليس أي قيد إنه قيد الصداقة .

كان كل من منة وعمر وهشام يجلسون في الكافيه مع بعض الإصدقاء للإحتفال بعيد ميلاد هشام

هشام : هو حنبدأ إمتى

منة : لما نور تيجي

هشام : هو عيد ميلادي ولا عيد ميلاد نور

منة : خلاص بقه هي على وصول

هشام : أدينا مستنيين حراقب الباب

ظل هشام يراقب الباب ويشير على كل فتاة لإغظة منة

هشام : هي دي

منة : لأ

هشام : ولا دي

منة : لأ إنت حتقعد تبصلي على كل واحده داخلة ولا إيه إن شاء الله

هشام : زهقان بتسلى وبعدين منا معرفش شكلها فبسألك أعمل إيه

منة : دي حجتك يعني إتفضل صورتها معايا على الموبايل

رحل عمر مسرعاً قبل أن تصل نور ورحل وعقله لا يخبره إلا جملة
واحدة أنها لم تتغير انها مذنبه كانت وستظل انها تستحق العقاب
هي مثل أبيها مثل أدهم لا تختلف كثيراً

كانت منة ما زالت صامته جلس هشام بجانبها وقال : زي ما سمعتي إوعي
تغلطي وتقوليلها

منة : انا كنت معتبراها صاحبتني قربتها مني قوي ليه عملت
كده تفكر عايزة تأذيك إزاي الوش الطيب ده يكون تحته
خداع للدرجة دي إتخمت فيها
هشام : منة إهدي شوية لازم نفكر بهدوء ممكن ماتقوليش ليها حاجه غير
لما أشوفها وأقدر أحكم على شخصيتها
منة : حاول

في تلك الأثناء وصلت نور أخيراً حاول هشام إصطناع المرح حتى لا
تلحظ نور غضب منة وحزنها
هشام : هي بقه دي صاحبتك اللي مأخرانا
نور : أنا متأسفة جداً الطريق كان فعلاً واقف
هشام : ماشي يا ستي انا مسامح يلا يا جماعة حنظفي الشمع

لاحظت نور شرود منة طوال الحفل سألتها بهدوء : منة إنتي متضايقه من
حاجه زعلتي مني علشان إتأخرت
منة : لا لا مفيش حاجه انا بس مصدعه
نور : معايا أسبرين خدي
منة : لأ مش عايزة شكراً

تدخل هشام في الحديث عندما لاحظ ردود منة الجافة
هشام : ها إيه رأيك بقه في الكلام اللي بكتبه
نور : زي ما قلت لمنة إنت بجد موهوب
هشام : وقضايا الفساد اللي بتكلم عنها مصدقاها ولا لأ
نور : إنتي إيه مصلحتك تكذب وبعدين من غير متقول عينينا شايفة الحقيقة
بس عاملين نفسنا مش واخدين بالناس مش كل الناس عندها جرأة إنها
تواجه الحقيقة المرة أنا بجد بحبيك

منة : ياسلامقالتها منة في غضب تفاجئت نور وحاول هشام أن يثنيها عن حديثها ولكن منة لم تكن من النوع الذي يستطيع أن يخفي مشاعره كانت تتعامل عادةً بتلقائية شديدةوبصدق نادر. نظرت منه لنور في غضب وتابعت : معجبة بكلامه وهو ييغلط في أبوكيومصدقاهجديدة دي
كان كلام منة صدمة بالنسبة لنور ظلت صامته وهرب الكلام لم تجد ما تقول شعرت بندم شديد أنها لم تخبر منة من قبلتابعت منة
منة : ليه عملتي كده كنتي بتتجسسي عليناكنتي ناوية على أديتنا هشام : منة إستني بس
منة : انا صاحبتك بسرعة قوي وإعتبرتك زي أختي ودخلتي بيتيدلوقتي أخذت بالي عمري ما جيت بينك عمرك ما حكيتي عن أهلك ولا عن جوزكماكنتش أتخيل إنك كده
دمعت عينا نور نظرت لصديقتها وقالت بصوت باكي : منة إستني إنتي فاهمه غلط
منة : لا أنا فهمت صحمتشكرة يا مدام نور الحكاية خلصت لغاية كده إرجعي لأبوكي ولجوزك إحكيلهم عن اللي قرأتيه وسمعتيه الحافظ هو ربنا

خرجت نور مسرعة وإتجهت لسيارتهابكت كثيراً شعرت ان جبروت أبيها سيكون عقبة دائمة أمام سعادتهاتمنت لو انها حكمت لمنة كل شئ من البداية ربما فهمت ربما قدرتربما

نظر هشام لمنة في غضب وقال : إتسرعتي يا منة
منة : يا سلام هي صعبت عليك
هشام : غضبك عما عن عينك حقائق منطقية
منة : إيه بقه إن شاء الله
هشام : هو اللي زي نور وزي أبوها محتاجين يعملوا خطة علشام يعرفوا بنكتب إيه ولا بنتكلم في إيه ما هو على عينك يا تاجر إحنا مش بنخبي حاجه عن حد
منة : وخبث عليا ليه
هشام : ممكن خافت تقول في الاول وفضلت خيفة تقول لتفهميها غلط زي ما عملتي دلوقتيإنتي كونتي رأيك من كلام عمر وعمر عنده مبررات مش عندكتعرفي انا لما شفتها بدأت أشك إنها ضحية

مش جاني ضحية زي عمر بالضبط البنت دي وراها سر
..... في سر ورا الحكاية بتاعتها ولازم أعرفه لإني لو عرفته حكون
خدمت عمر أكبر خدمة في حياته .

الفصل الثلاثون

إنه الحب تلك الجرعة السحرية تأخذها فتشعر أنك مَلِك دروب السعادة
وتفقدتها فتشعر أن كل الطرق مغلقة والطريق الوحيد هو طريق هو طريق
الحزن

هل يوجد إختيار في الحب هل ستقف في سوق العشق لتختار
الحبيب هل لديك ورقة محده من المواصفات لتجد
الحب المثالي هل وجدته هل فقدته

لم أخترها فقط وجدتي أحبها أعشقها
..... أعشقها وحدي لم تراني وكنت أشعر بقمّة الرضى فقط
عندما أراها أنا

حبيبتي لم أعشق جمالك فهو زائل ولم أعشق عقلك فهو بعيد عني كل البعد
ولكن عشقت كيائك
فقط وجودك أمامي كان يشعرني بالسعادة

لم أدعوك للإقتراب ولكن إقتربتي ولم أجبرك على عشقي لتخدعيني ولم
أجبرك على حبي لتتركيني

حبيبتي الغائبة الحاضرة
حبيبتي القريبة البعيدة
حبيبتي التي لا تستحق حبي تستحق غضبي
حبيبتي التي لا تستحق قلبي تستحق شيطان عقلي
حبيبتي تستحقين أن تدفعي الثمن

كانت تلك قصاصات عمر خواطره الصغيرة التي كان يكتبها من
أجل النور كان ينظر إليها يضحك ويغضب دائماً ما تمنى أن

يكون مخطئاً ظلاماً يتذكر لحظاته الجميله معهاصدق عينها
.....ولكن لا لن يكون احمقاً جديداً فالقدر يخبره وبقوة أنها ليست كما
يتمنى هي ملكة الكذب وإمبراطورة الخداع وكيف يخرج الخير
من بيت الشرالحب من قصر الكراهيةلم ينسى عمر ولن
ينسى لن يشفي غليله سوى الإنتقام سيعود كما وعدهانعم سيوفي
بوعده

في منزل دعاءكانت الأسرة مجتمعة على مائدة الغداء
.....لاحظت الأم أن ابنتها في عالم آخرحتى مناكفات أخيها
الصغير لم تخرجها من هذا العالم وتعيدها الى الواقع

مصطفى : دي مش معانا خالص يا ماما ممكن أخذ أكلها ولا حتحس
فايزة : أسكت يا مصطفى

أحمد والد دعاء : ايه يا دعاء لسه موضوع الشغل مضايقتك
دعاء : لا يا بابا أنا بس ممكن منمتش كويس إمبراح حتغدى وأنا اaaaaaaaaaaaaاام

مصطفى : ماشي يا ستي يا بختك انا حتغدى وأنزل ورايا درس
أحمد : اه ماهي دروس كلية الطب دي موضه آخر زمن

مصطفى : كله بيمشي بالدروس دلوقتي يا فندمهذا زمن الدروس
فايزة : دعاء فاكرة طنط منال

دعاء : لأ مين طنط منال

فايزة : كنت قابلتها أنا وإنتي لما كنت باشرتليك مفارش السرير من كام
شهر كده

دعاء : أكيد مش حافتكر يا مامامالها يعني ؟

فايزة : من ساعة ما شافتك وهي حتجتن كل شوية تكلمني عايزة تخطبك
لإبنها

مصطفى : اه شكل المفارش عجبتها

فايزة : أسكت يا ولدهو إبنها بشتغل في الخليج ولسه نازل أجازة
من كام يوم وهي كلمتني عايزيين يزورونا بكرةإيه رأيك يا دعاء

شوفيه مش حتخسري حاجه

نظرت دعاء لأمها وشردت قليلاً تذكرت ادهم وكل ما دار بينهم في
الصباح إبتسمت بسخرية وقالت : خلاص يا ماما حشوفه

صعدت نور لغرفتها وتركته لم يستطع المكوث في المنزل مع أفكاره كانت دقائق وإنطلق بسيارته مبتعداً

ونور شعرت أنها تود الحديث مع أحد.....فالحديث راحة وخاصةً عندما يكون لصديق عزيز تلقي بهومك على كتفه فتشعر بالراحة ولو للحظات

كانت الوقت إقترب من منتصف الليل رن الهاتف كانت دعاء ما زالت مستيقظة شعرت بالقلق هل تجيبهل من الممكن أن يكون أدهمفكرت سريعاً وققرت أن تجيب الهاتف قبل أن يجيب أخيها الذي لا زال مستيقظاً في غرفته ولكنها شعرت براحة فورية عندما سمعت صوت نور راحة لم تدم تبدلت بخوف عندما سمعت نبرتها الحزينة

دعاء : نور مالك في إيه

نور : مفيش حبيت بس أكلمك شوية

دعاء : إنتي شكلك معيطةحصل إيهإتخانقتي مع أدهم ثانيقالك حاجة ضايقتك

كانت دعاء تشعر بالرعبهل أخبرها أدهم شيئاًماذا قالكيف ستنظر إليها نور

نور : لا مش أدهمأوممكن ادهم أو بابي أو أنا تصدقي مبقتش عارفه مين السبب ولا جايز كوكتيل على بعضه بس النتيجة واحده إني تعيسه مش بقدر أحتفظ بأي حاجة حلوة في حياتي

دعاء : إيه اللي حصل يا نور

نور : تعرفي إنتي بس اللي فاضلة لياكل حاجة بحبها بتضيعماهي لازم تضيعبدل ما تتأذي

دعاء : أنا متلخبطةفي حاجة حصلت ومش فاهمه إيه

صممت دعاء قالت في نفسها : أو جايز فاهمه قرب أدهم مني وقربي منه حبيعدك عنيدي الحقيقة من غير تجميل من غير تذويق

.....الطلاق مش هو الحل المشكلة بدأت من زمان من الجواز وصعب تتحل

نور : ححكياك محتاجه أفضفضفاكرة منة اللي كنت حاكيت ليكي عنها

دعاء : أيوه إفتكرت حتى كنتي عايزة تعرفينا على بعض

نور : خلاص بقه معدش ينفع
وهكذا قصت نور على دعاء كل ما حدث مع منة حتى مشكلة اليوم
وتذكرت دعاء نصيحتها لنور أن تخبر منة بالحقيقة حتى لا تكون في
موضع الإشتباهالحقيقة التي دائماً ما نخفيها ظناً أننا في الإتجاه
الأسلم فتصبح مع مرور الوقت السر الذي نخاف من إفشائه فنخسر أعز
الناس نصحت دعاء نور بما لا تستطيع تطبيقه

تابعت نور بعد ذلك : هي من الأول غلط يا دعاءحتى لو منة
كانت تقبلت. انا إيه اللي يضمنلي إن محمود بيه مهران ميتدخلش كعادته لو
حس إن الديك الرومي الصيدة الثمينة اللي جوز هالي حتضيع ويعاقب أي
حد يقف في سكتي او سكتهومنة أو هشام يدفعوا الثمن زي ما
عمر دفعه زمان

دعاء : ياه يا نوربقالك كتيييييبيير بتهربي من سيرة عمر بتهربي
من إنك حتى تفكر فيها
نور : حاولت بكل الطرقحتى الأدوية اللي كان بينكتب عليها إنها
بتأثر عالذاكرة كنت باخدها قصدلكن قدام كل موقف صعب أرجع
أفكر النسيان بقى سطحيملامحموقف
.....لكن الألم كله فاكراه

دعاء : نور
نور : عاديأنا إتعودت متقلقيش حتى أدهم اللي كنت لسه حفاته
في الطلاق من يومينمكلمتوشمبقتش فارقه
دعاء : ليه اليأس ده بعد كانت الحياة نورت قدامك ترجعي تيأسي بسرعة
كده تاني

نور : حاسه إن حيلي إتهد مش حاقد أقف في وشهمحاسة إني
ضعيفة قوي

دعاء : فاكراه كلام هشام اللي عجبك وشجعك على مواجهة باباكي وأدهم
عن الخوف اللي بسببه بنخسر أكثر ما بنكسب واللي بسببه البجع بيكبر
ويبقى غول محدش يقدر يقف في طريقهفاكره
نور : أيوه فاكراه

دعاء : إيه اللي إتغير يا نور حتى لو منة خرجت من حياتك الكلام اللي
قرأته وإقتنعتي بيه هو ده اللي باقيإنتي محتاجه تفكري بالراحه
.....بهدوءساعاتها حاجات كثير حتفرق

قالها وقد علت الصدمة ملامحه وتجمدت الأفكار في عقله تابعت نور دون أن تلحظ شيئاً
نور : دعاء خطوبتها بكرة تخيل والغريب ان هي صوتها زعلان وهي حتتجوز وأنا مش حاقدر أخبي الفرحة في عنيا علشان حاتطلق تركت نور أدهم وصعدت غرفتها صعدت دون أن تلحظ تلك الدمعة المتحجرة في عيناه

الفصل الحادي والثلاثون

أمضى أدهم ليلته واليوم الذي تلاها وهو يفكر في كل ما حدث منذ البداية منذ بداية طريقه في الحياة دخول نور في حياته حبه لدعاء هروبه وزواجه من نور ظهور دعاء الذي أظهر حبه لها مرة أخرى ليكتشف قوة هذا الحب موت أمه

قطار كان يشعر أنه كقطار منطلق بأقصى سرعة في دربه لا يرى سوى نفسه متباهٍ بنفسه بقوته بسرعه غير مبالٍ بأحد غير مهتم سوى بنفسه غير مهتم سوى بأدهم

وها هو يشاهد طريقاً آخر بل يعرف أن الطريق الآخر هو الطريق الصحيح هو طريق السعادة الحقيقية ولأنه قطار سريع مغرور يأبى التوقف فيقرر الإنحراف بقوة نحو الطريق الآخر ولكن ينقلب السحر على الساحر وتكون سرعته التي طالما إختال بها هي سبب سقوطه فيصبح مجرد حطام بين دربين

كانت تلك المشاعر تصرخ بقوه داخل أدهم بعد سماعه خبر خطبة دعاء فكان هو القطار وكان الطريق الأول حياته القديمة والطريق الثاني دعاء والآن هو حائر شارد لم يستمر في دربه القديم ولم يستطع الوصول لدربه الجديد فأصبح هائم بين رجلين بين دربين

نظرت لبني لزوجها وهما يتناولان طعام العشاء

لبني : كلمت أدهم

محمود : إتشغلت شوية مفضيتش إنتي كلمتي نور

لبني : من يومين كانت لسه ما فتحتوش وكان صوتها متضايق

وقفلت المكالمة بسرعه

محمود : واضح إنك مشجعاها

لبني : إيه

محمود : في موضوع الطلاق واضح إنك مشجعاها

لبني : يا سلام ياريتني مشجعاها على الأقل ماكنش زمني حاسة بالذنب

محمود : اه والصيدلية بقه كانت تعويض عن الإحساس بالذنب

لبني : داننا متابع بقه

محمود : خلينا ساكت وماسك نفسي أحسن يعني بدل ما تعقلها وتخليها تقرب من جوزها وتستفيد منه تشتريلها حته صيدلية يا فرحتي بيكم

لبني : هو إنت مبتفكرش غير في الفلوس وبعدين ما خلاص محتاج إيه تاني من أدهم و أبوه منتا كبرت وبقيت محامي وسياسي وعضو برلمان وداخل شركات مش مع الحناوي بس مع الأكبر منه كمان

محمود : عمرك ما حتفهمي لا إنتي ولا بنتك الكلام قلته معاكم احسن

لبني : سيبها يا محمود كفاية عليك كده وكفاية عليها

نظر محمود لزوجته بإزدراء وترك الطاولة وترك المنزل

كانت منة تجلس مع خطيبها في غرفة الصالون قال لها هشام في جدية :

كلمتيها ولا لسة

منة : لسة

هشام : ليه يا منة

منة : مش عارفه طيب هو لو كويسة ومظلومه انا محرجه من نفسي ومن تسرعي حقولها ايه مش عارفه حابداً كلامي

إزايولو هي مش بريئة وعمر اللي إتقرص منها طلع هو اللي
صح يبقى لازم ماكلمهاش
هشام : بصي يا منة إنتي بتثقي في رأيي ولا لا
منة : طبعاً يا هشام
هشام : أنا شايف ان نور مش وحشهنظرتي للناس دائماً
مابتخيش وإنتي عارفه
منة : يعني إنت حتعرفها أكثر من عمر
هشام : عمر كان بيحب وبيحب قوي ولسه بيحب وعلشان إنجرح عمر
حكمه ما يكون بالعقل دائماً جرح قلبه هو اللي حيحركه لكن أنا طرف
محايد حظي إني اعرف الحكاية من عمر بس لما شفت الإنسانه وسمعت
كلامك عنها حسيت بالعقل كده ان مستحيل واحده زي نور تكون خدعت
عمر وإستغلته او حتى باعت حبه علشان فلوس أدهممش منطقي
منة : كلامك معقول
هشام : كلميها
منة : دلوقتي
هشام : أيوه

إتصلت منة بنور ولكنها نظرت لهشام وقالت : الموبايل مقفول
هشام : عموماً حاولي تانيخليكي وراها ماشي
منة : حاضر حافظل إتصل كل شوية

في هذا الوقت كانت نور تقود سيارتها في طريقها لمنزل دعاء لحضور
حفل الخطبةكانت أمها تتصل كثيراً ولكن نور لم ترغب في
الرد فقررت إغلاق الموبايل وفي منزل دعاء كانت تبدو جميلة جداً
ورقيقة جداً في حفل خطبتها ولكن كان هناك لمحة من الحزن داخل عيناها
.....مر الحفل بهدوء وأصر أحمد أخيها وزوجته على الإحتفال
بالعروس والعريس بطريقتهم الخاصة فحجزوا طاولة عشاء في أحد
المطاعم الفخمةخرج الجميع للإحتفال بالمناسبة السعيدة دعاء
وخطيبها وأحمد وزوجته وخرجت معهم نورامسك مصطفى
بذراعها في مرح قائلاً : خلاص إنت تعلمي نفسك خطيبتي بقة

الأقوى تحركك بأصابعها مثل الدمية تقبلك وقتما تشاء وترفضك
وقتما تشاء سحقا لهذا الأدهم الضعيف لا أريده
..... لا أرغبه سيختفى مع مرور الايام وسيبقى الأقوى
..... نعم هو إذن قراري ليس بقرارها انا أرغبها وقتما أشاء
وأرفضها وقتما أشاء

لا يعلم كم مر من الوقت متى نام ومتى إستيقظ عاد للمنزل ويبدو عليه
التعب وجد نور في إنتظاره وقد بدأت في جمع أشياءها للرحيل نظر نحوها
بإزدراء وقال : دانتي مبسوطة بقه إنك خلصتي مني محسساني إنك طالعة
رحلة

نور : لزمته إيه الكلام ده بقه
أدهم : خدي بالك إن كله بمزاجي ممكن أرجع في كلامي على فكرة
..... كل حاجه حتم برغبتي أنا
نظرت نحوه نور في تحدي وتابعت : لأ
أدهم : نعم !!!!!!!!!!!!!!!

نور : بقولك لأ خلاص إنت مش حتحكم فيا تاني وهما مش
حيحكمو فيا تاني

أدهم : اه ما هو لما لقيتيني حنيت خلاص الست جواكي ظهرت متحكيمش
ليه

نور : إنت مش طبيعي ومعتقدش إنك حتلاقي واحده ترضى ترتبط بيك الا
واحده شبهك او واحده مغصوبة عليك بس أكيد الواحده دي مش أنا
أدهم : إطلعي بره إطلعي بره بيتي انا خلاص زهقت
نور : إنت إتجننت

أدهم : إنتي طالق يا نور طالق طالق اكبر
غلطة عملتها في حياتي هي جوازنا إرتحتي
نور : فعلا إرتحت

بدأت نور في جمع بقية أشياءها في هدوء إستفز أدهم كانت حالته النفسية
يرثى لها وقف بينها وبين حقيبتها وقال في غضب شديد : نور إمشي
دلوقتي إبقى خدي بقيت حاجتك بعدين وانا مش موجود عايز أبقى
لوحدى

نظرت له نور صامته ومصدومة من طريقته معاها تابع وهو يصرخ : يلا
..... يلا بقولك عايز أبقى لوحدى ناولها حقيبتها وجذبها خارج الغرفة
..... لتهرب بدورها مسرعه من الفيلا خوفاً من حالة جنونه التي لا

تعلم لها سببا خرجت مسرعه لتترك الموبايل على الفراش دون ان تلحظه
.....ولكن بعد دقائق لحظه هولينظر إليه مطولاً لتلمع في
ذهنه فكرة شيطانية

كانت دعاء تجلس في المنزل مع والدتها التي قررت أن تزيل النقاب عن
مقتنيات الثمينة من تحت الفراش وجلست تحصي ما لديها من أكواب
وأطباق وحلل لزوم جهاز إبنتها وما ستحتاج لشراءهجلست
دعاء بجانب أمها شارده تمسك كوباً من الشاي تستمع لكلماتها بدون تركيز
فقط إبتسامه خفيفة كل دقائق
فايزة : فاكرة الطقم ده متلقيش زيه دلوقتي
دعاء : اه فعلا شكله رقيق
فايزة : إيه ده موبايلك بيرن
دعاء : لا دي رسالة ثواني حاشوف مين
فتحت دعاء الموبايل لتجد رسالة من نوررسالة غريبة أصابتها
بقلق شديد

" دعاء إحقينيانا الدنيا إتقفلت في وشي قوي خيفة أعمل
في نفسي حاجهأرجوكي يا دعاء انا في البيت تعالي حالاً "

قرأت دعاء الرسالة في رعب حاولت الإتصال بنور ولكن كان الموبايل
مغلق وهاتف المنزل خارج نطاق الخدمةإتجهت دعاء مسرعة
لإرتداء ملابسها خرجت فايزة على الفور من وسط مقتنيات وهي تقول
فايزة : في إيه يا بنتيبتلبسي ليه
دعاء : معرفشنور عندها مشكلة كبيرة لازم أروحها حالاً
فايزة : حتنزلي دلوقتيالساعة ١٠ إستني أبوكي يجي من بره
يوصلك أو أخوكي
دعاء : مش حينفع مفيش وقت حاخذ تاكسي وحابقى أكلم مصطفى يجي
ياخدنيسلام
فايزة : سلامربنا يحميكي يا بنتي

ظلت دعاء طوال الطريق تفكر فيما يمكن أن يكون حدث كان لديها هاجس واحد ان ادهم رفض الطلاق بعد علمه بخبر خطبتها وأغلق جميع الأبواب أمام نور وربما أصبحت المسكينة في حالة يأس

في نفس الوقت أغرق أدهم جسده بالماء الدافئ في محاولة للإسترخاء للهدوء إرتدى ملابسه وطرده جميع الخدم من المنزل وجلس في إنتظار قدومها

على الرغم من ان دعاء لم تزر نور في بيت الزوجية إلا مرة واحدة إلا أنها تذكرت العنوان جيداً وصلت للفيلا ودقت الجرس لتفاجئ أن أدهم هو من يقوم بفتح الباب نظرت للأرض في أرتباك متحاشية النظر في عينيه وقالت

دمعاء : نور فين

أدهم بهدوء وهو ينظر نحوها في قوة : فوق ياريت تهديها

دعاء : إيه اللي حصل

أدهم : هي تحكيك أننا حارج وأسبيكم براحتكم

أفسح لها الطريق لتستطيع الدخول ولكنه همس وهي تمر بجانبه : مبروك

دعاء : الله يبارك فيك قالتها سريعاً وتركته لتصعد السلالم متجهه

لغرفة نور

كانت الغرفة تبدو غير مرتبه وجدت حقيبة ملابس ملقاه بجانب الفراش نظرت حولها تبحث عن صديقتها دخلت الى الغرفة ظناً منها أنها

ربما تكون بدورة المياة وهي تقول : نور نور إنتي فين ولكن

بمجرد ان نظرت داخل الحمام لم تجدها فقط سمعت صوت الباب

..... يتحرك نظرت ورائها ظناً انها نور ولكنها وجدت

..... أدهم يدخل للغرفة ويغلق الباب خلفه وينظر إليها في تحدي

..... في إصرار

الفصل الثاني والثلاثون

تلجمت لم تشعر بقدمائها شعرت أنها لا تقوى على الحراك وأن لسانها عجز عن النطق وصوتها عجز عن

الصراخ أما فبدأ يتقدم نحوها كانت عيناه تنطقان بالحب
..... بالغضب بالرغبة

هي أخيراً شعرت بقدميها لم تفكر بشئ سوى الهروب بدأت
تتحرك دون أن تقول شيئاً وحاولت أن تتفادى قربه ولكنه جذبها من
ذراعها بعنف لتصبح مرة أخرى في مواجهته وقال : رايحة فين يا عروسه
دعاء : سبني سييب دراعي بقولك إنت مش طبيعي
أدهم : منتظرة مني إني اكون طبيعي وإنتي حتتزي لغيري اعمل
ايه هه أتفرج عليك من بعيد وأبعثلك بوكيه ورد
دعاء وقد بدا الضعف والخوف يظهر على ملامحها : سيبيني يا ادهم
..... سيبيني أمشي سيبيني في حالي بقه عايز مني إيه
أدهم بعد صمت للحظات ربما تفكير أخير : عايزك

لم تشعر دعاء بعدها إلا وهو يجذبها بعنف ليقذفها على الفراش
..... هرب صوتها كمن يهرب صراخه عندما يتعرض لكابوس مخيف
وخارت قواها أمام قوته وعنده لم يتبقى لها سوى دموع دموع
انهمرت من عينيها بدون بكاء بدون صراخ دموع كانت
تمثل ما يحتاجه هو ليتطهر يتطهر من نفسه من دنس
خلقه من شيطان عقله الذي طالما خطط ودبر ونفذ

إبتعد عنها سريعاً نظر نحوها في حب ثم أدار وجهه للحائط
وهو يقول : مش حاقدر أكثر حاجه بتمناها في حياتي إني
أكون قريب منك كده بس لأ مش حينفع إمشي يا دعاء
..... أخرجي بسرعة قبل ما أغير رأيي

كانت دعاء تنظر له في ذهول لم تشعر بقدميها سحبت حقيبتها وخرجت
مسرعة أما هو فقد بكى بكى من كل قلبه وشعر أنه فقدوا إلى
الأبد لم يتوقف بكائه إلا عندما سمع صوت إرتطام قوي ليخرج فيجدها
ممددة عند نهاية الدرج فاقده لوعيها نزل بسرعه ليحملها ويتجه بها نحو
سيارته وإنطلق مسرعاً لا يقول سوى كلمة واحده يارب
..... أرجوك يا رب

وجدت نور لمنزلها لتجد أمها ممسكة بالهاتف في قلق نظرت نحوها لبني
وبدى عليها الشعور بالراحه لرؤيتها : إنتي فين يا نور

نور : موجوده حروح فين

لبني : في إيه مالك

نور : إتطلقت أخيراً

لبني : إيه حصل إمتي ده

نور : ممكن من ساعة أو أكثر أنا قعدت ألف بالعربية كثير قبل
ماجي كان نفسي أجي الأقيكم نايمين علشان مش عايزة أتكلم مع

حد

لبني : علشان كده قافلة موبايلك علطول من إمبراح مش عارفه
أوصلك

نور : اه صحيح الموبايل فكرتيني

فتحت نور حقيبتها لتخرج هاتفها الجوال ولكن لم تجده تذكرت خروجها
السريع من الفيلا وقالت : اممممممممشكلي نسيته هناك بعدين أجيبه
دلوقتي محتاجه أنااa

لبني : خلاص إطلعي قبل ما أبوكي يجي

نور: فعلاً أحسن برده

صعدت نور لغرفتها ولكن لم تستطع النوم كانت غاضبة من تصرف أدهم
العنيف معها شعرت أنها تريد التحدث حقاً مع أحد ولهذا قامت بالاتصال
بدعاء

كانت فائزة تشعر بالقلق الشديد حاولت الإتصال بابنتها أكثر من مرة ولكن
لم تجب وحاولت الإتصال بنور وكان هاتفها مغلقاً هرعت سريعاً عندما
سمعت صوت الهاتف

فائزة : الوالوووووو

نور : أيوة يا طنط

فائزة : نور ايه يا بنتي إنتي تليفونك مقفول ودعاء ما بتردشمن
ساعة ما نزلتلك بعد ما بعيتي ليها الرساله أكلمها ماتردش موتوني من القلق
هاتيها

نور : إيه

فايزة : معلش يا بنتي قلقي عليها جنني ونسيت أسئلك عن حالك بس صوتك
كويسه أكيد دعاء هدتلك أعصابكإديهاالي بقه

شعرت نور وكأن أحدهم قذف في وجهها دلواً من المياه الباردة كانت
ذاكرتها تتحرك سريعاً هاتفها في المنزل مع أدهمتعرض أدهم
في السابق لدعاءملامحه الغاضبه بعد سماع خبر الخطبة
.....شعرت بالغباء الشديدلم تفيق إلا على صوت
فايزة : هي يا نورإنتي سامعانيالووووووووو
نور : سامعاكي يا طنط انا بس بكلمك من وراها علشان استئذنتك تخليها
تبات معايا احنا رحنا عند مامامممكن
فايزة : طيب يا بنتي هو ايه اللي حصل
نور : اصلي اتطلقت وفي وسط لم الحاجه نسيت موبايلها هناكهي
قاعده تحت بتهدي مامي اول ما تطلع خليها تكلمك
فايزة : ماشي خليها تكلمني ضروري
نور : حاضرعندذنتك

أغلقت نور الهاتف ونزلت مسرعة للتوجه للفيلاولكن وجدت
أبيها في إنتظارها .

الفصل الثالث والثلاثون

نظر محمود لإبنته في غضب وقال : مالكيش كبير إنتي بتعملي اللي في
دماغك
شعرت نور بالغضب الشديد وحاولت المرور بجانبه دون أن تتحدث ولكن
الأب زاد غضبه وقال : أنتي يا بنت لما أكلمك تردي عليا
نظرت نور لأبيها وقالت في مرارة : زعلانزعلان قوي كده
علشان إتطلقت من أدهمياه للدرجة دي الفلوس مهمه عندك أهم
مني ولا فكرت إتطلقت ليه ولا إزاي ولا بتفكر فيا أصلاً
محمود : إنتي بتقولي إيه أنا باعمل كل ده علشانك
نور : بتعمل ايه علشاني بتجوزني لواحد أنا رافضاه علشاني
.....عارف الأب لما بييجي يجوز بنته بيعمل ايهبيسألها مواقه
ولا لأطيب عارف بيكون أهم حاجه عنده إيهإنه
يكون مطمئن عليهاانت فكرت في ده ؟؟؟؟؟ ومطمئن عليها مش

معناه إنها متدفية بالفلوس لأ.....معناه إنه يديها لراجل يتقي الله فيها
تفتكر أدهم كان الراجل ده
 تفتكر انه إتقى الله فياطيب إزاي وهو بيشر ب وبيسكر طب بلاش
 عمرك فكرت تسألني أنا سعيدة ولا لأعمرك سألتني كان بيعاملني
 إزايطبعا لأإنت عارف إنك جوزتني واحد مايفرقش
 معاه الحلال من الحرامممكن يبقى مع أي واحده وفي وقت حتى
 لو غصب عنها
 بكت نور بشدة بعد قول هذه الجملة نظرت لأبيها في غضب لتتابع : طبعا
 إنت ميفرقش معاك يفرق بس معاك الطلاقالفلوس
البيزنسقدام دول كل حاجه تهون
 محمود : بنت إنتي إتجننتي إزاي تكلميني كده
 نور : أسفة يل والدي العزيز.....زعلان من كلاميانا برده
 زعلت لما رميت اللي بحبه في السجن علشان متضيعش منك جوازة القرن
 زعلت لما عرفت انك قصاد الفلوس إتخليت عن حاجات كثير قوي
الصحالمبادئالقيم
 محمود وقد ظهر الشرار في عينيه : إخرسي
 قالها وهو يرفع يده ليصفعها على وجهها
 نظرت له باكية وخرجت مسرعه من أمامه

كان كل ما يحدث لها أكثر من أن يتحملة بشر
 تذكرت أول مرة اخبرتها دعاء بإهتمام أدهم
 تذكرت تشجيعها لدعاء على العمل معه
 شعرت أنها حمقاء بل ملكة المغفلين وأن كل من يقترب من عالمها ملعون
 وأنها دائماً ما تسبب الضرر لغيرها وهاهي أعز صديقة لديها قد تتبدل
 حياتها وتقلب رأساً على عقب بفضل حماقتها
 لا تعرف كيف قادت السيارة وكيف وصلت للفيلااخرجت
 مفتاحها بصعوبة وفتحت البابصعدت مسرعة وهي تحاول
 أن تخرج من تفكيرها كل ما هو سئلاحظت أنه لا يوجد احد
 بالمنزلوجدت هاتفها الجوال مغلق فتحته سريعاً وبالفعل وجدت
 الرسالة المرسلة من هاتفها لدعاءظلت تنظر حولها
 وهي تقول : عملت إيهعملت إيه يا أدهم كانت تتحرك داخل الفيلا

بعشوائية إلى أن تعثرت في شيء أسفل الدرج لتجد أنه حقيبة دعاء
..... أمسكت نور الحقيبة في حسرة رمتها جانباً وإتصلت بأدهم
.....

كان أدهم قد وصل بدعاء الى المستشفى وهو في حالة يرثى لها ظل
في قلق وندم حتى طمأنه الطبيب على حالتها : متقلّش يا فندم هي
طبعاً من الوقعه عندها شوية كسور وكدمات بس حتبقى كويسه بس
هي واخده مسكن قوي فلسه مافتشش بس ممكن تدخلها

دخل أدهم الغرفة ليجد دعاء ترقد في الفراش غائبة عن الوعي جلس
بجانبها وامسك بيديها وهو يقول : سامحيني يا حبيبتى هو ينفع
تسامحيني طيب بلاش تسامحيني قومي
..... أشوف ضحكك مرة واحده وأمشي ومش خارج تاني
..... بس إنتي إضحكي إضحيلي مرة واحده بس

في هذا الوقت إتصلت به نور أجاب الهاتف بصوت حزين : ألو
نور : إنت فين فين دعاء عملت إيه إنطق
أدهم : أنا في مستشفى السلام ومعايا دعاء
نور : عملت إيه دعاء جرالها حاجه
أدهم : محصلش حاجه تعالي دلوقتي
نور : محصلش حاجه انتم في المستشفى ليه
أدهم : ملمستهاش يا نور مقدرتش وهي كمان
مستحملتش اللي حصل او اللي كان ممكن يحصل وقعت من طولها وجبتها
هنا خلاص
أغلق أدهم الهاتف في غضب وأمسك بيد دعاء مرة أخرى وظل يقبلها
وكأنه يود أن يسرق معها بعض اللحظات الأخيرة

ظل معها وبدأت بالفعل تفيق من البنج كانت ما زالت تحت تأثيره تنطق
بكلمات غير مفهومة كانت تقول : أدهم بحبك
..... مش ممكن مستحيل بحبك
لم يصدق نفسه أمسك بيدها الصغيرة ليقبلها وعندها دخلت نور

نظرت له في دهشة وغضب في أن واحد إقتربت منه وقالت له في صيغة الأمر : سيبها
ترك أدهم يد دعاء بهدوء ووقف قائلاً : عارف إن عمرك ما حتصدي ولا حتفهمي بس انا بحبها
هم ادهم بالخروج أمسكت نور بذراعه وقالت : رايح فين ببساطه كده
أدهم : ملمستهاش ماكنش ينفع وعلى فكرة هي رفضت حبي
علشانك
لاحظت نور البكاء في عين أدهم دموع لم ترها من قبل ونظرات لم تعدها
في عينيه ولكنها لم تستطيع أن تتعاطف معه
ألقي أدهم نظرة أخيرة على حبيبته قبل أن يخرج نظرة ربما تكون الأخيرة
أما نور فظلت بجانب صديقتها منتظرة أن تفيق .

الفصل الرابع والثلاثون

في الغرفة الهادئة كانت نور تجلس بجانب دعاء تمسك بيديها منتظرة أن تستعيد وعيها تحاول التفكير في كل ما حدث أجرت مكالمة بسيطة لمنزل دعاء وإخترت قصة لطمأنة والدتها فأخبرتها أن دعاء زل قدمها ووقعت من على الدرج في منزلها ولم تشأ أن تخبرها في حينها حتى لا تقلق
كانت دعاء بدأت تستعيد وعيها لكن لم تكن تقوى على الكلام فقط تسمع ما حولها أول شيء سمعته كلمات نور كانت نور تحدث نفسها : سامحيني يا دعاء انا السبب ما هو انا كده واضح ان مجرد ظهوري في حياة الناس بيلخبطها
ياااااااااااااه طول عمرك بتسمعي اشتكي وأحكي كله أنا أنا أنا وأتاريكي شايله هم كبير هم كان ممكن يضيعك في الآخر لولا ربنا ستر .
سمعت دعاء صوت بكاء نور وشعرت بدموعها على يديها التي كانت تمسكها نور بقوة أخيراً فتحت دعاء عيناها نظرت لصديقتها بإبتسامه تبعثها دموع رقيقة
نور : دعاء حمد الله عالسلامه
دعاء : نور إيه الي حصل جيتي إمتي

- نور : مش مهم المهم إني هنا وأدهم قالي محصلش حاجه
دعاء : أدهم
- نور : هو اللي جابك على المستشفى وممشيش الا لما أنا جيت
دعاء باكية : نورإوعي تزعلي مني
نور : أنا اللي أزعل !!!!!!!!!!!!!!! ده أنا الجاني
دعاء : إنتي ذنبك إيه
- نور : ذنبي أن عمري ما سمعتك ده حتى اللي شجعتك تشتغلي
معاه من غير ما قصد قربتم من النار وفاكرها مش حتحرقك
بس انا والله ماكنتش اعرف انه بيحبك ماكنتش مشغوله غير
بنور بس
- دعاء : انتي مالكيش ذنب انا المذنبه كان لازم ارفض الشغل
لمجرد الشك بإهتمامه
- نور : وترفضي حبه بس علشاني عموما الكلام ده مش وقته
بس انا حقولك حاجه واحده
دعاء : إيه
- نور : متغلطيش غلطي متجاوزيش واحد علشان تهربي من حب
واحد تاني متصورة أنك بتتقذي نفسك او غيرك لكن صدقيني ده
أسوء حاجه ممكن تعملها
- دعاء: تفكري
- نور : أدهم بيحبك أنا واثقة من ده لأن أدهم اللي شفته
النهارده غير أدهم اللي عرفته طول عمري بس ماتتسر عيش لا في الهروب
من حبه ولا في القرب منه أسوء حاجه في الدنيا القرارات
المتسرعه
- دعاء : نور أنا
- قاطعتها نور : طنط وعمو على وصول انا قاتلهم انك وقعتي وانتي عندي
في البيت وانا اللي جبتك المستشفى رأيي متحكيش حاجه يعني
علشان لو حصلت معجزة وإتجوزتوا لازم ميصرفوش مش حيفهموا
اه صحيح قبل ما امشي احنا إطلقنا امبارح أخيراً
- دعاء: رايحة فين
- نور : مش عارفه بس محتاجه محتاجه أكون لوحدي
..... سلام يا دودو .

هل كان الإبتعاد عن عمر قراراً صحيحاً هل إستسلمت
 سريعاً لجبروت الأب وضغوطات أدهم هل هو الخوف
 هل باعت عمر من أجل وهم إسمه الخوف الضعف
 مثلما فعلت دعاء وإبتعدت عن أدهم خوفاً على مشاعرها
 وهرباً من هذا الحب المحاط بالصعوبات فتلقي بنفسها داخل زيجة خاطئة
 تُظهر الندم عليها بعد سنوات ماذا حدث وماذا يحدث لقد ساهمت
 بضعفها وخوفها في جرح من أحبت وما زالت تحب ظناً منها انها تنقذه
 وأصبح والدها شخص أسوء جبل من القوة والجبروت وكأنها
 تكافئه على ما فعله بعمر بطبق ذهبي تجلس هي فوقه لتتم صفقة الزواج
 والمال والسلطة والقوة شعرت أن حقائقها تنقلب وثوابتها
 تتحرك وكأنها كانت مبصرة بدون رؤية والآن فقط عاد إليها بصرها

رن هاتفها لتجد رقم ظهر ظهر وكأنه نجمتها وسط الظلاممنة
 نظرت نور للهاتف مطولاً في حيرة بين الإجابة والرفضقررت
 تجيب أخيراً

نور : ألو

قالت منة في نفسها : ياااااااااااااااا أخيراً تليفونك رن ورديتي بس أقولك إيه

أبدأ كلامي معاكي إزاي يا نور

منة : إيوه يا نور أنا منة

نور : إزيك يا منة

منة : صوتك زعلانللدرجة دي زعلانه مني

نور : لا إنتي مالكيش علاقه بالموضوعوبعدين مين اللي يزعل

من الثاني

منة : لأ صوتك مش عاجبنيإنتيإيه صوت العربيات ده

نور : في الشارع

منة : دلوقتي !!!! نور حصل إيه

نور : حصل حاجات كتير ومن زمانحاسه ان مخي مش قادر

يستوعبها

منة : طيب بصي قولي انتي فين وانا حخلي هشام يجي ياخذك بالعربية

نور : لا لا مفيش داعي

منة : لازم تيجي عنديشكلك عندك مشكلة ومش حتروحي البيت

يلا

نور : تصدقي انتي فعلا اتصلتي في الوقت الصحانا معايا عربيتي
متتعبهوش
منة : مستنياكي

وصلت نور لمنزل منة ووجدت منة صديقتها في حالة يرثى لها
.....إحتضنتها بشده وهي تقولانا آسفهبجد آسفه
نور : بتعتذري عن ايه يا منة
منة : عن تسرعيوتهوريبلومك قبل ما اسمع منك مش
دي الصداقة يا نور
لاحظت منة بكاء نور من الدموع المحتبسه في عينيها
منة : نور إنتي بتعيطي
نور : لا لا مفيش حاجه
منة : لا يا نور في حاجهممكن تحكي ليخرجي اللي جواكي
يا نورحترتاعيهو مش الصحاب بيحكوا لبعض على
كل حاجه
نور : صح الصحاب لازم يحكوا لبعض على كل حاجه مهما حصل مش
لازم يخبواحككيك محتاجه أسمع رأيك بجدحككيك

وهكذا قصت نور على منة كل ما حدث منذ البداية حكيت لها عن عمر
وأدهم ودعاء البداية والنهاية
منة : ياااااااااااااااا انتي بتحكي فيلممش ممكن
نور : اه بس مش فيلمحقيقة انا عشتها سنين
منة : وتفتكري إن دي النهاية
نور : مش حتفرقبس لازم أبعدعن البيت
.....بابي وماميحتى دعاءحاسة إنني محتاجه
اختفيمش أوقات بتحسي كده إنك محتاجه تختفيتبعدي
عن ظل الضغط والفكر واللوم والنصيحة
منة : والحبوب المهدئة دي بتساعد يا نورتفتكري قدرتي تنسي
نور : أكثر حاجه كان نفسي أنساها في حياتي عمرجالي وقت
حسيت إنني لو نسيته كل حاجه حتتحل حتى حاقدرا أعيش مع أدهم
منة : بس مانسيتيش
نور : لأ ذكرى اللي حصل كل ما كنت باطردها من عقلي كانت ترجع تاني
تظهر أقوى وأعنف عند أي موقف صغير يفكرني بيها

منة : حاسنك سؤال ملوش لازمه

نور : إيه

منة : كان شكله عامل إزاي عمر كان شكله إيه

إبتسمت نور في مرارة وقالت : سؤالك مش ملوش لازمه ولا حاجة بس

تعرفي ان ملامحه تاهت في عقلي انا سألت الدكتور قتلته كان

نفسي أنسى موقف بس بانسى مجرد ملامحروحه معايا ولامحه

بنتوه

منة : دكتوردكتور ايه

نور : دكتور نفسيكنت رحت ليه كام مرة وانا في امريكا ومعاها

بدأت رحلة المهدئات ومضادات الإكتئاب

منة : وقالك إيه

نور : قالي ان من جوايا عقلي الباطن عايز ينسى ورافض ينسى وعلشان

كده نسياني ظاهري مجرد شكل بس تعرفي عينيه عمري ما نسيتهما

.....زكنت دايماً بشوفها قداميأسترجع نظاراته ليا في عقلي

زي ما أكون خايفة أنساهاوبكده أفقد أحلى جزء في حكايتنا

منة : ياهياه يا نور

نور : أنا ايه اللي خلاني أفكربقلب المواجه على نفسي وأنا مش

ناقصه

منة : إنتي محتاجه تفصلي

نور : أفصل !!!!!!!!!!!!!!!

منة : تفصلي عن كل حاجة حواليكى تبعدني عن الوش ده مش انتي عايزة

تختفي أنا حخليكى تختفي

نور : يا سلام

منة : يوضع سره في أضعف خلقه ههههههههه بصي أنا حديكي مفتاح

شفتنا في إسكندريةروحي قضي كام يومإبعدي

.....أقعدني قدام البحربس إوعي ترمي نفسك

نور : تعرفي فكرةانا محتاجه محدش يعرف مكاني محتاجه اكون

مع نفسي فعلاً

منة : خلاص نامي دلوقتي والصبح تسافري

نور : محتاجه أروح الفيلا اجيب هدومي وحاجتي

منة : بكرة هاتي حاجتك وسافري بعدها مينفعش تمشي دلوقتي

نور : ياه يا منة مش عارفه من غيرك كنت عملت إيه

منة : هو مش الصحاب لبعض برده

نور : صح وفي أصعب الاوقات

وهكذا شعرت منة أنها ستستطيع أن تسعد صديقتها بخطة بسيطة وضعتها في عقلها وبدأت التنفيذ

وهكذا في الصباح إتجهت نور للفيلاجمعت القليل من الملابس وتركت سيارتها وقررت أن تسافر بالقطار فلم تشأ أن يعرف والدها مكانها كانت تشعر أنها تريد الإختلاء بنفسها والبعد عن أي ضغوطات لم تكن تعلم وهي تستقل التاكسي ان هناك سيارة تتبعها وأن تلك العيون الزرقاء التي طالما رسمت صورتها في خيالها تنظر نحوهاترصدهاتتبعها

الفصل الخامس والثلاثون

فوجئ هشام بما أخبرته به منة تنهد بعدها ثم قال : ياااااااااااااه البنت طلعت مظلومة بجدشفتي مش قلتك أنا ليا نظرتي اللي ما بتخيبش أبداً

منة : خلاص يا سيدي عرفنا

هشام : وهي فين دلوقتي

منة : منا ما كملتش هي لما قالتلي نفسها تكون لوحدها فترة إديتها مفتاح شقتنا في إسكندريةعلشان تقعد هناك كام يوم بعيد عن المشاكل

خصوصاً من باباها

هشام : ياه

منة : الباقي عليك بقه

هشام : مش فاهم

منة : ايه يا هشام ماهي واضحة انت كلم عمر وقولوا اي حجه وخلينا

نروح إسكندرية وتبقى مفاجئةويتلاقوا قدام البحر

.....ويتلم الشامي على المغربيقالت منة جملتها الأخيرة

وهي تتنهدإندهش هشام وقال لها : ايه يا ست المسهوكة إنتي

بحر ايه ويتلاقوا ايهماينفعش

منة : هو ايه اللي مينفعش

هشام : اللي بتقوليهمع نور وعمر مينفعش

منة : ليه

هشام : فيها مجازفة يا منةإفرضي عمر مارضيش يسمعها ولا هي مارضيتش تتكلمالموضوع حيتعقد أكثر منة : طيب ايه الحل

هشام : لازم عمر يعرف الحكاية مني ومنك لإننا مالناش مصلحة نكذب وهي مالهاش مصلحة تكذب علينا

منة : يا خسارةمقابلة البحر كانت حتبقى رومانسية قوي

هشام : هو أنا علشان قلتلك بحبك قدام البحر يبقى كل الناس حتعيش حبها قدام البحر ولا علشان البحر بيصالحنا على بعض حيصالح كل الناس

منة : ياريت إنت عارف أنا بحب البحر قد ايه

هشام : وهو كمان بيحبك وبيموت فيكي

منة : خلاص بقه يا هشام

هشام : بصي يا حبيبي ممكن أحققك أمنية البحر لأن شكلك نفسك تروحي إسكندرية

منة : إزاي

هشام : أرتب بس الكلام في دماغى وأقابل عمر وأفهمه على كل حاجه وساعتها نساfer كلنا لنور

منة : بجد يا هشام ياريت حتكون مفاجئة حلوة قوي لنور والدنيا تضحكها بقه

هشام : فعلاً خلاص إتفقنا حاكم عمر

وصلت نور إلى محطة القطار ووجدت ان امام موعد القطار حوالي ساعتين قررت ان تتجه لأحد المطاعم القريبة لتناول وجبة ساخنه جلست بهدوء داخل أحد المطاعم مُنتظرة موعد القطار كان الجو غائماً على الرغم من أنها ما زالت الثالثة ظهراً إلا أن الشمس إختفت تقريباً ومن ينظر نحو السماء لا يرى سوى إقتراب هطول الامطار أو ظهور القمر

تركت الجريدة وهمت لتأخذ رشفة من طبق الحساء الساخن أمامها وعندها أحست بنظرات تُصوب نحوها بدون إنقطاعكان شاباً يبدو في العقد الثالث من العمر ويبدو عليه من مظهره أنه يعمل في وظيفة مر موقه

حبيبتي

آخر كلمات وصلتها منه
إنه عمر عمر تذكرت الكلمات أبيات
الشعر التي أرسلها لها مع دعاء الوعد والوعيد خافت ليس
منه بل عليه خافت أن يلوثة الإنتقام وددت أنها لو
إستطاعت الهروب ولكنها كانت سعيدة فهاهي تشعر به جانبها
عمر نظرة عيناه التي طالما إختزلتها في ذاكرتها
كذكرى جميلة خوفاً من الضياع هاهي تعود حتى لو لم تكن نظرة حب
يكفيها أنها رأت تلك العينان مرة أخرى

أما هو فكانت أفكاره تصرخ بداخله
لقد مرت سبع سنوات بل أكثر بل أقل إنها لا تتذكر بل شاء القدر أنها لم
تتذكر وجهه هل شعرت بالغباء كيف نسيت كيف حدث هذا كيف
تنسى من أحبها بهذا القدر حتى إن لم تبادلها هذا الشعور كان
يحدث نفسه
كيف نسيت ما سببته له كيف كيف ؟؟؟!!!!

نور أيضاً عانت في تلك اللحظات من صراع الأفكار

يا ترى ماذا يظن بي الآن هل يصدق انني نسيت كما
صدق أنني لم أحبه بل بعث حبه في سوق المال

هربت الأسئلة من عقلها لتحل محلها إجابة واحده فقط الجلال دائماً ما
ينسى الضحية ولكن الضحية تتذكره إلى الأبد نعم هذا هو ظنه
بي الآن يراني كالجلاد تسقط الضحايا من حوله وبكل بساطة ينسى وجهها

كل تلك الأفكار دارت في عقلها وهو يرمقها بنظرة بارده تلك النظرة التي
رأتها في عينيه آخر مرة شاهدهته فيها بعد ما حدث حدث منذ سبع
سنوات

شعرت نور أن تلك اللحظات بينهما تبدو كساعات طويلة.....نظري
لها ملياً ثم أشاح بنظره عنها وقال : إزيك يا دكتورة نور
كان يتحدث بنبرة ساخره وكان ليس شكله فقط الذي إختلف بل صوته أيضاً
أصبح أكثر مرارةيبدو أن ما تراه الآن خطأ آخر من أخطائها ظنت
أنها دفعت ثمنه ولكنها كانت مخطئة فالثمن يبدو أنهم سيدفعوه سوياً ولكن
أي خطأخطأ حبها له أم خطأ تركها إياه شعرت أنها في دوامة
كلما خرجت منها سحبتها للداخل مرة أخرىتمنت لو أنها فقط
تستطيع إنقاذ عمر

نظر عمر لها مرة أخرى وتابع : إيه يا دكتورة لا فإكراني ولا سامعاني
أشاحت وجهها للنافذة ربما لتمنعه من رؤية دموعها وقالت : إزيك يا عمر
فات زمن

عمر : فعلاًبس إنتي ماتغيرتيش زي مانتي

نور : بس إنت إتغيرت

عمر : الفضل يرجعك

نور : لو سمحت ملوش لازمه الكلام في الموضوع ده

عمر : يااااااااااااااااااااا للدرجة دي اللي حصل كان سهل وبسيط بالنسبة ليكي

.....إنسان يتعامل زي حشرة ويترمي في السجن بدون ذنب ضرب و

إهانته وفي الآخر جيتي تقولي سوريإنسان إداكي كل اللي

يملكه حبه وفي الآخرمعلش مرينا بتجربه ومالناش نصيب نكمل

فكرة كلامك ولا نسيتيه هو كمان

نور : عمر أرجوك

عمر : خلاصأنا مش جاي أتكلمأنا جاي أوفي بو عدي يا

نور

نور : وعدوعد إيه

عمر : وعدتك إني حارجلك وحاخد حقي منكوأديني رجعتك .

نظرت له في صمت إنكمشت في مقعدها دون حراك تابع في إصرار

عمر : أنصحك متعمليش بطله وتحاولي تصرخي أو تستتجدي بحد

.....لإن محدش حيقدر ينقذك مني

لم يكن يعلم عمر أن آخر ما قد تفعله نور هو الإستجداد بأحد منه

منه هو

بعد ذلك ساد وقت طويل من الصمت كانت نور تفكر فيما ينوي
..... أما هو فكان يقول لنفسه : ساكته بكل بساطة ايه
ماقومتيش ليه يا نور كنت فاكرك حتتعبيني عن كده

لاحظ عمر أن هشام ربما إتصل به أكثر من ٧ مرات أغلق هاتفه ثم توجه
لنور بالحديث وقال : هاتي موبايلك
أعطته له بدون أن تتحدث أخذ عمر الموبايل أغلقه وإحتفظ به ثم قال :
خلاص قربنا نوصل معلش حاتعبك شوية لإننا حنرجع على مصر
تاني

وهكذا عادوا للقاهرة بقطار آخر أمسك بيدها بعنف ربما خوفاً من هروبها
وكأنه أخيراً وجد ضالته وخاف أن يفقدها اجلسها في سيارته
بعنف وإنطلق بالسيارة مسرعاً غاضباً من حالة الصمت والهدوء التي
سيطرت عليها وكان أول لذة في إنتقامه لذة خوفها لم تتحقق .

الفصل السادس والثلاثون

إنطلقت السيارة وبعد وقت وجدت نفسها في مكان هادئ بأحد أطراف حي
٦ أكتوبر كانت عمارة جديدة ولكنها ليست بفخمة يبدو أم مالكة لا
يهتم كثيراً بالشكل الجمالي أكثر ما يهيمه سرعة إنجاز المبنى

خرج عمر من السيارة نظر نحوها ثم قال : إتفضلي
خرجت نور وتبعته في هدوء ليدخل إلى شقه صغيرة فتح الباب وبدأ في
إضاءة الأنوار للتغلب على ظلمة الشقه بعد أن هاجمها الليل نظر نحوها
وهي لا تزال تقف عند الباب ثم قال : إيه ماتدخلي ولا خايفه
نور : لأ مش خايفة قالتها وهي تخطو أولى خطواتها داخل المكان
نظر لها ثم نظر للشقه وقال : معلش المكان مش قد المقام يعني لا زي قصر
بابي ولا الفيلا الشيك بتاعة جوز سيادتك بس صدقيني أحسن
مليون مرة من التخشبية اللي قضيت فيها أسوء أيام حياتي
نظرت له وقالت لنفسها : ياااااااااااااه يا عمر هو ده إنتقامك عايز
تدوقني من اللي إنت دوقته يا ترى بتفكر في إيه تاني

قطع أفكارها صوته وهو يفتح غرفة تتكون من أثاث بسيط مجرد فراش وطاولة جانبية
عمر : إتفضلي اوضتك عايزة تعتبريها أوضة براحتك بس
أنا بشوفها ززانة بس مودرن شوية على الأقل عندك حمام

دخلت نور للغرفة نظرت نحوه وقالت : طيب ممكن تقفل باب الززانة محتاجه انام بعد إذنك
نظر لها في غضب ثم قال في سخرية : طبعاً حضرتك إحنا خدمتنا ه
نجوم كمان حانزل أجيبلك العشا

أغلق عمر الباب بالمفتاح وخرج أما نور فأرتمت على الفراش أغمضت عينيها وإستسلمت لنوم سريع ربما لأول مرة بدون مهدئات

كان هشام يشعر بالقلق الشديد فلقد إتصل بعمر مراراً وتكراراً دون رد جاءته مكالمة متأخره من منة ربما لتكتمل بها حالة القلق لديه
منة : هشام إالحقني
هشام : في إيه
منة : باكلم نور موبايلها مقفول كلمت البواب قالي محدش جه الشقه
هشام : طيب ما جايز ما سافرتش
منة : لأ سافرت أنا كلمتها كانت ركبت القطر وكانت قاعده مستنياه يتحرك
هشام : كانت الساعة كام
منة : كانت الساعة ٣ الظهر
هشام : هو إيه القلق ده بقه وكمان عمر مش بيرد ودلوقتي قفل موبايله
..... إستني انا كده قلقت حاكلم واحد صاحبه من الشركة وارجع أكلمك
تاني
منة : طيب مستنياك

إتصل هشام فوراً بأحد أصدقاء عمر في العمل
هشام : محمد إزيك
محمد : أهلا إزيك يا هشام فينك

هشام : موجود يا حبيبي بقولك عمر فين
محمد : ماجاش النهارده ودلوقتي قفل موبايله انا قلقان عليه يا
هشام مش عاجبني بقاله كام يوم حتى ماكنش بيحي الشغل
هشام : كلمته النهارده ولا حاجه
محمد : اه
هشام : بجد إمتى
محمد : الظهر لا كانت الساعة ٣ إفتكرت بس شكله كان في المحطة صح
لإن كان في دوشة وصوت قطر رد عليا بسرعه وقفل معايا وبعدها موبايله
بقى مقفول
هشام : المحطة !!!!!!!!!!!!!!! متعرفش كان مسافر ولا بيعمل ايه
محمد : بيتهياي كان مسافر لأنه كان ببسأل واحد وهو معايا عالخط عن
قطر وقاله قطر إسكندرية
هشام : إسكندرية مش ممكن
محمد : هشام في حاجه قلقتني
هشام : مش عارف حاكلمك تاني

أغلق هشام الهاتف بعد أن إمتلكه القلق على صديقه ومن صديقه وقال لنفسه
: شكك عملتها يا عمر وبدات إنتقامك يا ترى ناوي على إيه

عاد عمر للمنزل ليجدها مستغرقة في النوم نظر نحوها حائراً : كيف لها
أن تنام بهذا العمق بهذا الإطمئنان أين خوفها لماذا
لا تخافه ترك بجانبها طبق العشاء وبعض العصير وجذب غطاء
الفراش ليغطيها شعر بالغضب من نفسه من هذا
الحنان نحوها من هذا الحب ترك الغرفة مسرعاً وذهب
لغرفته

إستيقظت نور في الصباح لتجد بجانبها طبق الطعام كانت تشعر
بالجوع إلتهمت الطعام وإتجهت لباب الغرفة بطريقة تلقائية لتفتحه
ولكنها وجدته مغلق كان عمر يجلس في الصالة شعر بمحاولتها
فتح الباب إتجه للغرفة وفتح الباب ونظر نحوها بصرامة شديدة وقال :

.....حخليه يشوف الموضوع ده وإنتي كلمي أدهم شوفي لو معاه نمره
حد من صاحباتها
لبنى : فعلاً ممكن ألاقي معاه نمره دعاء

كان أدهم قد واظب على الذهاب للمستشفى كل مساء للإطمئنان على دعاء
ولكن دون أن تشعر بهإختار إحدى الممرضات التي لمعت
عينها من البقشيش الثمين وكانت هي من تطمئنه عليها وعلى حالتها يومياً

- يا ترى ممكن تسامحينيهكذا حدث نفسه وهو يتمنى أن
تسامحه دعاء على كل أخطاء الماضيخاصةً على هذا
الخطأ الأخير الذي كاد أن يخرجها من حياته وإلى الأبد
.....أبتسم بسخرية ومرارة في نفس الوقتفأقصى
أمانيه بل أمنيته الوحيدة أن تصبح زوجتهويجدها أمنية
صعبة المنال على الرغم من حبه الشديد لها وحبها له

إتصلت لبنى بأدهمخرج من خياله الذي ربما لم يعد يمتلك غيره
فبه فقط يستطيع أن يقترب من دعاءرد على هاتف لبنى
سريعاً فقد علم منها من قبل عن إختفاء نور

أدهم : ألو
لبنى : أيوه يا ادهم معاك نمره دعاء
أدهم : أيوه معايا
لبنى : طيب إديهالي جايز تكون تعرف حاجه عن نور
أدهم : أنا معرفش إنها مش معاكيحتى كنت فاكرك كلمتيها
.....ثواني

أعطي أدهم لبنى الرقم أغلق معها وقلقه زائد يتسائل عن مكان نور
.....

في المستشفى كانت دعاء بدأت تتماثل للشفاء ولكن أصر الطبيب على
المكوث لعدة أيام حتى يطمئن عليها ويقوم بعمل أشعه أخرى للتأكد من

- دعاء : ماما انا في موضوع عايزة افاتحك فيه بقه
فايزة : موضوع ايه
دعاء : ماما انا حافسخ الخطوبه
فايزة : ايه !!!!!!!!!!!!!!!
دعاء : معلش يا ماما انا اتسرعت فيها وبجد مش مرتاحه خالص
ومش عايزة ادخل الجوازة وانا باضغط على نفسي حاضلم نفسي واطلمه
معايا
فايزة : هو لعب عيال يا دعاء
دعاء : أنا أسفه بس ده قراري ومعتقدش إني خارج فيه وبعدين هو انتي
عايزة تخلصي مني وأسافر وأبعد عنك
فايزة : دعاء متغيريش الموضوع قبلتيه ليه وانتي مش مقتنعه بيه
دعاء : دي غلطتي
فايزة : في واحد تاني
دعاء : ايه يا ماما اللي بتقوليه ده
فايزة : ريحيني يا بنتي حالك مقلوب من فتره وانا قلبي حاسس
..... في حد في حياتك
دعاء : مش وقته يا ماما مش وقته الكلام ده دلوقتي ايه ده موبايلي
بيرن
فايزة : إستني حبيب هولك
دعاء : دي نمره بيت نور ألو
لبنى : دعاء نور عندك
دعاء : ايه !!!!!!!!!!!!!!! لا يا طنط هي مش في البيت
لبنى : من الليلة المشؤمة دي بتاعة الطلاق وشناقتها مع أبوها مشفتهاش
وموبايلها مقفول
دعاء : يا خبر إزاي
لبنى : زي ما بقولك حتى ادهم ميعرفش عنها حاجه متعرفيش
حاجه عنها يا بنتي او نمره حد من صاحبها غيرك أكلمه
دعاء : معرفش حاجه انا حتجنن تكون شناقتها مع عمو ضايقتها
وحبت تبعد عن الضغط شوية
لبنى : يا رب يكون كده انا حاموت من القلق عليها
..... أرجوكي يا دعاء لو كلمتك طمنيني
دعاء : حاضر يا طنط أكيد
فايزة : في ايه

دعاء : نور مختفية من ساعة ما كانت معايا في المستشفى
ومشيت واضح انها ماروحتشيا ترى إنتي فين يا نور .

الفصل السابع والثلاثون

حاول عمر أن يتجنب الإحتكاك بنور كان يفتح الباب فقط من أجل أن يدخل
لها الطعام تجنب حتى النظر لعيناها إنه الخوف
الخوف من الضعف أمامها كان يتصور أن إنتقامه سيكون سهلاً ستذوق
مرارة الظلم وسيدفع أبيها ثمن ما فعله ولكنه كان يتعذب كلما
رأها حبيسه حبيسة الغرفة وهو السجنان

كعادته كان لا يستطيع النوم ينظر لغرفتها بين حين وآخر
متسائلاً ماذا أفعل كيف أفكر هل سأحتجزها هنا للأبد
..... هل أشعر بالسعادة لعذابها تساؤلات دون إجابة تدور
بعقله لم يكن بعقله سوى إجابة واحده إن معشوقته الوحيدة بداخل
تلك الغرفة ولكنه لا يستطيع الإقتراب منها فهي كالفاكهة المحرمة
..... هي ملك لآخر كان يستشيط غضباً كلما تذكر ذلك
..... غضب بيرر لها إحتاجزها وكأنه يريد أن تعيش كل ما مر
به من ألم من أجلها وفي النهاية لم تقدر ذلك لتتركه إلى أحضان غيره

سمع صوتاً غريباً من الغرفه يبدو كالمهممه بكلمات غير مفهومه
..... لا بل صوت ألم لم يشعر بنفسه فتح باب الغرفة مسرعاً
ليجدها منكمشه في الفراش تهلوس بكلمات ليس لها معني إقتراب منها
ووضع يده على وجهها فوجدها في حمى شديدة إنها تخطرف
..... نزل كالمجنون لإحضار الطبيب وعقله يكاد ينفجر من القلق عليها .

انهى الطبيب الكشف ثم نظر نحوه وقال : نزله معوية حاده أنا إديتها حقنه
حتنزلها الحرارة وتجيب المحاليل دي تركبها ليها وتديها العلاج ده في
مواعيده

عمر : نزلة معوية

الدكتور : اه ممكن تكون أكلت حاجه ملوثه ولا حاجه بص هي مش حتقدر
تاكل يوم كده حنمشي عالمحاليل لغاية لما تستقر وبعدين تبدأ تدي
أكل تعرف حد يركبك المحلول

عمر : أنا باعرف
الدكتور : خلاص تمام الحرارة لو زادت ممكن تعملها كمادات مع
العلاج

عمر : أكيد متشكر يا دكتور
الدكتور : العفو ومتقلقش قوي كده بكرة المدام حتقوم وتبقى زي الفل

خرج الطبيب ومكث عمر بجانب فراشها طوال الليل لم يفكر
بشيء سوى صحتها عودتها مرة أخرى نسي كل شيء وغاب
الغضب ولم يبقى سوى الحب

كان ينظر نحوها نادماً فقد جلبها لهذا المكان بغرض الإنتقام
..... أرادها أن تكون تعيسه فأصبح هو التعيس عندما رآها على هذا
الحال إقترب منها كان يود أن يطبع قبلة صغيرة على وجنتيها
..... ولكنه تراجع فهي ليست ملكه بل ملك لآخر شعر بالحزن
ولكنه لم يغادر الغرفة ظل بجانبها

هي كانت تشعر بقربه منها يداه التي تتحسس جبهتها من أن لآخر
للإطمئنان عليها سهره بجانبها وهو يقوم بعمل الكمادات الباردة
وإعطاءها الحقن من أجل الشفاء حتى نومه جالساً بجانب
فراشها حتى لا يتركها لحظة واحده مع المرض شعرت أن عمر
قد عاد نعم هذا هو عمر الذي عهدته لم يتغير
..... لم يتغير إنها مجرد زوبعة زوبعة غضب وستمر
..... هل حقاً ستمر ؟؟؟؟

بدأ العلاج يأخذ مفعوله وشعرت بنشاط جزئي في جسدها إستيقظت ولم
تجده بجانبها كان باب الغرفة مفتوحاً على مصراعيه قامت تبحث عنه
مسرعه خوفاً من أن يكون رحل بعد أن إطمئن عليها ولكنه وجدته في
المطبخ

كان عمر يقف بهمه ويبدو أنه يعد الحساء الساخن مع الدجاج نظرت
حولها وإبتسمت وهي تنظر له وقالت : صباح الخير
إستدار عمر فجأة بعد أن سمع صوتها : صباح النور إيه اللي قومك من
السريير

نور : صحيت من النوم مالتكش ولقيت باب الأوضه مفتوح خفت تكون مشيت بعد ما خفيت

إبتسم عمر وقال : مش حاسيبك عيانه مينفعش
 لاحظ عمر إتكاء نور على أحد المقاعد فعلم أنها ما زالت مريضة ولا تقوى
 على الوقوف نظر لها في لوم وقال : طيب يلا عالسرير انتي لسه تعبانه
 نور : حاضر تحركت نور ببطء وهي تستند للحائط شعر
 عمر بالذنب وإقترب منها وناولها ذراعه وقال : ممكن تسندي عليا
 وهكذا إتكنت نور على ذراع عمر حتى تستطيع المشى وعلى الرغم من
 الالام التي تشعر بها في جسدها الا انها كانت تشعر بسعادة غامرة فقط
 لقربها منه وددت لو أنه كان زوجها في تلك اللحظة ربما إستطاعت أن تسند
 رأسها على كتفه او ربما حملها بحنان ووضعها مثل الطفلة في الفراش
 وكانت مشاعر عمر لا تختلف كثيراً عن مشاعر ها لكن كانت سعادته
 سعادة منقوصة ينقصها ما حدث في الماضي تضع منه كلما تذكر
 أنها زوجة ولكن ليست زوجته

أوصلها لغرفتها قال لها بعد أن إستقرت في الفراش
 عمر : أنا حاجيب ليكي دلوقتي الأكل ولازم يتاكل انا مش حاقد أطبخ
 وأتعب نفسي وفي الآخر الأكل يقعد في أرابيزي
 إبتسمت نور وقالت : يا خبر يعني إنت تقف وتعمل الشوربة بنفسك وأنا
 ماكلهاش
 عمر : وفراخ كمان بس مسلوقة اكل عيانين يعني

كان إهتمام عمر بنور في مرضها ليس إهتماماً فقط من أجل الحب بل لأن
 عمر شعر بالحرمان كثيراً وكم مضى الليالي مريضاً يتمنى سهر أحدهم
 بجانبه في قلق ولكن كان وحيداً ربما لا يتذكر أحد معاد دوائه سواء ولم
 يرغب أن يمر أي شخص بما مر به وتلك هي نور حبيبة القلب

إبتسم بسخرية وهو يحضر الطعام كان يقول لنفسه : إيه التناقض ده يا عمر
 صعبانه عليك علشان عيانه ومش عايزها تبقى وحيدة في مرضها زي ماننا
 جربت زمان طيب مننا جبتها هنا وحبستها برده علشان تمر باللي إنت
 مريت بيه ولا دي تفرق عن دي خلاص انا تعبت هي بس تخف
 وحذليها تمشي انا كانت حياتي متلخبطة ودلوقتي إتلخبطت أكثر لا قادر
 تكرها ولا عارف تحبها ملعون إنت يا عمر

وهكذا عاد عمر للغرفة مرة أخرى ومعه الطعام ولكن بوجه متغير وكأنه تذكر ما أغضبه مرة أخرى

عمر : إتفضلي

نور : ميرسي

عمر : يلا كلي متبصيش للأكل أنا كمان حطيتك لمون على الشوربة
علشان يطهر معدتك

بدأت نور في تناول طعامها وعندها هم لمغادرة الغرفة وبدون أن تشعر
وجدت نفسها تمسك بيديه متسائلة : إنت رايح فين

سحب عمر يديه من يديها بعنف اشاح ببصره عنها ثم قال : لما
تخلصي أكل لو تقدري حاروحك خلاص وجودك هنا ما عدش ليه
لزوم

نور : خلاص زهئت مني

عمر : أنا ماكنتش جايبك هنا علشان أتسلى يا نور بس انا كنت غلط
الإنتقام ما ريحنيش ويا ريتنى حتى قدرت أنتقم

نور وقد دمعت عيناها : عمر إنت أكبر من إنك تنتقم
..... لأنك أفضل مليون مرة من كده وأنا عارفه

عمر : الكلام ملوش لزوم كمان زمان جوزك قلق عليكي مش باباكي بس
نور في إبتسامة ساخرة : أشك إن بابي قلق بابي بقه يقلق على

الصفات على الشغل على الفلوس دي بقت أولوياته وكمان أنا مليش
جوز انا وأدهم إتطلقنا يا عمر رمى عليا اليمين قبل نا

اشوفك بيوم واحد

نظر له عمر بدهشة ثم تابع : ياه معلش بكرة تتصالحوا

نور : عمر إنت مش فاهم انا وأدهم عمرنا ماتصلحنا إحنا من أول
يوم جواز واحنا متخاصمين لا انا كنت قابلاه ولا هو حبني ربنا يسامحه

ويكمل هدايته على خير

عمر : إنتي بتقولي إيه جايه دلوقتي تقولي الكلام ده بتقوليه علشان تريحيني
ولا تعذبيني مش ده حبيب القلب اللي سيبتيني علشانه دانتي

حتى لما شفتيني ماعرفتنيش

نور : عمر أنا إترددت كثير قبل ما أقرر أعترفلك بس خلاص مش حاقد
..... مش حاقد بعد ما لقيتك أبعد عنك تاني حاسه اني المرة دي

حموت لا حينفع معايا أدوية ولا مهدئات

عمر : إيه !!!!!!!

قامت نور من على فراشها أخرجت حقيبتها ويدها ترتعش وأفرغتها كلها
على الفراش أمسكت بأدويتها امامه

نور : شايف دول

عمر : إيه دول

نور : دي الحبوب اللي كنت باخدها علشان انساكلإني ماكنتش
قادره اعيش بس ما أقدرتش حكايتنا فضلت في عقلي وقلبي بتفكرني بأحلى
أيام عمري اللي ضاعت من أيدي بتفكرني بالإنسان الوحيد اللي حبيته في
حياتي وممكن ما أشوفوش ثاني

عمر : نور إنتي بتقولي إيه

نور : بقول إني غلطتجايزإفتكرت إني لما اسبيك
حميمك من أبوياأبويا اللي كانت جوازتي من ادهم بالنسبه ليه مش
مجرد جوازة لأ مستقبل وأبواب مقفوله حتتفتح بكلمة السر وإنت كنت
العقبه قدامهمعرفش لو كنت ركبت دماغى كان ممكن يعمل ايه

.....قطع حديثها بكاء عندما تذكرت ما حدث ثم تابعت : كان لازم أسبيك

وأخليك إنت تسييني لإني عارفك عارفه إنك كنت مستحيل تتخلى عني
فكان لازم تقننح إني إنسانه وحشة وأحلى حاجه فيك إنك بتصدقني يا عمر
صدقته حبي وصدقته كدبي

عمر : مش ممكنمستحيلغبيغبي

نور : لا يا عمر ماتقولش كده

إقترب منها عمر ووضع كفيه على وجنتيها ورأت نور دموعه كان يقول
لها : ليهليه عملتي كدهليه بعدتيني عنك ليه إستسلمتي
ليه

نور : خفت عليك كان لازم أستفرك علشان تسييني علشان كده صرحتك
بمشاعري لأدهمبس والله عمري ما قبلته ولا هو حبنى أصلاً

عمر : نورحبييتيوحشتيني وحشتيني قوي انا

مبسوط وزعلانزعلان من نفسي قويإزاي صدقتك
وقتها إزاي

نور : عمر إنت مالکش ذنبإنت الوحيد اللي فينا من غير

خطيئةإنت الضحية اللي دفع ثمن حب حقيقي

عمر : خطيئتي اللي عملته من يومين مشيت ورا غضب المجروح بعمى
سامحيني يا نور سامحيني

نور : بحبكبحبك قويزغوعى تسييني يا عمر

مهما حصل

عمر : مهما حصل عمري ما حاسيبك انا خلاص لقينك ومش حاسيبك تاني أبداً قال عمر جملته وإحتضنها بقوة

في تلك الأثناء كان هشام يشعر أنه إستنفذ قوته وعقله في البحث عن عمر ذهب إلى منزله وكل الأماكن التي يتردد عليها دون جدوي كان في سيارته يحدث نفسه ويقول : يا ترى انت يا عمر وبتعمل ايه سمع صوت الهاتف كانت المتصلة منة رد هشام سريعاً وقال هشام : ها يا منة عرفتي حاجه عرفتي توصلي ليها منة : لأ بس في حاجه حصلت كده هشام : حصل ايه منة : في ضابط جالي البيت هشام : ضابط منة : أيوه كان بيسألني عن نور هشام : مش فاهم منة : واضح انه بيسأل بطريقة ودية مش تحقيق شكل باباها وصى حد وشافوا النمر اللي كلمتها من موبايلها ومنهم نمرتي هشام : اه صح وقلتي ليه ايه منة : الحقيقة قتلته انها كلمتني فعلا بالليل وباتت عندي وكانت متضايقه وعايزة تكون لوحدها وانا عرضت عليها تقعد في شقتنا في إسكندرية والمكالمة الثانية كلمتها انا وكانت في القطر وبعدها موبايلها إتقفل وعرفت من البواب إنها ما راحتش الشقه هشام : عموما كويس انك قلتي الحقيقة بس دخول البوليس في الموضوع مش مريحني منة إستني جاتلي فكرة اخيرة منة : فكرة ايه هشام : مش حينفع دلوقتي حاكلمك بعدين

أنهى هشام المكالمه واتجه فوراً لمكتب عمر

كان أمل هشام الأخير أن يجد أي خيط بمكتب عمر يدلّه على مكانه ليس أمامه حل سوى أن يعبث بأشياءه الخاصة وصل هشام للشركه وكان

وهناك وجد محمد زميل عمر الذي حادثه قبل ذلك إتجه محمد نحوه بمجرد رؤيته إياه وقال في قلق : إيه يا هشام لقيته رد هشام بهدوء مصطنع : أيوه يا عم البيه عنده مشكلة كده مخلياه مكتئب ومختفي
محمد : يعني ينفع الكلام يقلقنا عليه ويسيب الشغل
هشام : معلش يا محمد لما تعرف حتعذره هو بس طلب مني أجييله شوية حاجات من مكتبه
محمد : المكتب قدامك أهو تحب أساعدك
هشام : لا لا مش مهم دي حاجات بسيطة ماتعطلش نفسك إنت وهكذا دخل هشام إبي المكتب على أمل أن يجد ما يوصله لمكان عمر وبعد بحث طويل غقترب من الساعة وجد ضالته عقد إيجار لأحد الشقق بحي ٦ أكتوبر اخذ العقد ووضعها في جيبه وإنطلق مسرعاً للعنوان

الفصل الثامن والثلاثون والأخير

في المستشفى كانت فائزة ترتب الحقيبة إستعداداً للمغادرة نظرت لإبنتها بعد أن إنتهت وقالت : خلاص كده خلصنا حتقدي تمشي ولا يجيبوا كرسي دعاء : لأ حتسند على مصطفى مصطفى : وأشيالك كمان يا جميل لو عايز إبتسمت دعاء لأخيها ولكنها كانت شارده قلقة على نور حاولت مراراً الإتصال بها ولكن دون جدوى

وصل الجميع للمنزل إنسحبت دعاء بهدوء من تجمع الأسرة الصغير وأرادت الإنفراد بنفسها في غرفتها نظرت فائزة لزوجها وقالت : عاجبك عمايل بنتك برده أصرت تفسخ الخطوبة وحتى مش بتتكلم زي ما تكون كاتمه حاجه في قلبها أحمد : سيبها براحتها يا فائزة خليها تاخذ وقتها بلاش ضغط فائزة : انا انا باضغط عليها أحمد : أيوه من غير ما تقصدي قلق الأم وده طبيعي بس اديها شوية مساحه كمان موضوع اختفاء نور ده ملخبط ليها دماغها فائزة : عندك حق انا نفسي قلقانه جدا على نور ربنا يرجعها بالسلامه

لم تستطع دعاء أن تنام كانت الأفكار تعبت برأسها تقلقها وتأبى أن يغمض لها جفن كانت تجلس منكمشة على فراشها تفكر : يا ترى إنتي فين يا نور دلوقتي ليه إختفتي كده لم تكن نور وحدها هي البطة الوحيدة في أفكار دعاء كان هو أيضاً هناك قابع في عقلها يظهر لها رغماً عنها ماذا تفعل كيف تتخلص من هذا الحب أم أنها لا تود التخلص منه بل تود أن تغرق في هذا البحر غير عابئة بأي شئ حتى نفسها

كان عمر يقف خارج الغرفة منتظراً نور إقترب من الباب وصاح في مرح
عمر : يلا يا نور

نور : حاضر حاضر خلاص اهو تعال

عمر : طيب مانتي ليستي زي الشاطرة لوحذك أهو انا إفتكرتك خايبه وقلت شكلي كده بعد الجواز حاضر أساعدك

نور : امممممممم ومالك بتقولها كده زي ما تكون حتعصر على نفسك لمونه عموماً ما تخافش انا بس بطيئة علشان تعبانه

عمر : بلاش النهارده يا نور نستنى لما تخفي

نور : لأ أنا محتاجه أرتاح مش حاقد أستي

عمر : خلاص يا حبيبي أنا كمان زيك بالضبط

أثناء ذلك سمعوا طرقاتاً قوياً على الباب

نور : إيه ده مين بيخبط كده

عمر : مش عارف إستني حاشوف مين

فتح عمر الباب ليجد هشام يقف أمامه فوجئ عمر عندما رأى صديقه أما

هشام فدخل فوراً ليجد نور تقف أمامه مذهوله

هشام : نور كنت متأكد إني حلاقيكي هنا إنتي كويسه

..... إنتي بخير

إبتسم عمر وإتجه لصديقه وضربه ضربه خفيفة في كتفه وهو يقول : خايف

عليها مني ولا إيه

إرتمى هشام على أقرب كرسي من شدة التعب نظر لعمر غاضباً

ثم قال : خايف عليكم إنتم الإثنين

نور : هشام !!!!!!!!!!!!!!!!!!!!! إنت تعرف عمر
عمر : دي حكاية طويله يا نور حكيها لك بعدينومتخافش ياسي
هشام انا خلاص عرفت وفهمت كل حاجه
هشام : بجد
عمر : أيوه يا سيدي إطلع إنت منها بقه
هشام : يا!!!!!!!!!!!!!!!!!!!!!!!!اه الحمد لله كنت حاموت من القلقهم
وإنزاح من على قلبي
عمر : للدرجة دي
هشام : طبعاً أنا بصراحه كنت حامل الهم بعد المشوار والجري ده أجي
احكي الحكاية الطويلة العريضة دي مفايش نَفَس
ضحكت نور بشدة على مزحة هشام أما عمر إبتسم في غيظ وقال : طب
كمل جري بقه أنا مش حاسيبك النهارده
هشام : ههههههههه خلاص يا عم فاندام إنت ها كده في خبر حلو
قريب وجواز كمان كام شهر ولا إيه
عمر : في حاجه مهمه لازم نعملها انا ونور الأول
هشام : حاجهحاجة إيه
نور : مشوارمشوار لمحمود بيه مهران

نظرت لبني لزوجها في قلق وهي تقول : إيه مفايش حاجه جديدة
كان محمود يجلس بمكتبه الفخم يتصفح الجريدة ويديه السيجار ولا تظهر
على وجهه أي تعبيرات لا تعرف هل هو قلقاً أم غاضباً أم أنه لا يبالي
.....

تحول قلق لبني لغضب شديد بعد تجاهل زوجها لها إقتربت منه وسحبت
الجريدة من يديه في عنف وتابعت
لبني : إيه بصلي رد عليابنتي فينا
محمود : إنتي إجننتيإزاي تتكلمي معايا كدهبنتك زي
ما قاتلككانت عايزة تبعد وراحت إسكندريةشكلها
قررت ماتقعدش في شقة صاحبتهشوفي الهانم فين بقه واحنا
قاعدين هنا نضرب أخماس في أسداس

لبنى : يا أخي حرام عليك مرة واحده بطل تلومها أنا
مش فاهمه إنت بتفكر إزاي مش خايف يكون البننت حصلها
حاجه ولا حد من اللي بيكرهوك وهما كثير يكون عمل فيها حاجه
..... اه يا قلبي حرام عليك عايزة بنتي
نظر محمود لزوجته بغضب وقال : ناس مين اللي بيكرهوني إنتي بتألقي
ولا عايزة تلوميني وخلص
لبنى : خلاص يا محمود وقت اللوم فات خلاص

لم تكذ لبني تنهي جملتها حتى سمعت صراخ الخادمة : ست نور
..... ست نور

هرعت لبنى وورائها محمود لتجد نور أمامها ومعها شاب يبدو عليه أنه في
العقد الثالث من عمره إحتضنت لبنى إبنتها بقوة كانت الدموع
تنهمر من عينيها وهي تقبلها وصوتها يخرج بصعوبة بالغة من البكاء..
لبنى : نور بنتي كنت خايفه ما أشوفكيش تاني
تأثرت نور ببكاء والدتها وإغرورقت عيناها بالدموع وقالت : مامي
..... والله غصب عني عمري ما أقصد أفلتك كده
محمود : يعني إيه غصب عنك قالها بنبرة قوية وكأنه يريد أن
يثبت وجوده في تلك الصورة ولكن بطريقته هو وجه نظره حادة
لعمر ثم تابع : ومين ده
امسكت نور بيد عمر في ثقة وتحدي لوالدها تقدمت بهدوء وقالت : ده عمر
..... فآكره ولا نسيته
نظر محمود نحوهما بغضب ولم يجب تابعت نور : ده الإنسان الوحيد اللي
بيخليني سعيدة وهو اللي إنت حرمتني منه علشان أعيش تعيسة وسنين
طويلة لكن لأ أنا مش حاسيب السعادة بعد ما مسكتها بإيدي تاني
..... مش حاسمحك تاخذها مني مهما عملت ومهما خططت
حافضل أقاوم وأقاوم لآخر نفس أنا حاتجوز عمر يا بابي
..... مش حضيع ساعدتي بإيدي تاني

كانت نور تقول كلماتها في غضب شديد غضب مكبوت داخلها
لسنوات عدة

نظر عمر نحوها بهدوء وهو يقول : نور إهدي

كانت لبني تقف تراقب إبنتها في دهشة وسعادة في تلك اللحظة
لم تفكر في شئ سوى سعادة إبنتها نظرت نحو زوجها في تحدي ثم إقتربت
من عمر وإحتضنته بشدة وقالت : خد بالك منها عوضها السنين
اللي فاتت يا إبنني صلح غلطتنا

كان محمود ينظر لهم وهو غير مصدق أن طفلة الصغيرة هي التي تتحدث
مرت الذكريات بسرعة امامه كشريط سينمائي اول لمسة من
يديها عندما كانت رضیعة تذكر والده الرجل الريفی البسيط وهو
يمسكها وهي تبدو كالدمية ويقرب فمه من أذنها ليقول الأذان
..... تذكر ضحكاتھا العالیة في عيد مولدها السادس عندما قام
بإحضار كعكة عيد مولدها على شكل أرنب مع مرور السنوات
..... إبتعد عنها وإبتعدت عنه إنشغل بالعمل
..... وكلما جمع المال أراد المزيد كانت البداية من أجلها
..... من أجل أفضل منزل أفضل مدرسة أفضل
مستقبل ولكن النهاية لم تكن حتماً من أجلها كانت
من أجله هو

نظر ملياً وود لو انها يحتضنها ليعوضها حنان سنوات ضائعه ولكن
كبرياءه منعه منعه حتى من الإعتراف بخطئه نظر لعمر كعدو
لدود أخذ منه طفلة فأصبحت أخرى لا يعرفها ثم أشاح بوجهه عن الجميع
وقال : إنتي حرة انا مش حاختر ليكي تاني تتحملي
مسؤولية إختيارك

إبتسمت نور ونظرت لعمر الذي بادلها نفس الإبتسامه ولكنه دفعها دفعه
خفيفة لتقرب من أبيها همس في أذنها بحنان وقال : عمرك ما حتكرهي
باباكي يا نور قربي منه مهما حصل هو ابوكي

إقتربت نور من أبيها في حذر طبعت قبلة صغيرة على خده ثم إنطلقت
مسرعه خارج القصر أما هو فقد شعر بتلك الدمعة المتحجرة
في عينيه تأبى ان تخرج

بعد ستة أشهر

نور : يا خبر

دعاء : في إيه

نور : نسيت البوكيه في اليخت بليز يا دودو روجي هاتهولي

علشان أنا عايزة أحدفه عايز أعرف مين حيتجوز الأول إنتي ولا منة

دعاء : ماشي يا ستي مع إن المفروض منة الأول يتجوزوا بقه

إتجهت دعاء لليخت الراسي في المياه لإحضار ورود نور كان

اليخت هادناً غادر الجميع نظرت حولها حتى وجدت باقت

الورود على الأريكة الصغيرة بالكوشة إمتدت يدها لإمسكاه ولكنها

..... لكنها وجدت يد أخرى تمتد لنفس البوكيه يد أخرى لمست

يدها عن قصد نظرت سريعاً فوجدته أمامها شعرت بتبضات قلبها

متسارعة عالية نظر نحوها بقوة وشوق ثم قال

أدهم : وحشتيني

دعاء : إنت جيت إمتي و بتعمل إيه هنا

أدهم : العصفورة قالتلي وإتفتت معايا كمان

دعاء : عصفورة نور

إقترب منها أدهم كان لا يزال جريئاً كعادته قال في صوت

هامس : ممكن أخطفك ساعة واحده بس نتكلم ممكن

دعاء : ده اليخت بتاعك صح

أدهم : أيوه يا حبيبي

دعاء : أدهم لو سمحت

أدهم : حبيبي وحياتي وروح قلبي كفاية هروب بقه خلينا نحاول

..... حبنا مايستاهاش اننا نحاول

نظرت دعاء نحوها ودموعها توشك على الظهور أخرج منديلاً ومسح

دموعها وقال : والله بحبك وحامل المستحيل علشان أكون جدير

بيكي ممكن

دعاء بإبتسامه : ممكن

أدهم : بجد ياااااااااااااااااااااااااه أخيراً

وهكذا إنطلق اليخت مرة أخرى بأدهم ودعاء في خطوة أولى نحو طريق

حبهم

كانت نور تنتظر مبتسمة إلى اليخت الذي بدأ يتحرك بالفعل لاحظ عمر

مراقبتها لليخت وقال : في إيه بتضحكي على إيه

نور : مبسوطة ونفسي الناس كلها يكونوا مبسوطين زي

عمر : طيب يلا بينا على بيتنا عندي كلام مهم جداً وعايزة أقوله
بقى

حمل عمر نور أمام الجميع الذين سعدوا من أجلهم وتمنوا لهم حياة سعيدة
.....
جلست بجانبه في السيارة قبل جبهتها في رقة وإنطلقت السيارة بهم لعش
الزوجية

النهاية
عفواً البداية